

# WANTOK

NIUSPEPA BILONG YUMI OL PAPUA NIUGINI STRETI 30 YIA NAU

32 pes

Namba 1,362

Wik i stat long Fonde Ogas 3, 2000

70t

**Gavman i no strongim rrom**  
-pes 2

**Post PG i no strongim rrom**  
-pes 3

**Long Namban sru**  
-pes 7



**Lukim ol taksava bilong sones insait**

## Komyuniti kalabus em gutpela rot

RAYMOND PALANGAT i raitim

SISTEM bilong Lo insait long Papua Niugini yet i wok long kamapim hevi bilong lo na oda insait long kantri, Atori Jenerel na Jastis Seketeri Sao Gabi i tok.

Mista Gabi i tok 20 krismas olgeta i kam nau, hevi bilong lo na oda tasol i bin stapim planti gutpela na developmen long kamap insait long kantri.

Mi bilip kriminel jastis sistem na edminstresen bilong em na ol Lo bilong en i bin kamapim ol dispela hevi bilong lo na oda, Mista Gabi i tok.

Em i tok i mas gat gutpela wok poroman namel long ol lo we i stap aninit long wok bilong wanwan lo na jastis sekta. Em i tok moa olsem dipatmen bilong em laik stretim gut pasin bilong toktok wantaim na wok bung wantaim ol arapela gavman opis insait long komyuniti long poroman wantaim na kamapim stretpela polisi bilong stretim hevi bilong lo na oda insait long kantri.

Mi bilip long kamapim komyuniti koreksen polisi na stretim gut ol long kamapim probesen, kriminel kompensesen na komyuniti wok program em gutpela step-taim yumi lukim ol kalabus lain insait long ol haus kalabus i pulap na bung bung wantaim narapela narapela, em i tok.

Mista Gabi i tok dispela tingting i nogat kalabus bilong en, em i kamapim wok helpim i go bek long komyuniti, kirapim rot bilong stretim na senisim pasin i go gutpela na i stretpela long pasin bilong yumi ol man. Em i tok dispela bai daunim planti kos bilong mani long kamapim.

Long daunim tu namba bilong ol kalabus lain long haus kalabus, dispela inap helpim wok edminstresen bilong ol haus kalabus na gutpela wok na rot bilong stretim ol lain husat i stap long haus kalabus inap kamap gut.

Mista Gabi i mekim ol dispela toktok insait long komyuniti polisi na lejislesen woksop long Mosbi long Tunde dispela wik.

As tingting bilong dispela woksop em long:

- long kisim tingting bilong ol bkepela gavman opis long kamapim wanpela komyuniti polisi bilong ol Atori Jenerel Dipatmen,
- long lukim na skelim na kisim toktok i kam long nesanel lo na jastis long sait bilong ristoretiv jastis,
- luksave long ol polisi eria we i ken kamap wantaim ol lejislesen we i stap pinis,
- luksave long ol bkepela eria bilong karimaut pastaim, na
- luksave long ol lejisletiv amenmen.



### Ol nupela stem

• Dispela em ol stem bilong skin pas. Post PNG i wokim wanwan stem makim piksa bilong 6-pela Praim Minista bilong PNG stat long taim bilong independens de long 1975 i kam nau. Ol dispela stem bai makim 25 krismas independens bilong PNG.  
Foto: IVAN BAYAGAU.

### WENCESLAUS MAGUN na VERONICA HATUTASI i raitim

SUPRIM Kot long dispela wik i bin rausim beil aplikesen (askim kot long kam ausait long kalabus na wetim kot) bilong tripela ami husat Nesanel Kot i bin rausim ol long sas bilong mutini (traim long rausim komanda bilong ami) aninit long seksen 55 (1) bilong Difens Fos Ekt na i bin salim ol i go kalabus long mak bilong 6 i go long 8-pela yia, tupela wik i go pinis.

Jastis Timothy Hinchcliffe long Nesanel Kot long Julai 10, 2000 bihain long hanim kot bilong ol i bin salim ol i go long 20 yia kalabus. Kepten Belden Namah bai kalabus long 8-pela yia na Kepten Renagi bai kalabus long 6-pela yia na wankain tu long na Namba Tu Leftenen Linus Osaba husat bai kisim 6-pela yia.

Kot i bin painimaut olsem tripela soldia ya i bin stap long Spesel Fos Yunit (SFU) we o bon

### Kot rausim beil aplikesen bilong tripela ami

egensim lo na tekova long kontrolim operesens long Mari Bareks long Julai 28, 1997, taim Senalin hevi i bin kamap. Na ol i bin go pas long wok bilong blokim mein geit long bareks na tu putim komanda na narapela sinia opisa long haus ares o kalabus insait long haus.

Tasol loya bilong ol, Parkop Lawyers i bin mekim apil long salensim dispela xdisisen bilong Nesanel Kot. Nau yet Kot i no makim wanem taim em bai harim dispela apil kes.

Long dispela wik, dispela tripela ami, Kepten Renagi, Kepten Namah na Namba Tu Leftenen Osaba i bin apil gen long Suprim Kot bilong kisim beil, aninit long seksen 11 bilong Bail Act, bai ol i ken wetim apil bilong ol. Tasol Sief Jastis, Sir Arnold Arnet i tok, maski i tru aninit long seksen 42 (6) bilong Mama Lo na Bail Act i gat rait bilong kisim beil long wanpela

man o meri i gat tok olsem em i brukim sampela lo tasol dispela i no karamapim lo bilong trisen o agens long gavman bilong de o i gat laik long kilim man o meri (wilful murder), na ol lain Kot i bin easim ol pinis i nogat rait long kisim beil.

Sir Arnold i tok as bilong Kot i no inap tok orait long beil aplikesen bilong ol dispela tripela ami em i bikos bipo long Kot i gimim sas, i gat sans i stap yet bilong soim olsem dispela tripela ami i no brukim wanpela lo. Tasol bihain long Kot i mekim disisen pinis na sasim ol, Kot i bilip ol i painim aut pinis olsem ol dispela ami i brukim lo na olsem Kot i no inap gimim tok orait long beil.

Em i tok long dispela as, i nogat planti kain ol aplikesen olsem i kamap long ai bilong Kot, tasol sapos i gat wanpela i kamap, ol Kot i save glasim gut tru.

Em i tok tasol Kot i gat pawa long ekseksaisim dispela pawa. Sapos Kot i painim olsem i gat gutpela as tru, orait, Kot i ken gimim beil. Sir Arnold i tok long dispela beil aplikesen, em i no painim olsem i gat gutpela as tru bilong ekseksaisim dispela pawa na tok orait long gimim beil na olsem em i no gimim beil long dispela tripela ami opisa.

Long wankain taim, ol pipel bilong Siwai long sautwes Bogenvil i apil long Praim Minista Sir Mekere Morauta long yusim pawa na marimari bilong em long pogivim dispela tripela PNG Difens Fos soldia.

Vais Presiden bilong Kaunsi ol Siefs (COE) long Siwai Lokol Level Gavman Tony Lising, na tupela COE opisa, Paul Mairaka na Joseph Kiwou i makim maus bilong ol Siwai pipel long sautwes Bogenvil i bin tokim Wantok olsem praim minista i mas pogivim ol na ol bai noken kalabus bikos samting ol i wokim i bin sevim ol manmeri na pikinini bilong Bogenvil, maski em i egensim mama lo.

**Nestlé MILO** IKEN WOKIM GUTPELA SAMTING LONG YU



# PLIS RIPOT

**Mosbi:**

Ol i holim pasim na sasim tripela yangpela man long kilim dai Tony Miriks, top Bogenvil boksa long mun Me long dispela ya.

Plis ripot i autim nem bilong olsem Jason William husat i gat 24 krismas na Camry Daniel wantaim 27 krismas em tupela bilong Is Nu Briten na Gumbo Hetik wantaim 23 krismas bilong Morobe provins. tripela i bin kamap long ai bilong waigani Distrik Kot long dispela wik.

Ol bin painim dai bodi bilong Miriks insait long ol bus long Tri Mail bihain long sampela lain i kilim em i dai na ol i halitim i stap.

Ol plis ripot i bin tok Miriks i bin dai bihain long ol bagarap em i kisim taim ol i katim em wantaim naip long rait han na bros bilong en. I bin gat ol bagarap long ol arapela hap long bodi bilong em.

Long ol plis ripot ol i bilip olsem Miriks i bin stap insait long pait wantaim sampela spakiain long nait bihain long ol i painim dai bodi bilong en.

Miriks husat i gat 26 krismas i bilong ples Kurai long Sentrel Bogenvil. Ol bin kilim dai em bihain tasol em bin kam bek long Oseania Olimpiks trail pilai long Sidni Australia.

**Is Sepik:**

Tupela man i bin dai long Is Sepik las wik insait long wanpela ka eksiden long Is Sepik Haiwe.

Tupela man ya i bilong ples Kwiaikum insait long Kubalia eria.

Plis Komada Leo Kabilu i tok ka we ol i bin stap long en i wok long ron spit i go olsem long Kubalia taim draiva husat i wanpela Katolik pater i lusim kontrol long brek na em i kapsait. Tupela pasindia i bin dai taim pater na 11-pela narapela i kisim bagarap.

Mista Kabilo i tok ka i bin ovalot na i wok long ron spit tru taim em i bungim biru.

Em i tok draiva wantaim ol 11-pela pasindia i bin etmit long Boram haus sik.

Em i tok Katolik pater ya i wok long go bek Saussia Peris bilong em taim biru ya i kamap.

Em i tok plis bai i kwestening pater na sasim em bihain em i kamap orait na lusim haus sik.

Em i tok wankain biru we wanpela pater i bin dai long en i bin kamap long dispela sem hap long las ya.

Mista Kabilo i apil long ol draiva long noken ovalodim ol ka wantaim ol pasindia bikos ol rot long hap i no gutpela tumas na biru i ken kamap

**Hailans:**

Wanpisin pait namel long Kondika na Neneka lain insait long Westen Hailans we i bin kamapim 10-pela dai i pinis.

Provinsl Plis Komanda Superintenden John Bonot i tok 10-pela man we i gat long en wanpela Lokol Level Gavman opisa i bin dai long dispela pait.

Pait ya i bin stat taim wanpela Kondika wanpisin i kilim dai wanpela man Neneka long pait kros long meri.

Plis i tok pait namel long tupela grup i bin stap insait long wanpela mun. na long las mun, ol pipel i wanbel long pinisim pait bihain long plis na distrik pis komiti i karimaut kempein long pasin bilong sekan na bel isi pasin.

Superintenden Bonot i tok insait long dispela pait, ol wanpisin i bin lusim ol propeti we pe bilong ol inap long K1 milien. wanpela em nupela loj we i bin kostim K200,000 long wokim na ol diwai kopi.

## Kampani bilong Wantok winim awod

• Edita bilong Post Courier niuspepa Oseah Philemon i givim awod o wanpela diwai plet lgo long jenerel menesa bilong Word Publishing kampani Anna Solomon. Dispela awod i makim luksave bilong kampani long gutpela wok independent niuspepa, susa niuspepa bilong Wantok i mekim long raitim ol gutpela stori bilong lukautim na was gut long ol bus, graun, wara na solwara bilong mipela. Nogut ol bikpela wok developmen i kamap na bagarapim ol gutpela samting i stap long en we i bun na strong bilong yumi ol pipel bilong ples na Papua Niugini olgeta. Dispela awod em ol i kolim International Green Pen awod we Pacific Island News Association (PINA) i givim long Word Publishing kampani we Anna Solomon i menesa long en.



## Gavman i no luksave long Provinsel na Lokol Level Gavman rifom sistem

**WENCESLAUS MAGUN i raitim**

GAVMAN i no luksave long nupela rifom sistem bilong Provinsel na Lokol Level Gavman sistem bihain long 1997, Minista bilong Pablik Sevis, Philemon Embel i tok.

Em i tok, olsem olpela minista bilong Provinsel na Lokol Level Gavman, em i luksave olsem, bihain long 1997 ileksen, gavman i putim ajenda bilong Provinsel na Lokol Level Gavman long sait na i lus tingting olgeta long en.

Mista Embel i tokaut long dispela bihain long sampela politisen i sutim tok long rifom sistem i no wok gut.

Em i tok dispela ol toktok ol politisen i mekim em i no tru olgeta. Em i tok sapos rifom sistem i no wok gut, em bikos gavman i no givim namba wan prairoriti long lukim olsem olgeta wok bilong stretim ol lo insait long Provinsel na Lokol Level Gavman rifom sistem i stret.

Em i tok sapos gavman i laik lukim ogenik lo bilong dispela rifom sistem i wok gut, orait gavman i mas lukim bai ol wok manmeri bilong gavman i karim aut ol lo bilong dispela sistem.

Mista Embel i tok tu olsem, i kam inap nau gavman i no mekim yet 10-pela lo bilong dispela rifom sistem. Wantok i askim em long wanem ol dispela lo em i toktok long en, tasol em i no tokaut.

Em i tok long dispela as, wan wan gavman dipatmen i mas stat long raitim ol ekt (lo) bilong divisen o dipatmen bilong ol wantaim tingting i kam long Atoni Jenerel, na Lejislativ Kaunsel long kisim tok orait long mekim ol dispela lo.

Wanpela bilong ol kain ekt (lo) Mista Embel i toktok long en em, i no longtaim i go pinis ol i pasin Lokol Level Gavman Ekt bilong kisim takis.

Mista Embel i tok long kamapim kain lo olsem, olgeta dipatmen husat i gat wok long dispela eria i mas wok bung wantaim. Em i tok long stori bilong kamapim LLG Ekt bilong kisim takis, Dipatmen bilong Fainens na Treseri, Intenel Reveniu Komisen na Provinsel Afeas na Lokol Level Gavman Kaunsel i bin sindaun wantaim na glasim ol lo bipo long ol i kamapim dispela lo.

Em i tok wankain pasin i mas kamap wantaim ol arapela dipatmen na divisen. Em i tok, taim ol i raitim draf bil bilong ol, ol i ken givim i go long husat minista i lukautim dipat-

men o divisen bilong ol, na dispela minista i mas presentim long Palamen long kamapim olsem lo.

Mista Embel i tok narapela bikpela hevi i stapim rifom long wok gut long kantri em ol hevi insait long straksa na edministresen bilong Provinsel na Lokol Level Gavman.

Em i tok, gavman i mas wokim ol haus bilong ol pablik sevans; gutpela edministresen opis; kamapim gutpela pos opis na beng sevis; gutpela trenspot sistem; lukim olsem i gat gutpela pawa na wara saplai sevis i go insait long long distrik; i gat gutpela haus sik; na ol skul we ol pikinini bilong ol wok manmeri i go wok long ol distrik i ken kisim ol dispela sevis long distrik level na i no mas go long provinsel gavman hetkwata.

Mista Embel i tok ol dispela samting i mas kamap pastaim, bipo long gavman i ken tingting long salim ol wok manmeri bilong en i go long wok long ol distrik.

Namba tri eria we gavman i no givim prairoriti long en, Mista Embel i tok, em long 'Capacity Building' o skulim ol wok manmeri long mekim gut wok bilong ol.

"Yumi mas stat skulim gen ol wok manmeri bilong yumi bai ol i save long nupela rifom sistem na tu redim ol long go wok long ples. Yumi mas skulim ol tu long save long wanem kain wok yumi salim ol i go long mekim," Mista Embel i tok.

Em i tok sapos gavman i no luksave long ol dispela eria na mekim sampela samting kwik long stretim, ol pipel long ples bai lukim tasol ol sevis wan wan memba bilong ol i yusim K1.5 milien bilong Rurel Ektsen Program mani long kamapim ol projek long ilektoret bilong ol.

Mista Embel i tok planti ol pipel bilong PNG i no lukim kaikai bilong rifom sistem bikos olgeta dispela hevi i wok long blokim wok bilong rifom sistem.

Olsem na em i askim olgeta sentrel ejensi bilong gavman long bungim het wantaim na mekim ol lo na ol arapela samting bai rifom sistem i ken karim gutpela kaikai insait long kantri.

Mista Embel i tok long lukim rifom sistem bilong kantri i wok, gavman i mas kisim K200 milien dinau mani long sampela hap na putim insait long long Dipatmen bilong Provinsel na Lokol Level Gavman insait long 2001 baset, bai dipatmen i ken mekim gut wok.

## Ol tisa noken bagarapim ol pikinini

**PEKU PILIMBO i raitim**

WANPELA apil i kam long Sekreteri bilong Hom Afeas Joseph Sukwianomb olsem olgeta tisa na nes husat i stop wok mas kam bung wantaim gavman na toktok bilong stretim dispela hevi.

Mista Sukiabnomb i poromanim singaut bilong dukesen Sekreteri Peter Baki long tok ol tisa na nes i mas tingting long ol yangpela pikinini husat i nogat wanpela asua tasol i kisim taim long dispela stap wok bilong ol tisa.

Dispela singaut i kamap bihain long olgeta tisa insait long olgeta Hailans Provins i stapim wok na sampela i risain bihainim wanpela singaut bilong Nesenal kot long Waigani long Fraide i bin odarim olgeta tisa husat i straik long hailans long go bek na tis o nogat bai ol i sanap long kot. Nesenal kot i tok olsem ol 5-pela presiden bilong Tisa Asosiesen long hailans bai sanap long kot sapos ol i no salim ol tisa i go bek long tis hariap.

Dispela kot oda i kam bihain long Tising Sevis Komisen i kisim ol 5-pela hailans Tisa Asosiesen i go long kot long lukim olsem moa long 10,000 tisa insait long hailans husat i straik i go bek gen na tis.

Tising Sevis Komisen Siaman Toby Davis i bin tok olsem em i amamamas long lukim dispela kot oda bikos ol tisa i brukim lo na ol i no go wok bikos ol tisa i tok ol i risain tasol nogat wanpela risain pepa i stap long opis bilong em.

Long wankain taim, Edukesen Minista John Waiko i tok olsem gavman bai traim lukluk long hapim mani bilong ol tisa long mak bilong prais bilong kaikai i go antap inap 60.52 pesen na i no inap hapim pei bilong ol tisa inap long 200 pesen. Em i tok dispela mani bai ol tisa i stat kisim long Ogas 11, 2000.

Dokta Waiko i tok gavman i nogat inap mani long givim dispela 200 pesen pei apim ol tisa i askim na em i askim ol tisa long go bek na skulim ol pikinini husat i nogat wanpela asua.

Hom Afeas Sekreteri Joseph Sukwianomb i tok bihain bilong ol yangpela pikinini i bagarap pinis long dispela pasin ol tisa na nes i mekim olsem na em i askim tupela grup long noken bagarapim bihain bilong ol yangpela.

Mista Sukiwanomb i tok, "Mausman bilong tupela grup wantaim i mas kam bung long wanpela tebol na sindaun toktok wantaim gavman long stretim dispela hevi na wanem samting gavman inap mekim long stretim dispela hevi.

"Planti pikinini i kisim bagarap pinis na sapos dispela samting i go het yet, planti moa i no kisim skul o marasin na sampela inap bagarap olgeta." Mista Sukiwanomb i tok. Olgeta dispela singaut na kot oda i no inap senisim sanap bilong ol tisa bikos planti tisa i wok long risain.

# WANTOK

All departments. Phone: 3252500 - Fax: 3252579  
P. O. Box 1982, Boroko, NCD, Papua New Guinea.

Publishing Weekly, Wednesday, for Word Publishing Company Ltd.



Printed and Published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

General Manager and Group Editor in Chief: Anna Solomon  
Acting Advertising Manager: Jocko Oberleuter

Papers distributed by air throughout PNG. Available by air mail subscription within Papua New Guinea and overseas. Email address: word@global.net.pg

Advertising deadlines, Display bookings: Tuesday midday. Camera ready copy: Tuesday midday. Classified Advertising: Tuesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.



# PNGTUC kros long pasin PNGTA i mekim long ol memba bilong en

HELEN REI i raitim

PAPUA Niugini Trade Yunien Kongres (PNGTU) i kros long disisen Papua Niugini Tisa Asosiesen (PNGTA) i mekim taim ol i kamap olsem wanpela witness o plaintiffs long kisim ol memba bilong ol i go long kot.

Seketeri Jenerel bilong PNGTUC, John Paska i tokaut long dispela long taim pasin bilong i no wok bung wantaim i kamap namel long nesenel gavman, Tisa Sevises Komisen (TSC), PNGTA na ol tisa.

Em i tok tu olsem pasin bilong ol tisa i no wok bung wantaim ol yunien eksekutiv, em i wanpela bikpela wari.

Em i autim tingting bilong

em tu long pasin ol i wok long toktok i go i kam long hevi bilong ol tisa. Em i tok kisim dispela hevi i go long han bilong kot em las samting wanpela yunien i mas mekim.

"PNGTUC i agensim tru pasin TSC i mekim long kisim kot oda long ol tisa. Mipela i lukim dispela olsem pasin bilong bagarapim ol tisa na rait bilong ol wok manmeri long pablik ples.

"Mipela i lukim dispela tu olsem i no bihainim lo na edvaisim ol tisa long kisim narapela kot oda long rausim dispela disisen. Long tingting bilong mipela, pasin bilong kisim kot oda em i no taim stret bilong mekim, em i sutim bel na i makim interes bilong olge-

ta pati long stretim dispela hevi. Wanem samting dispela pasin i mekim, em long putim moa fuel long opim baret namel long ol tisa, yunien bilong ol, na gavman.

"Mipela i lukim dispela kot oda olsem pasin bilong daunim rait bilong ol wok manmeri bai ol i noken go bung wantaim na autim bel hevi bilong ol fri. Em i nogut na pasin ol yunien eksekutiv i mekim i kamapim bikpela asua agensim fridom bilong autim tingting.

"Mipela i bilip ol eksekutiv bilong PNGTA i abrusim mak bilong ol na lusim tras' ol memba bilong ol i gat long ol. Wanem samting ol i mekim em i no save kamap insait long

muvmen bilong ol yunien," Mista Paska i tok.

Em i tok kot oda i putim ol yunien olsem wanpela witness em i no stret. Em pasin bilong lusim tras bilong ol memba long yunien na PNGTUC i no amamas long dispela.

Mista Paska i tok askim bilong ol tisa long hapim pe bilong ol i go antap long 60 pesen em i stap long oda, tasol ol i mas pasim tok bilong memorandum ov andastending (MOU) kwik. Ol i mas stretim kwik long winim bek tras bilong ol tisa bai ol i go bek long klas.

PNGTUC i sori long ol tisa na i askim ol long sanap wantaim.

## PNG gat longpela rot yet long gutpela ileksen, Narokobi i tok

RAYMOND PALANGAT i raitim

LONGPELA rot i stap yet long stretim gut ileksen sistem bilong Papua Niugini, Spika bilong palamen Bernard Narokobi i mekim dispela tok-tok.

Mista Narokobi i tok lilektorel Komisin i mas opim dua bilong ol moa na kisim tingting bilogn ol manmeri na tu long arapela kantri long pasin bilong ol long kamapim ileksen na skelim wanem kain gutpela rot tru bilong karimaut ileksen hia long PNG.

Mista Narokobi i mekim dispela toktok bihain long Sief Ombudsmen Komisina Simon Pentanu i tokaut long luksave bilong em long ileksen bilong kantri Zimbabwe long Afrika taim em i go lukim long dispela yia.

Mista Narokobi i bin gat sans long go lukim ileksen bilong Naijaria long las yia olsem wanpela Komonwol Obseva grup. Olsem na em i tok salens bilong kamapim gutpela na fea ileksen insait long Papua Niugini i stap long han bilong ol pipel yet.

Mista Pentanu i tok grup bilong ol i bin go bihainim singaut bilong Komonwol Seketeri Jenerel Don McKinnon long glasim na skelim dispela ileksen. Bihain long ileksen i bin pinis, ol i givim sampela tingting long wanem samting ol i lukim na wanem kain rot kantri Zimbabwe i ken

bihainim long kamapim gutpela ileksen long bihain taim.

Dispela grup we Mista Pentanu i go wantaim (50 lain olgeta) long glasim na skelim ileksen long Zimbabwe i kam aninit long nem Komonwol Obseva grup na wok bilong ol em long lukluk tasol na i noken supavais.

Mista Pentanu i tok grup bilong ol i skelim na luksave olsem i gat sampela gutpela i kamap long ileksen na sampela hevi tu.

Ol opisa bilong lilektorel Komisin husat i bin kamap long harim Mista Pentanu i tokaut long dispela luksave bilong em long ileksen bilong kantri Zimbabwe i tokaut olsem dispela ripot bilong Komonwol Obseva grup em bikpela samting long PNG i ken lukim na lainim sampela gutpela samting long helpim ileksen sistem bilong mipela long hia.

Mista Pentanu i tok dispela Jun 2000 nesenel ileksen long kantri Zimbabwe i kamapim wanpela bikpela het toktok olsem Zimbabwe Afrika Nesen Yunion. Na dispela i bin namba wan ileksen salens bilong kantri taim kantri i bin kisim independens bilong em long 1980.

Mista Pentanu i tok em i laki tru long makim Papua Niugini insait long Komonwol Obasa grup long go lukim dispela stail bilong ileksen long kantri Zimbabwe we i wanpela bikpela samting long lukim na save.

## Ol BRA lida givim Nesenel Gavman siks wiks long tok klia

Veronica Hatutasi i raitim

OL HATWOK long painim gutpela sindaun long Bogenvil bai bagarap sapos Nesenel Gavman i no wokim samting long stretim rot hariap bilong kamapim politikel setelmen o gavman bilong bihain taim bilong ailan.

Na Nesenel gavman i kisim siksipela wik inap long Septemba 15 long kamap wantaim plen bilong em long dispela politikel setelmen we Bogenvil i mas gat long en.

Ol strongpela BRA lida olsem David Sisito, Andrew Miriki, James Taraiti na Jonathan Ngati i bin autim dispela toktok insait long join bung bilong Bogenvil Provinsel Interim Gavman (BPIG) na Bogenvil Pipels Kongres(BPC) long las wik Fraide.

Dispela lain ya i bin tokim bung olsem grup long BPC we i strongim Bogenvil long brik lusim PNG tasol ol bin laikim gavman i gat moa pawa (otonomi) olsem gutpela rot long stretim hevi na kamapim gutpela politikel setelmen i wet longpela taim pinis long Nesenel gavman long givim ol stiarot long dispela samting tasol ol i lukim olsem gavman i nogat strongpela tingting long wokim dispela. Olsem na ol i

les na ol i laik tanim narakain nau.

Ol dispela strongpela BRA lida ya i tok bikpela hevi gen bai kamap long ol hatwok long gutpela sindaun long Bogenvil we planti lain, mani na taim i go long en sapos gavman i no wokim samting hariap.

Ol i tok ol BRA/BIG lain bai lusim negosieting tebol na Bogenvil bai karimaut referendum long gavman bilong em yet na askim Yuniatet Nesens Obseva Misin long ailan sapos Yuniatet Nesens i ken go insait long helpim ol long painim ansa na kisim wari bilong Bogenvil i go long Yuniatet Nesens Sekyuriti Kaunsil.

Long maskim ol foma BRA/BIG memba, Mista Miriki i tok maski plasnti milien kina em ol i tromoim long ol negosiesen na lukautim gutpela sindaun long ailan, Nesenel Gavman i no kamap klia na tokaut long trupela posisen bilong em long ol bikpela samting olsem gavman bilong Bogenvil i gat moa pawa, referendum na independens.

Mista Miriki i bin tok ol man i wok long bung na toktok long dispela samting.

"Na sapos nogat samting i kamap long kraibilong ol pipel na Septemba 13 i kamap, ples bai paia," Mista Miriki i tok.



NSO, o Nesenel Stetistikol Opis, i sambai tasol long peim olgeta senses wokmanmeri insait long Papua Niugini, Senses Direkta Mista John Kalamoroh i tok aste long Pot Mosbi.

"Mani i stap pinis long benk long peim olgeta wokmanmeri bilong senses," em i tok long senses hetkwota bilong em long Wards Strip insait long Waigani.

Planti ol senses wokmanmeri i ting olsem NSO i nogat mani long peim ol na ol i wok long hatim Mista Kalamoroh long dispela wik.

Mista Kalamoroh i tok olsem dispela tingting i rong olgeta na ol senses wokmanmeri i noken tingting nogut na mekim trabel.

Em i tok olsem NSO bai i peim olgeta senses wokmanmeri taim ol pinisim gut wok bilong ol.

Mista Kalamoroh i tok olsem klostu nau bai mop-ap opareisen bilong senses i pinis long olgeta hap bilong kantri na em i hama-mas tru long wok bilong olgeta senses wokmanmeri.

Long mop-ap, ol senses wokmanmeri i go bek ken long kauntim ol pipel ol i no bin kauntim long taim bilong senses long Sande Julai 9 i go inap long Sarere Julai 15.

Dispela wok bilong mop-ap i bin stat long Sande Julai 16.

Senses mop-ap long olgeta taun i pinis long 12 kilok nait long Sande Julai 30.

Long Pot Mosbi tasol Mr Kalamoroh i sukurim ken o ekstendim taim bilong mop-ap i kam inap long dispela wik.

Ol senses wokmanmeri bilong Pot Mosbi i no bin kauntim ol sampela liklik grup long taim bilong mop-ap na Mista Kalamoroh i strong long ol i mas kauntim olgeta manmeri pikinini.

Long ol arapela senses bipo, ol senses wokmanmeri i no bin kauntim olgeta pipel insait long Papua Niugini olsem na Mista Kalamoroh i laikim 2000 Nesenel Populeisen Senses long winim olgeta senses bilong bipo na kauntim olgeta manmeri pikinini insait long kantri.

I gat arapela rison tu long disisen bilong ekstendim mop-ap long Pot Mosbi.


Mista Kalamoroh i tok olsem populeisen bilong Pot Mosbi i liklik taim yu makim ol wantaim populeisen bilong olgeta Papua Niugini tasol maus bilong ol Pot Mosbi i sap tumas na em i no laikim ol long sutim tok i go i kam na tok olsem senses i no ron gut long siti bilong ol.

Mop-ap long ol ples kanaka na ol ruel eria bai i got yet long neks wik na pinis long 12 kilok nait long neks Sande Ogas 13.


● Gavman bilong Papua Niugini na Gavman bilong Australia i sapatim 2000 Nesenel Senses.







# NIUGINI AILAN NIUS



## Interim Gavman kisim singaut long strongim lo na oda

### Veronica Hatutasi i raitim

SINGAUT i go long provinsel gavman na ol arapela atoriti long Bogenvil long mekim samting hariap long daunim ol lo na oda hevi we i wok long kamap bikipela long planti hap bilong ailan.

Wantaim dispela, singaut i go tu long sanapim bek kot sistem na putim moa plis insait long eria long helpim lukautim lo, gutpela sindaun na gutpela pasin (jastis) insait long famili, ples na komyuniti.

Lo na oda hevi em i wanpela bikipela wari i stap insait long planti hap bilong Bogenvil long dispela taim.

Moa yet hevi bilong hombru, pasin bilong bagarapim meri, paitim narapela (asalt) na stil pasin.

Tupela bikman long Korikunu eria long Siwai em Simon Kupirake na Ludwig Hining i tok tupela long ol dispela hevi em ol nupela na ol no bin stap bipo.

Em long hombru na pasin bilong bagarapim meri ol long Tok Inglis ol i kolim long reip.

Tupela Mista Kupirake na Hining i tok i luk olsem Interim Provinsel gavman bilong Bogenvil (BIPG) i no wokim sampela kain toktok na tu givim bikipela tingting long daunim ol sosel na lo na oda hevi insait long ol komyuniti long Bogenvil.

Tupela i tok Klen Kaunsil ol Siefs (CCC) tasol wantaim ol atoriti insait long ples na komyuniti, ol Katolik meri na ol arapela sios na meri grup tasol i save wok hat long daunim ol dispela hevi.

Ol i tok pasin bilong bagarapim meri, hombru na asal em ol hevi we i wok long kamap nau tasol long eria na ol i laikim ol atoriti, ol komyuniti, ol siefs na ol sios na meri grup long wok wantaim stapim ol dispela hevi.

Ol i tok CCC i sasim K50 fi long ol man husat i dring hombru na ol i wokim nabaut. Na ol i

sasim namel long K300 na K1,000 long ol lain i bagarapim meri.

Hevi long pasin bilong bagarapim meri i bin stat long Siwai eria long 1994 taim ol pipel i kamait long bus na go stap long ol kea senta.

Em no save kamap long planti taim tasol long ol ripot, ol lain i save gat sampela belkros wantaim ol arapela lain na long bekim dispela, ol i save kirap na bagarapim susa o pikinini.

Long dispela taim tu, ol yangpela man i wok long karim ol sap samting olsem naip na sarif na taim ol i dringim hombru na ol i kros wantaim ol arapela, o, i save yusim ol dispela samting long katim narapela wantaim na kamapim bagarap long bodi bilong ol.

Tu sampela man we i wokim ol bikipela birua olsem kilim dai narapela man i raun nabaut fri bikos i nogat kot sistem yet long Bogenvil.

Wanpela eksampel em long tupela wik i go pinis, wanpela man long Buka Distrik husat i bin paitim nogut meri bilong em husat i wanpela skul tisa long wanpela praimer skul na meri ya i dai.

Man i wanpela pablik sevans bilong narapela provins tasol i kam inap long tude, em i stap fri na i no kisim wanpela sas yet. Buka Distrik i gat plis i wok i stap tasol ol no wokim wanpela samting o putim sas long dispela man yet.

## Komyuniiti laikim pait grup lusim ol samting bilong pait

TRUPELA gutpela sindaun bai kamap long Bogenvil sapos ol lain husat i bin stap insait long pait long ailan i lusim ol gan na ol arapela samting bilong pait.

Dispela em toktok bilong tupela bikman bilong Korikunu eria insait long Siwai, sautwes Bogenvil husat i makim maus bilong komyuniti long dispela eria.

Tupela man ya em Simon Kupirake husat i wanpela sief bilong ples Kaparo na i stap insait long Pis Monitoring Grup komiti stat yet long Desefriba 1997. Narapela man em Ludwig Hining wanpela bikman long ples na sios lida tu.

"Trupela gutpela sindaun bai i kamap

sapos ol paitgrup i lusim ol samting bilong pait.

"Taim ol yangpela i holim ol samting bilong pait, dispela i mekim hat long trupela gutpela sindaun long kamap.

"Ol wok na toktok long gutpela sindaun i wok long go het tasol pretpasin i stap yet bikos ol yangpela i holim yet ol gan.

"Ol politikel toktok long bihain taim bilong Bogenvil i go het tasol bikipela samting em ol gan we ol i mas jusim.

"Sampela Yunaitet Nesens lain i bin kamap long ples Konga long Siwai long toktok wantaim ol bikman, ol siefs ol BRA na resistens lida na ol ples lida na ol bin

pasim toktok long lusim ol samting bilong pait long Siwai eria.

"Ol resistens i lusim pinis ol gan tasol ol BRA i mas wokim wankain," tupela bikman i tok.

Pastaim, ol pait grup i bin redi long lusim ol gan long han bilong ol PNG Difens Fos tasol ol bin stop long wanem ol bin harim olsem sampela long ol soldia i kisim ol gan na salim gen i go long ol narapela lain.

Tupela bikman i tok ol toktok long dispela samting i karamapim tasol ol eria we i stap aninit long lukaut bilong gavman olsem Korikunu, Konga na Rataiku eria.

## Siwai pipel laikim ol nesenel memba i lukluk raun long ples.

SINGAUT i go long ol Nesenel Palamen memba bilong Bogenvil long go raun lukluk long ol pipel insait long ol ilektoret we i bin givim namba long ol long makim ol.

Planti pipel long ol ples insait long bikailan Bogenvil i no wok long lukim, harim o kisim wanpela gutpela samting long ol memba bilong ol inap klostu taim bilong ilkesen na ol lain i wokim ol kempain bilong ol na ol i save soim pes gen.

Sampela memba bilong pablik insait long Siwai eria, sautwes Bogenvil i tok ol i no amamas bikos ol palamen memba bilong ol, moa yet Saut Bogenvil memba Michael Laimo na Rijinel memba na Gavana John Momis i no save wokim ol lukluk raun wokabaut long sindaun na toktok wantaim ol pipel bilong ol.

"Ol memba i mas makim taim long go lukim ol pipel na ol siefs na sindaun harim ol na kisim ol tingting bilong ol.

"I no gutpela long kamap long ples na grisim ol long pulim vot long taim bilong ilkesen kempain. Tasol i moabeta long ol i wokim progrem long raun i go long ol ples na stap wantaim ol pipel bilong ol. Na ol bai kisim ol trupela tingting bilong ol pipel na wanem ol samting ol i laikim o wanem samting i mekim ol i wari," sampela ples lida long Siwai i tok.

Ol i tok ol save harim tasol long redio wokabaut bilong Mista Momis i go na i kam long Buka.

Na ol i tok i luk olsem ol nogat rijinel memba.

"Mipela i bin givim olgeta vot bilong mipela i go long Mista Momis na Laimo na sapos ol i abrusim mipela nau, bai mipela i no inap long tingim ol long narapela Nesenel ilkesen," ol sampela bikman long Siwai tok.

Ol i tok rot tu i bagarap na ol i no lukim nesenel gavman i no givim wanpela sapot long sait bilong mani long stretim ol.

**WANTOK**  
NIUSPEPA BILONG OL PNG STRET


P. O. Box 1982, Boroko  
Telepon namba: 325 2500  
Feks namba: 325 2579

**PE BILONG WANPELA VIA 52 NIUSPEPA**


PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00







# SEPIK NIUS




## Kumbakor i nogat sas bilong paulim mani, Kot i tok

MEMBA bilong Nuku na Hom Afeas, Yut na Wimens Minista Andrew Kumbakor bai kotim plis frad skwat na wanpela olupela kendidet bilong Nuku long 1997 nesanel ileksen bikos ol i bagarapim nating nem na rekot bilong em long kot we i nogat as long en.

Mista Kumbakor i mekim dispela toktok bihain long Waigani Distrik Kot i mekim disisen olsem i nogat as long kotim Mista Kumbakor long yusim diskresen fan bilong em. Bikos diskresen fan o mani em bilong memba stret aninit long nem bilong em na nogat wanpela man o kot inap toktok long dispela samting bilong memba stret.

Mista Kumbakor i tok Fabian Muip i wanpela 1997 kendidet bilong Nuku ilektoret i wok long traim painim ol toktok long salensim em. Na em i bungim ol hap hap pepa bilong opis bilong memba na i traim long kotim em long mani we memba i gat nem long kisim olsem alawens bilong baim ka, haus alawens o wanem hevi em i laik yusim mani long helpim aninit long diskresen bilong em.



• Andrew Kumbakor.

Mista Kumbakor i tok Fabian Muip i bin wok wantaim em olsem wanpela opisa bilong em. Tasol em i rausim Fabian Muip bikos ol wok bilong em i no stret. Fabian Muip i save holim sek buk bilong memba we em i sainim pinis na tu memba i save salim em i go long kisim pe o sek mani long palamen opis bikos em i sinia opisa. Tasol Mista Kumbakor i tok Fabian Muip i bin yusim ol dispela sans long bungim ol kopi bilong ol sek lip o

pe peket na traim long yusim egensim em.

Minista Kumbakor i no amamas tu bikos ol plis frad skwat i no bin sekim gut ol benk akaun bilong em na tu i no sekim sampela ki witness long kisim ripot bilong ol olsem wanpela meri eahostes we Fabian Muip i tok em i bin salim mani long dispela meri long go givim memba long Vanimo.

Mista Kumbakor i tok tu olsem taim ol plis frad skwat i bin mekim wok painimaut i go insait long dispela samting, em i bin raitim pas i go long Plis Komisina John Wakon long tokim em olsem ol plisman i no mekim stret sampela wok bilong ol long dispela painimaut i go insait long dispela komplem bilong Fabian Muip. Tasol Plis Komisina i tok em samting bilong Kot long skelim.

Kot i skelim long las wik Trinde olsem i nogat as insait long dispela komplem long kotim memba bilong Nuku.

Mista Kumbakor i tok olgeta tokot giaman Fabian Muip i mekim long ripot bilong em long Kot bai

em i yusim dispela olgeta tok giaman long kotim gen Mista Muip. Bikos ol toktok giaman bilong em i bagarapim tru gutpela nem na wok bilong em olsem memba bilong Nuku ilektoret na Minista bilong Stet.

Mista Kumbakor i soim Wantok Niuspepa olgeta pepa na kopi bilong sek na tu ol risit long mekim klia ol toktok bilong em. Na kot i bin lukim dispela olgeta pepa tu we planti em Fabian Muip yet i bin kamapim long traim kotim Mista Kumbakor.

Mista Kumbakor i tokaut tu olsem sapos Kot i bin glasim na skelim wanwan toktok we i egen-sim em, ating Kot bai luksave tu olsem planti toktok long pepa bilong Fabian Muip i no stret na i no go stret wantaim rekot bilong pasbuk bilong memba. Sampela namba bilong mani Fabian i raitim long ripot bilong em olsem memba i bin kisim i no stret tru wantaim namba o stetmen bilong benk akaun. Na Fabian i no bin soim dispela benk stetmen. Na tu wanpela ki witness Fidelis Kanawo i nogat nem long givim witness we

Fabian Muip i abrus tru long kamapim o frad skwat i no bin kisim ripot bilong em bikos em i bin wok wantaim ol na i save long ol dispela samting. Na tu meri eahostes we Fabian i tok em i givim mani long em long kisim i go givim memba long Vanimo i nogat ripot tu we plis frad skwat i no bin kisim ripot long meri ya.

Mista Kumbakor i rausim Fabian Muip long wok olsem ilektoret Asisten bilong em long Januari 15, 2000. Dispela em bihain tasol long Mista Kumbakor i bin bungim hevi taim ol raskol i hensapim em na sutim ston long em na kisim ka bilong em. Mista Kumbakor i raitim pas long Fabian Muip na tokim em olsem yu (Fabian) i no bin kam lukim mi long dispela taim o long moning taim hevi i bungim mi na dispela i soim olsem yu nogat rispek long mi olsem na mi rausim yu olsem ilektoret Asisten opisa.

Bihain long dispela, Fabian Muip i stat long go het long bungim ol pepa na ripot long kotim Minista Kumbakor inap Kot i rausim long las wik Trinde.

## Sir Pita singaut long rausim K5.00 sas bilong sip

MEMBA bilong Maprik Sir Pita Lus i no amamas long K5.00 ekstra fi ol pasindia bai baim taim ol i kalap long sip long Wewak na i laik go long arapela provins olsem Madang na Lae.


Sir Pita Lus i egensim tru dispela K5.00 ekstra fi bikos dispela fi bai i go antap long fi ol manmeri i save baim tiket na bai i surukim fea bilong tiket i go antap long ekstra K5.00.

Sir Pita i tok, em i olsem petron bilong Pangu Pati na longpela seving memba bilong Is Sepik long palamen insait long Papua Niugini na em i egensim tru dispela ekstra K5.00 fi long ol pipel bilong em long Sepik.

Gavman i bin kisim planti takis pinis long ol pipel na wantaim nupela takis bilong Velu Eded Takis (VAT) dispela i givim moa hevi long ol pipel, Sir Pita i tok.

Habas Bod i kisim bikpela mani tru long ol wof long olgeta hap bilong Papua Niugini. Bilong wanem na kamapim dispela kain fi nabaut long ol liklik manmeri we i mekim ol i sot olgeta, em i tok.

Mi skelim olsem dispela ekstra K5.00 sas bilong fi long kalap long



• Sir Pita Lus.

sip i no stret tru na mi askim siaman bilong Habas Bod long hariap rausim dispela ekstra K5.00 fi, Sir Pita Lus i tok.

Em i tok ol pipel bilong em i bin kisim planti hat taim pinis long ol kain kain takis na fea i go antap we Gavman i kamapim olsem na ol i no ken moa baim narapela moa ekstra fi nabaut.

## Tadji ples balus long Aitape i pas gen

ADAM ELLIOTT i raitim

AITAPE Tadji ples balus i pas gen long las wik Fraide bihainim hevi bilong las yia we i bin kamap long ples we balus i save ron long en.

Ron bilong Airlink Bandirento sevis we i save ron olgeta taim i no bin kamap long las wik Fraide na mausman bilong Airlink long hap i tok bai balus i no inap pundaun moa inap tupela mun samting inap Tadji ples balus i op gen.

Airlink pailot husat i save yusim dispela ples balus i tokaut olsem hap balus i save ron long en inap kamapim bagarap bikos ol karamap ston i lus na i ken mekim ol balus i wel taim ol i laik holim brek long kam pundaun.

I gat tupela ples balus long Aitape. Tadji em wanpela na i

stap olsem 15 kilomita longwe long Aitape. Narapela em taun ples balus na i stap olsem wan kilomita longwe long Aitape Pos opis. Ples balus long taun em liklik na i inap long kisim tasol ol MAF Twin Ota na ol arapela liklik balus.

Ol bisnis lain lain long Aitape i bungim hevi nau bikos long hevi Tadji ples balus i stap long en. Rot long Aitape Wewak i no gutpela na ol bisnis lain i no laik long karim ol stua kago bilong ol i kam long rot. Aitape tu i nogat rot i bungim ol arapela bikpela taun.

Tadji ples balus i bin pas tripela wik olgeta long las yia na wok mentenens i bin kamap long stretim dispela bagarap long ples bilong balus i ron long en. Tasol nau dispela hevi i kamap gen.

Paul Biar, Aitape Airlink Trefik Opisa i tok ol balus i save pundaun tasol long sait bilong lep-

han na i no long mein ranwei stat long mun Februari dispela yia i kam.

Taim i gat wara antap long ples balus bai pundaun na ron long en, ol balus i ken wel na bungim birua. Mi bin lukim dispela kain hevi planti taim pinis na mi pret, Mista Biar i tok.

Mista Biar i tok ol i mas senisim olgeta samting antap long dispela hap bilong ranwei o we balus i save ron long en na putim karanas na larim i stap inap tupela mun long em i strong. Bihain wanpela bikpela rola masin i mas ron antap long ples balus na taitim ol graun strong long dispela taim.

Mista Biar i tok olgeta lus ston i mas klia long ples bilong balus i ron long en pastaim long em i ken salim toksave i go long Madang Airlink opis na ples balus i ken klia gen long balus i kam pundaun.



Paradise



# WIN! WIN! WIN!

TOYOTA  
HILUX 4WD TO  
BE WON!


AND 25 PEOPLE TO  
WIN K1,000 EACH

DRAWN ON  
15th SEPTEMBER  
2000


SEND IN ANY 3 EMPTY WRAPPERS OF  
HI-WAY HARDMAN OR HI-WAY BEEF IN AN  
ENVELOPE WITH YOUR NAME AND ADDRESS  
TO: EMTV P.O. BOX 443 BOROKO, NCD.








**SAUTEN**



**RIJON**



• Ol skul sumatin bilong ol Katolik Ejensi Skul i stap long wanpela lotu bung long Sir John Guise Stadium las Fraide. Foto: IVAN BAYAGAU.

## Holi Nem skul bai amamasim 45 krismas

HOLI Nem Hai skul long Dogura eria insait long Milen Be provins bai amamasim 45 krismas long skul i kamap long em stat long tumora Fraide Ogas 4.

Selebresen long makim dispela de i save kamap long olgeta yia tasol long dispela yia, askim i go long olgeta eks sumatin bilong Holy Name na ol paionia sumatin long stap insait long dispela taim bilong amamasim 45 aniveseri selebresen.

Bipo dispela skul i bin kisim tasol ol meri sumatin tasol nau em i save kisim ol sumatin man na meri wantaim.

Ol sks sumatin meri husat nau i stap long olgeta hap bilong kantri bai bung long dispela selebresen.

Bai i gat ol meri long Mosbi, Popondetta, Alotau na ol arapela hap bilong Milen Be husat i stretim wokabaut i go long stap insait long ol selebresen ya.

Long Oro provins, 30 eks sumatin meri i bin karimaut fan resing, stat long Januəri yet bilong bungim inap mani long go long dispela aniveseri selebresen. Ol bin lusim Oro long dispela wik Mande na go kamap long Dogura long neks de Tunde.

Presiden bilong Oro eks Holi Nem Hai skul Asosiesen Charlotte lewago i tok ol eks Holi Nme Hai skul meri bilong Oro i bin kirapim asosiesen long 1998 na dispela i helpim ol long tupela krismas nau long go na stap insait long selebresen.

Bai i gat tupela misa lotu bilong givim tok tenkyu i go long Papa God. Na ol olupela eks sumatin meri bai go pas long en. Wanpela bai kamap long Sande Ogas 6 na narapela em long de stret bilong em long Mande Ogas 7.

Memba bilong ogenaising

komiti Florence waikaidi husat i wanpela leksera i tok dispela 45 krismas em i longpela taim na ol no bin gat wanpela bikpela selebresen long amamasim de ya inap long dispela yia.

Misis Waikaidi i tok Bisop David Hand i bin selebretim 50 yia krismas Silva jubili olsem bisop long Dogura yet na em i gutpela tasol long skul i selebret long makim de long skul ya i bin ol long em.

Em bin tok ol wok redi long dispela samting i go gut tasol na ol sumatin i lalikim stret na nau ol i wet tasol long dispels ol selebresen i mas kamap.

Angliken Sios i papa long dispela skul. Skul nau i kamap bilkpela na em i gat plen long kamap olsem wanpela sekonderi skul bihain long tupela yia na kisim ol Greds 11 na 12 na elementeri levels.

## Ol skul insait long NCD bai op yet

HELEN REI i raitim

OL SKUL insait long Nesenel Kapitel Distrik bai op yet maski NCD han bilong PNG Tisa Asosiesen i laik kisim tripela de sik liv na pasim skul stat long aste Teinde inap long Fraide bihain no amamas bilong ol long gavman long no harim kwik na givim alauwens na pei i go antap long olgeta tisa long kantri.

Dispela samting we ol NCD tisa i bin laik wokim long pasim skul long tripela de i paulim ol papamama na pikinini tasol ol skul i stap op yet.

Long dispela wik Tunde bihainim wanpela bung we NCD brens bilong Tisa Asosiesen i bin holim, ol bin tok stat long aste Trinde, ol bai no inap skulim ol manki tasol long Tunde apin-un ol bin salim toktok i go long olgeta

skul na tisa long NCD long lus tingting long tripela de na skruim skul i go tasol bikos PNGTA i wok long bung wantaim Industriyel Rejistra bilong stretim hevi bilong ol tisa long kantri.

Asisten Seketeri bilong NCD Pompiran Kuyei i tok ol bung we ol tisa i wok long gat i wara nating na i paulim tingting bilong planti pipel.

Em i tok dispela i kamapim tu wari long ol papamama na man husat i as long ol tingting paul em long NCD Tisa Asosiesen predisen Peter Auru.

Mista Kuyei i tok taim ol i sekim ol NCD skul, ol bin stap na wok na nogat skul i pas.

Em i tok ol i lusim ol samting long han bilong PNGTA husat i wok long toktok wantaim ol rait lain bilong stretim dispela hevi bilong ol tisa.

## Seif Pulayasi bilong Trobrien laikim tredisenel lidasip i kamap strong

PARAMAUN sief bilong Trobrien Ailan Puluyasi Daniel i tok em bai strongim na holim pasim pasin kastam we ol sief i bihainim olsem modol long skruim wok bilong gutpela gavman insait long komyuniti, distrik na provins.

Tredisenel lidasip em wanpela long ol faipela rot we Sief Pulayasi i bin givim insait long wanpela pas em i salim i go long Milen Be Gavana Titus Philemon long Alotau long Julai 31.

Edvaisa bilong sief Elliot Modiala i bin prisenim pas taim pikinini bilong sief Emmanuel Puluyasi na brata John Nesai i stap.

Ol faipela samting long pasin kastam em"

• Givim opisel luksave, bihainim na promotim pasin kastam long luksave long sief sistem long Milen be insait long viles na komyuniti olsem as bilong gutpela gavman;

• Olgeta sitisen bilong Milen Be i kisim wankain sosel sevis;

• Ol pipel i mas kisim gutpela sevis;

• Ol rifom i mas go gut insait long provinsel na Lokol Level gavman sistem; na

• Kirapim opis bilong paramaun sief na katim inap mani long go hetim wok bilong en.

Gavana Philemon i bin

luksave long dispela pas na ol poin insait long en na em bin tokim Sief Pulayasi olsem gavman bilong em bai wok wantaim em long go hetim ol dispela samting long gutpela bilong ol Milen Be pipel.

Taim em i tok amamas long Sief Pulayasi long luksave bilong em long sief sistem na laik bilong em long promotim sistem ya, Mista Philemon i tok Provinsel Eksekutiv Kaunsil bai lukluk, glasim na sekim ol poin bilong em bipo em i givim tok orait long sanapim opis bilong sief insait long provinsel gavman sistem.



Roots Rice 1 kg	K1.37
Cold Power 200gr	K1.33
Paradise No.1 Biscuits 100gr	K0.44
Zenag Kaikai 900gr	K4.60
Ilimo Eggs 60gr Doz	K3.50
Saveloys per kg	K3.95

Maggi Noodles 85 gr	K .50
Blue Bird Sardines 423gr	K1.95
Sunshine Milk 1litre	K0.95




EXTENDED TRADING HOURS	
Monday to Wednesday	- 8.00am to 7.30pm
Thursday / Friday	- 8.00am to 8.00pm
Saturday / Sunday	- 8.00am to 7.00pm

Planti moa kaikai prais i go daun long en!

Ph: 325 7566, 325 0863 Fax: 325 7096





# HAILANS NUIS



## Nupela klasrum na wara saplai bilong Maun Sion

### ISTEN HAILANS RIPOT

MAUN Sion Senta bilong ol Alpas na Elemeri Skul, klostu long Goroka Isten Hailans provins i kisim nupela dabol klasrum na nupela wara saplai sevis i kam long helpim bilong Australia na Nu Silan Gavman long Fraide Julai 28, las wik.

Dispela tupela projek i bin pinis na long open de long las wik ol pikinini husat i save go skul long senta na skul ya i amamas long welkamim Deputi Hai Komisina bilong Australia Dokta Stephen Henningham na Nu Silan Fes Seketeri Tessa Te Mata.

Australia Gavman aninit long AusAID helpim program bilong en i givim K39,000 long helpim bod ov menesmen na ol Kristen bradas long wokim nupela klasrum long Maun Sion.

Dokta Henningham i tokaut long taim bilong opim skul olsem skul menesmen i bin mekim bikpela helpim tru long dispela projek.


Kamap bilong dispela klasrum i makim hat wok na lukluk bilong skul menesmen. Ol yet i putim narapela K23,000 i go antap long helpim bilong AusAID long kamapim totol kos bilong dispela projek. Kain projek olsem long edukenes i no soim tasol bikpela tingting bilong Gavman long edukenes tasol strongpela tingting bilong komyuniti tu long edukenes. Em i gutpela piksa tu long lukim lokol institusen yet i opim ol samting bilong em long serim wantaim lokol komyuniti na skelim gutpela siondaun na amamas wantaim ol arapela, Dokta Henningham i tok.

Nu Silan Gavman i bin helpim tu long wokim klasrum wantaim liklik helpim tasol ol i bin wok klostu

wantaim Provinsal Gavman long kamapim nupela wara saplai sevis long Maun Sion.

Nu Silan i luksave long bikpela salens bilong ol pipel na Gavman bilong PNG long traim kamapim ol gutpela samting long sait bilong kamapim gutpela helt na ekonomi long ol pipel. Mipela i amamas olsem insait long Nu Silan Opisel Developmen Asisten Program (NZODA) K29,000 i bin go long helpim Provinsal Gavman long wokim kamap wara saplai sistem long Maun Sion, Nu Silan Fes Seketeri Mis Te Mata i tok.

Pinis bilong dispela projek i makim sanap bilong Australia na Nu Silan long wok bung wantaim na sapot bilong ol long PNG. Nupela klasrum we ol i yusim helpim bilong AusAID mani i gat wara saplai i kam insait long paip we NZODA mani i go long kamapim.



• (Lephan) Nu Silan Fes Seketeri Tessa Te Mata na (namel wantaim hat) Deputi Hai Komisina Dokta Stephen Henningham long Maun Sion.

## Minj bagarap long bikpela trabel pait

### WESTEN HAILANS RIPOT

#### PEKU PILIMBO i raitim

SAMPELA kastom bilong ples i nogut long bihainim insait long kantri bilong yumi olsem na planti samting i save bagarap.

Dispela toktok i bin kam long Hailans Division Komanda bilong plis Tony Wagambie bihain long 10-pela man i dai na planti tausen mak bilong samting olsem ol bikpela haus na kopi garden i bagarap long tupela lain wan pisin insait long Minj insait long Westen Hailans provins.

Dispela pait namel long Kondika na Geneka i bin stat bihain long wanpela man Kondika i bin katim wanpela Geneka man taim em painim meri bilong em i slip wantaim dispela man Geneka.

Mista Wagambie i tok em i bin tokim tupela wan-pisin long miting long Minj Stesen olsem pait i mas-stap na nau yet pait i no kamap moa tasol tingting bilong pait i stap yet.

Mista Wagambie i tok i gat wanpela plis yunit i stap long Wara Kiss long lukim olsem dispela pait i no kirap gen.

Em i tok sampela kastom olsem moka, baim meri na kompensesen i gutpela bikos ol pipel long komyuniti i helpim narapela arapela tasol i no gutpela long helpim wan lain long kilim narapela man long trabel bilong wanpela man tasol.

Em i tok dispela pasin i save mekim na planti gutpela man i save lusim laip bilong ol nating.

Mista Wagambie i tok tu olsem plis i bilip olsem tupela grup i gat ol strongpela gan bilong pait na tu ol i mas haiarim sampela gan na man long helpim ol na pait.

Wanpela wokman bilong Minj distrik opis Lucas Maki i bin tok olsem planti tausen kina mak bilong ol haus kapa, kopi gaden na arapela samting i bagarap long dispela pait.

Mista Wagambie i tok tu olsem ol lain long Minj hetwara inap kisim taim sapos ol i no kisim saplai i go inait bikos wanpela rot ol lain i save kisim ol-samting i pas taim ol man bilong pait i stap long rot stret.

Em i tok i gutpela sapos tupela sait ken stapim dispela pait na olgeta samting i ken stap orait long ol meri pikinini i ken kisim helpim na sevis.

Mista Maki i tok dispela pait i lukim 3-pela Kondika, 6-pela Geneka na wanpela Konomboka man i dai pinis long taim pait i stat long mun Me i kam inap olsem tripela mun nau.

## Hevi bilong mariwana i bikpela long Westen Hailans

### TIMOTHY AIMS i raitim

HEVI bilong spak brus o mariwana i wok long go antap insait long Hagen, Provinsal Plis Komanda Sief Suprintenden John Bonot i tokaut.

Komanda Bonot i mekim dispela toktok bihain long wanpela wok painimaut bilong ol plis CID long hevi na trabel i save kamap long pasin bilong smok mariwana.

Wok painimaut i soim olsem ol setelmen insait long Hagen olsem Tarangau, Warakum wod 8, HMI setelmen na Hagen Pak setelmen em ol eria we dispela hevi i bikpela.

Plis ripot i tok olsem ol trabel olsem paitim meri, bagarapim meri, drag, pasin spak na stil pasin insait long ol dispela eria i save kamap bikos planti lain i save smokim spak brus

Ripot i tok olsem moa long 100 lain i bin kisim sas long smokim mariwana na arapela 40 lain i bin kisim sas long planim mariwana. Dispela ripot em long mun Epril na Me dispela yia.

Plis i bin holim 25 lain pinis insait long dispela tupela mun long smokim mariwana.

Ol hap we plis i luksave olsem ol i save planim kanabis em long Mul kaunsil eria, Kondopina blok, Anglimp Minj na Nondugl eria.

Mista Bonot i tok long sait

bilong wokim hom bru, ol ples olsem long Banz, Minj, Nondugl na Jimi eria i save mekim dispela hom bru bia we em i strongpela bia tru na i ken kamapim bikpela bagarap long het bilong ol manmeri.

Mista Bonot i tok olsem insait long krismas grup bilong ol lain i save kisim spak brus na mekim ol kain trabel na hevi olsem, planti em ol yangpela na sampela bikman krismas bilong ol i stap namel long 12 na i go long 35. Sampela em ol skul pikinini.

Mista Bonot i tok dispela hevi em bikpela na ol plisman yet i no inap pait egensim dispela hevi. Olsem na em i laikim helpim na sapot bilong ol gutpela tingting manmeri

insait long komyuniti sapot wantaim salensim dispela hevi bilong smok mariwana ol kain trabel na hevi we i save kamap wantaim.

Tasol Deputi Edministreta bilong Westen Hailans Michael Wandil i kirap nogut long harim dispela ripot i kam long bos bilong plis.

Em i tok provinsal atoriti ino bin luksave long dispela rekot bilong smok nogut na ol hevi i kamap bihainim insait long provins.

Mista Wandil i tok Westen Hailans Provinsal Gavman nau i kamapim nupela divisen ol i kolim Lo na Oda na dispela opis bai lukluk moa insait long dispela hevi.



## 2000 National Census Hotline

Ol i no kaunim yu? Em i no let. Apim telefon tasol na ringim Fri kol Census Hotline - 180 1000

Givim adres bilong yu. Mipela bai kam na kaunim yu.

Kaunim mi tu!







# MADANG NIUS



## Wok long graun bilong yu long stap laip, Skate i tok

**HILLARY BUNBUN i raitim**

PAPUA Niugini i ken gat planti gut-pela samting sapos ol pipel i stat long wok long graun bilong ol long stap laip na i no laikim tumas ol samting i kam long ol ausait lain, Oposisen Lida, Bill Skate i tok.

Mista Skate i tokim ol lain i bin stap long taim bilong opim Mawan Top-Up skul insait long Transgogol eria bilong Madang provins olsem PNG i

gat planti dinau tumas long ol ausait lain na dispela ol dinau bilong ol les manmeri bilong PNG bai pundaun antap long solda bilong ol pipel bilong PNG i kam bihain.

Em i tok gavman bilong Sir Mekere i no stap na tingting long wanem ol samting bai kamap bihain long pasin ol i wok long mekim long kisim dinau.

"Yumi i gat pinis moa long K4.5 bilien dinau na gavman nau i go het long kisim narapela K300 milien," em i tok.

## Bisop Young selebretim Jubili long Beon

**PATRICK MATBOB i raitim**

Wanem kain pasin yumi mekim long ol kalabus i soim wanem kain sosaiti yumi gat, helpim Bisop bilong Hagen Asdaiosis, Douglas Young i tokim ol kalabus na ol lain i bin go long dispela selebren long Beon haus kalabus long Sande Julai 9.

Bisop Young i bin selebretim jubili yia wantaim ol kalabus long Beon. Em i namba wan wok em i mekim

olsem Bisop. Wantaim em, em ol kalabus na ol famili bilong ol, ol woda na ol famili bilong ol na ol memba bilong sios.

Bisop Young i tok Jubili Yia we ol Sios i save selebretim olgeta 25 o 50 yia em i ken helpim ol kalabus. Em i tok long stori bilong ol pipel bilong Israel, namel long ol arapela pasin bilong marimari na gutpela pasin, em ol kalabus i save go fri long jubili yia.


Bisop Young i tok jubili em i wanpela taim bilong go klostu long God, na 'ol kalabus

long haus kalabus i mas go klostu tu long God".

"Yumi mas senisim ol, salim ol i go bek long ol famili na komyuniti bai ol i ken kamap ol gutpela pipel," em i tok.

Em i tok lo bilong gavman i stap tasol ol kalabus i mas kamap fri insait long ol yet.

Em i tok ol kalabus i bin bagarapim pasin bilong gutpela sindaun insait long komyuniti moa long ol arapela lain. Olsem na ol i mas statim bek gen gutpela pasin insait long komyuniti.



## Adolf Noser Laibreri bai gat moa long 600 buk

**PIUS IKUMA i raitim**

ADOLF Noser Laibreri long Divine Word Yunivesiti long Madang bai i hsy mos lonh 600 buk bilong ol tumbun stori na ol bilip bilong ol pipel bilong ol kantri long wol long Tok German na Tok Inglis.

Ol dispela buk i kam long wok bilong Pater John Z'graggen we em i save kisim insait long stadi bilong 'anthropology, psychology, meteorology na folklore' bilong Papua Niugini na wol.

Ol lain i mekim wok painim na ol sumatin i mekim mekim sku wok bilong ol long sampela topik i sut long dispela ol eria bilong stadi bilong ol i ken painim isi ol kain buk olsem bilong helpim ol long mekim wok bilong ol.

Wanpela buk Pater Z'graggen i raitim ol i kolim,

"And Thus Became Man and World" nau i stap long ol buk selv long bikpela laibreri bilong DWU.

Laibrerien, Makis Dani-ib i tok sampela wok bilong Pater Z'graggen long ol pipel na ol kain kain hap bilong wol i stap long ol arapela yunivesiti long kantri na long ol arapela kantri long wol.

Em i kisim klostu tripela wik long Mista Duni-ib na ol wok manmeri bilong em long putim katalog (catalogue) long ol dispela buk na putim ol long selv long Noser na DWU laibreri.

Mista Duni-ib i tok Pater Z'graggen, husat i holim PhD (Dokta digri) long 'Linguistics na Anthropology' long Australian Nesenel Yunivesiti, i putim planti taim na mekim bikpela wok long kisim ol dispela buk.

Em i stap nau long Switzerland.

## Sainim tok orait!

• Madang Edministreta, Clant Alok i sainim kontrak bilong em olsem edministreta bilong Madang long Gayman Haus long Pot Mosbi. Dispela em taim Gavman i givim laisens long Highlands Pacific long digim Nikel long Kurumbukari long Madang. Foto: IVAN BAYAGAU.

## Mangi Bunu kamap namba wan Passionist pater

**PAUL ZUVANI i raitim**

WANPELA mangi Bunu kamap namba wan Passionist pater insait long Roman Katolik Sios long Papua Niugini.

Bisop bilong Vanimo Daiosis, Cesare Bonivento i bin odenim Felix Kialoi bilong Bunu ples, insait long Megiar Peris, Madang long wik i go pinis.

Asbisop bilong Madang, Benedict ToVarpin na Bisop

bilong Gorokoa, Francesco Sarego i bin stap tu insait long dispela odinesen misa.

Pater Felix i statim skul bilong em long Megiar Komyuniti Skul, bihain em i go long Malala Hai Skul na i go long Passam Nesenel Hai.

Taim em i lusim Passam, Pater Felix i wok wantaim An-Buni Kampañi, wanpela lokol kampañi. Bihain long dispela em i go long Vanimo long joinim ol Passionist Sosaiti.

Pater Felix i kisim skul bilong Philosophy na Theology long Holi Spirit Seminari, Bomana long 1991 na i pinisim stadi bilong em long 1997. Long 1998 i go long 1999, em i mekim pastorel wok bilong em long Vanimo na kisim odinesen bilong kamap diken.

Pater Felix bai i go mekim namba wan wok bilong em long Vanimo.

Long PNG ol Passionists i stap na wok long Vanimo na Mosbi.

## BUSINESS OPPORTUNITY IN NEWSPAPER SALES IN NCD

If you own a ute, and live in the National Capital District, then this message is for you.

Word Publishing, a Church-run newspaper organisation, the publishers of

**Wantok,**

The Independent

and the monthly **PNG BUSINESS** is looking for a Street Sales Agent in NCD.

An attractive commission is offered for a suitable person.

Contact

**Leo Wafiwa**

on

**Ph: 325 2500**

to get further details.



# Lae Nius

## Morobe Sevings pulim planti membasip

OLPELA siaman bilong Komes Divisen long Morobe Provinsel Gavman Patrick Bassa i tok gut olsem planti ol lain long ol rurel eria bilong Morobe provins i amamas long wok bilong Morobe Sevings-na Lons Sosaiti.

Bassa i tok laik bilong ol liklik pipel long ples i bikpela tru long joinim dispela Sosaiti long wanem long ol gutpela lo o polisi bilong Sosaiti.

Mista Bassa i bin mekim dispela toktok long las Fonde long Lae teknikal koles we ol bod dairektas i bung long wanpela miting bilong ol long tok gut bai long olpela siaman na welkamim nupela.

Bassa em Morobe kabinet i rausim olsem siaman bilong komes na i putim namba tu Gavana Cornelius Smith i kisim ples bilong em. Long dispela taim Mista Smith i no bin kamap long bung.

Bassa husat em driman bilong em long lukim dispela Sevins na Lon Sosaiti i kamap

strong na bikpela long helpim ol liklik pipel long ples i karim kaikai bihain long lukim memba bilong ol i go moa long 3000.

Em i tok long mun Jun long dispela yia i kam, Sosaiti i mekim olsem K1.1 milien long Sevings na ol lon em K965,000. Dispela i soim tru olsem Morobe Sevings na Lons Sosaiti (MSLS) i gro hariap.

Em i tok em i amamas tru long lukim driman bilong em i karim kaikai na bai go aut wantaim gutpela bel isi.

Em i salensim ol diarektas long wok bung wantaim nupela siaman husat bai kisim ples bilong em na lukim dispela sevis i go het gut.

Long wankain taim yet em salensim ol bod long traim painim wanpela bilong ol haus bilong MSLS yet long wanem nau dispela hap ol rentim em i bikpela mani tru. Dispela em long sevim kos, em i tok.

Narapela samting tu em i bringim long ol bod em long katim daun ol wokman we em i ting ken katim kos. Dispela long wanem planti wokman tumas we inap long wanpela man i ken mekim tupela wok.

Em i askim Sosaiti long traim painim wanpela akauntent long bosim ol mani bilong Sosaiti tu. Dispela em sampela hevi mi lukim long dispela tu yia bilong mi olsem siaman bilong komes," em i tok.

Em i tok amamas long wok bung wantaim ol bod membas long dispela tu yia we em i tok bai go long ples tasol bai go het na mekim ol promosen awanes long Sosaiti long ples.

Long dispela taim tu siaman bilong MSLS bod Mal Kerro is kisim maus bilong ol dairekta na tok bikpela amamas tu i go long Bassa long ol wok em i putim i go insait long helpim Sosaiti i kamap olsem nau.

## Siti bos askim pipel long lukautim Lae siti

EKTING Siti menesa bilong Lae siti Steven Peters i singaut i go long ol pablik long Lae siti long traim na lukautim ol samting kaunsel i putim long ol pablik ples.

Mista Peter i mekim dispela singaut bihain long ol nupela bas stop long mein maket ples i bagarap long ol spet buai na ol rabis i stap nabaut long rot.

Em i mekim dispela toktok bihain long sampela singaut i kam long ol pablik long dispela bas stop.

Em i tok dispela ol samting em ol dona kantri olsem Australia i traim long helpim yumi long ol komyuniti projek olsem bas stop, na rot na yumi mas traim long lukautim gut.

Long wankain yet Mista Steven i tok sore i go long ol pablik long Lae long ol rot kondisen we nau Lae i wok long bungim.

Em i tok ol i no inap long mekim wanpela samting long wanem dispela em samting bilong graun yet we i kamapim dispela ren we Lae i wok long bungim.

Ol wokman bilong Lae sit kaunsel i traim olgeta wok bilong ol long traim mekim ol rot i kamap gut maski long dispela taim bilong ren.

Mi apil long yupela olgeta pablik long stap isi noken kros long dispela ol hevi bilong rot.

Em i tok arapela samting tu em long liklik risos o man tasol ol

i gat long em ol i stretim ol dispela rot.

Mani long Nesenel gavman i no kam gut yet long wanem long hevi bilong mani nau kantri i wok long bungim na wanem liklik mani ol i kisim insait long provins yet na Provinsel gavman em ol i traim hat long stretim ol dispela rot.

Em i tok tasol nau pablik i ken lukim olsem planti ol rot insait long siti i wok long kamap gut nau.

Ol eria we i wok long kaikai moa taim em long Saina taun raun kona we em i stap longpela taim tumas nau wok i wok long go het we ating bai pinis long tupela wik taim, Mista Peters i tok.



• Isan Elementri skul pikinini long het bilong maunten Kabwum long Morobe provins i soim tumbuna stail long danis na bilas bilong ol long wanbel de bilong ol long las wik. Pato: Yakam Kelo.

## Gavana Wenge i mas risain, Christian i tok

OLPELA Primia bilong Morobe provins Titi Christian i askim long wanem as na Morobe Provinsal Gavman i wok long yusim Pato Loya taim Ombudsmen Komisn i bin tokaut pinis olsem Pato Loya i no ken wok o kisim wanpela kontrak wantaim Gavman inap 5-pela kris-mas olgeta. Ombudsmen Komisn i bin mekim dispela toktok long las yia taim ol i tokaut long ripot bilong Kens Kosevetri we Pato Loya i bin ligel edvaisa bilong POSF.

Mista Christian i tok Ombudsmen Komisn i tok klia pinis tasol olsem wanem tru na Morobe Gavman i wok long krisim Pato Loya long ol wok bilong en.

Morobe Provinsal Gavman i bin kisim Pato Loya long holim kot bilong Watarais, enti VAT kempen egensim Nesenel Gavman na K24 milien hap mani bilong baset we Nesenel Gavman na Fainens opis long Waigani i no bin givim yet long 1999. Na nau Morobe Gavman i lukluk long kotim Gavman, Fainens dipatmen long i no bihainim kot disisen long salim dispela mani igo long provins.

Mista Christian i tok sapos Ombudsmen Komisn na Atoni Jenerel ino mekim wanpela samting long dispela, bai Pato Loya i wok long mekim bikpela bisnis long mani bilong Morobe provins.

Wantok i save olsem Provinsal Eksekutyutiv Kaunsel (PEC) i bin makim Pato Loya olsem loya bilong Provinsal Gavman long hevi bilong provins na Gavman.

Olpele Primia Mista Christian i tok antap tu long dispela hevi, provins i

gat hevi long mani na ol wok bilong lukautim provins.

Mista Christian i sutim tok long Gavana Luther Wenge long i no tingim wok bilong em na dispela long-we namel long provinsal gavman na edministresen.

Mista Christian i tok em yet i bin raun long ol opis long provinsal hetkota na lukim olsem edministresen bilong provins na gavman i wok long mekim wok longwe long narapela.

Na em i sutim tok tu long Gavana Luther Wenge long hevi we Morobe edministresen nau i sot tru long mani.

Mista Christian i tromoi tok tu olsem Gavana Wenge i save mekim planti tok promis tumas na bihain singautim edministresen long baim na dispela i no pasin bilong ol lida long mekim olsem.

Em i tok Gavana i wok long mekim planti promis tu na ol pipel i save wetim ol dispela promis istap na ino kamap yet na dispela i no gutpela pasin tru long lida i mekim long ol pipel.

Mista Christian i tok Gavana Wenge i no stretim gut hevi bilong lo na oda, hevi bilong graun na ol setelmen long siti bikos ol ausait lain (i no ol Morobe) i wok long toktok na stap klostu wantaim em. Olsem na em i askim Morobe Gavman Luther Wenge long risin long opis bilong Gavana long sevim gutpela nem bilong opis i stap gut.

Wantok i traim long toktok wantaim Gavana Wenge na edministresen Aine Sengero long aste tasol tupela i go long rijinol konfrens bilong ol Momase Gavana long Madang.

**PHONE:**  
(675) 472-3912

**FAX:**  
(675) 472-3919

**IMPACT STORAGE PNG**

*Any Size, Any Amount*  
*Any Shape, Any Amount*

**SIGNAGE**

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

**FOR ALL YOUR PRINTING NEEDS**

P.O. Box 3705, Lae, M.P. 411, Papua New Guinea - Email: impact@global.net.pg



# Kiunga Getsemane Luteran Sios i gat nupela pastor

EVANJELIKOL Luteran Sios bilong Papua Niugini (ELCPNG) long Sande i go pinis i bin holim wanpela spesel selebren long kantri long tingim 114 yia bilong sios long Papua Niugini.

Long Kiunga, ol Kiunga Getsemane Luteran Sios i bin holim tupela selebren wantaim long dispela de. Ol i selebretim aniveseri bilong ELCPNG na tu selebretim odinesen bilong Kongrigesen Pastor, Pastor Nosu Norewec.

ELCPNG i bin autim tok bilong God long PNG stat long taim ol i bin kam sua long Fischafen basis

long 1886.

Ol Kiunga i bin amamas tru long selebretim dispela pestode wantaim bikpela selebren na amamas wantaim ol singsing tumbuna.

Presiden bilong ELCPNG bilong Papua rijen, Reveren Setu i odenim Pastor Nosu. Pastor Elemetry Anthony bilong Tabubil na Treni Pastor Kuni tu i bin stap long dispela selebren.

Pastor Elemetry i tok ol bilip manmeri bilong Getsemane Luteran Sios i bin amamas tru long selebretim dispela tupela bikpela pestode. Em i tok tu olsem ol pipel bilong Kiunga i amamas long lukim

wanpela treni pastor bilong ol i kisim odinesen.

Reveren Setu i tok, long kamap wanpela pasto, em i wanpela hatpela wok na i narakain bikos ol pastor i wok wantaim ol pipel, tism ol na helpim ol long bihainim Kraisa na tu kamap ol gutpela lida insait long komyuniti.

Pastor Nosu em i kam long Kabum insait long Ukata distrik long Morobe provins. Pastor Nosu i bin lusim gutpela wok bilong em wantaim gutpela pe olsem namba tu menasa bilong Cloud Lands Hotel long Tabubil long kamap wanpela pastor.

Long 1994, em i harim singaut bilong God na lusim gutpela wok bilong em long mekim wok bilong God. Long 1995, em i go skul long Logaweng Luteran Seminari long Finschafen.

Bihain long em i pinisim 5-pela yia bilong skul bilong em long 1999, em wanpela ol famili bilong em i go long Kiunga na em i mekim wok olsem treni pastor inap long Sande i go pinis taim em i kisim odinesen bilong em.

Em bai wok long tupela kongrigesen, em long Kiunga taun na

lowafa Providencia Luteran Sios, long refuji kem. Pastor bilong Tabubil bai helpim em long mekim wok bilong em.

Dispela em i wanpela spesel selebren bilong ol refuji lain tu long wañem, ol memba bilong Luteran sios long refuji kem bai i go bek long Indonesia bihainim singaut bilong gavman bilong ol.

Pater bilong Kiunga Katolik sios, wantaim ol mausman bilong ELCPNG, Yunaited Sios na Kristen Laip Senta tu i bin stap insait long dispela selebren.

## Ol misinari wokabaut long Kokoda long painim mani

### HELEN REI i raitim

SAMTING olsem 20 pipel, 11-pela bilong ol em ol Brude bilong Sosaiti bilong Santu Francis na 9-pela yut bilong Popondeta long Oro provins i stap long Mosbi nau bihain long ol i bin wokabaut foapela de long Kokoda i kam long Mosbi long painim mani.

Wanpela bikpela astingting bilong dispela

wokabaut bilong ol em long painim mani long mekim wanpela nupela haus pasindia bilong ol long Popondeta kos bilong em i olsem K10,000. Dispela haus pasindia em i bilong Sosaiti bilong ol Franciscan Bruda bilong Angliken Sios.

Nau yet dispela haus pasindia bilong ol i wok long bagarap na ol i wok long painim mani long stretim.

Nau taim ol i stap long

siti, ol yut na ol bruda bai mekim wok misin insait long ol peris long siti.

Ol bai bruk i go long tupela grup, wanpela grup bai go givim toktok long ol Angliken long 9 Mail na narapela grup bai karamapim Morata. Ol bai i go mekim wok misin long Goldie, 14 Mail na 6 Mail tu.

Ol bai skulim ol pipel long autim gutniu long pasin bilong mekim drama na tu karim aut sampela baibel stadi.

## Ol yangpela kisim salens bilong kamap santu

### VERONICA HATUTASI i raitim

OL yangpela i kisim salens bilong kamap santu nau na i noken wet inap ol i kamap lapun.

Dispela salens i kam long Kodineta bilong ol Yut Yubili Kruse selebren wantaim Katolik Asdaiosis opis, Sista Joy.


Sista Josi i tok em i bin amamas tru long dispela selebren we ol Katolik ejensi skul long Nesenel Kapitol Distrik i go pas long mekim bilong i go insait long Yut Jubili De we ol i selebretim long Sir John Guise stadium las Fraide.

Moa long 6,000 sumatin bilong ol Katolik skul long NCD i no bin wari long hat bilong san tasol i go het long selebretim dispela bikpela de.

Sista Joy i tok dispela selebren bai kamap long Septemba tasol bikos long dispela mun Papua Niugini bai selebren silva jubili bilong en long independens de olsem na ol i bringim dispela selebren i kam long las Fraide.

Em i tok stat long Jun 18, 2000, long Jubili Misa long stadium, ol i bin salim Yut Jubili Kruse i go long olgeta Katoli ejensi skul insait long NCD, stat wantaim Don Bosco Technical Koles na i go.

Dispela Yut Jubili Kruse, em i go wantaim Jubili 2000 selebren we insait long Katolik sios




• Ol mama i helpim ol skul pikinini long karim Yut Jubili Kruse i go sanapim long pes bilong stadium long dispela santu Misa. Foto: Ivan Bayagau.

kalenda, i bin stat long 1997 olsem yia bilong Jisas Kraisa pikinini bilong God.

Long 1998, ol i dediketim i go long Holi Spirit na long 1999 i go long God Papa. Long dispela yia ol i dediketim i go long Holi Trinita.

Olsem na long Jun 18, long pestode bilong Holi Trinita, moa long 1000 Katolik manmeri na pikinini i bin bung long Sir John Guise stadium long selebretim dispela Yut Jubili Kruse we ol i bin salim i go long olgeta skul insait long siti.



• Sampela bilong ol 33 Angliken pikinini husat i bin kisim sakramen bilong Konfirmasio long Taurama Bareks haus lotu long Mosbi long Sande Julai 16. Angliken Bisop bilong Mosbi Daiosis, Bisop Michael Hough i bin givim Konfirmasio long ol dispela pikinini.

## Woksop bilong pastorel plen bilong daiosis

### BRUDA PETER VAN DE WIEL i raitim

TRIPLELA wik olgeta, 21 man na meri pastorel woka i bin bung long Rebiatul long Hagen, long wokim plen i bihainim Rinuel program bilong Muvmen bilong Beta Wol insait long Daiosis.

Pastorel tim bilong Hagen yet, bilong Wewak, Daru/Kiunga na bilong Bereina i bin sindaun wantaim tupela tisa bilong Rom, bai program bilong neks tri yia i ken go het.

Long yia 1997 tupela tisa, pater Juan Bautista Cappellaro na Mis Jill Gibbs i bin bungim ol dispela daiosis long Goroka tu. Nau mipela bung long Hagen na luksave long ol bikpela na liklik plen na program i mas kamap long olgeta kain 'level' insait long Daiosis. Yumi tok long faivpela level.

Level Wan em olgeta Katolik pipel insait long daiosis na peris, namba tu em ol spesel grup olsem mama, yut na skul liva, namba tri em ol kain sevis

Katolik Sios i givim, olsem skul bilong Katekumen na relises edukesen, ol litasi na wok marimari; namba foa level em bilong ol man na meri i mekim wok insait long sios, olsem ol pris na relises, ol pastoral woka, katekis na lotu lida; na namba faiv level em ol 'straksa' o bun bilong mekim wok sios i go het, olsem komunikesin na ol kain bung bilong kisim tingting na orait bilong pipel.

Dispela wok i mas kamap gut stret, bikos nogut sios i lus tingting long sampela man na meri; sios i mas go aut na bungim olgeta lain Katolik, na olgeta kain grup, maski ol i kam lotu o nogat! Jisas yet i bin go pas long painim ol sipsip i lus!

Orait, nau ol pastorel tim bilong dispela foapela daiosis i ken go het long program bilong ol long neks tri yia. Nesenel Tim bilong komyuniti Animesin Sevis (KAS) husat i bin oge-naisim dispela woksop, ol tu i sambai long wok wantaim ol pastorel tim.

Bisop Gilles Cote wantaim tripela meri memba bilong pastorel tim i bin makim Daru na Kiunga; Herman Kabai wantaim tripela pater bilong Daiosis Pastorel Tim (DTPA) bilong Wewak i bin kam long Wewak; Pater Joe Bisson wantaim tupela DTPA memba i bin makim Hagen na Pater Roger Purcell wantaim wanpela pastorel tim memba i bin kam long Bereina.

Bisop Gerard bilong Bereina i bin joinim mipela namel long 3 wik kos; Wanpela meri memba bilong KAS grup bilong Madang tu i bin stap long dispela tri wik woksop bilong sambai long go het long program bilong sampela peris long Madang tu.

Woksop i bin pinis long Fraide Julai 21.

Mipela ken amamas long hatwok bilong tupela tisa bilong Rom, na mipela hop bai dispela Rinuel program i kisim nupela strong long go het wantaim olgeta Katolik manmeri insait long ol dispela daiosis long Papua Niugini.




# Ol Gavana i mas sapotim yet ol redio stesin

MINISTA bilong Komyunikesen Peter Waieng i tokaut olsem Gavman i plen long mekim bikpela senis long olgeta redio stesin insait long kantri na i no long wanwan redio stesin tasol.

Mista Waieng i tok Gavman i lukluk long painim K110 milien long kamapim dispela bikpela senis we inap lukim olgeta redio stesin long olgeta provins i senis na kamapim gutpela na nupela sistem na sevis.

Em i tok olsem i tru planti redio stesin insait long ol provins i wok long yusim ol olupela masin na ol samting bilong mekim wok wantaim. Olsem na Gavman i mas senisim ol dispela samting long mekim wok bilong givim redio sevis long ol pipel i kamap gutpela.

Mista Waieng i mekim



• **Minista bilong Komyunikesen Peter Waieng.**

dispela toktok taim Gavana bilong Enga provins Peter Ipatas i askim em long mekim sampela samting long stretim Enga redio stesin we i no bin wok sampela taim i kam nau.

Mista Ipatas i tok Provinsal Gavman bilong em i wok long go het yet long helpim Enga redio stesin tasol sam-

pela mun nau em redio sevis i bin stop bikos long ol hevi we i kamap long redio stesin.

Mista Waieng i tok ol Gavana bilong wanwan provins i mas sanap klostu long helpim oil redio stesin long provins bilong ol. Yupela i mas givim helpim wantaim K5,000 o K10,000 nabaut long ol i ken baim ol bateri, fiul, o sampela samting bilong mekim ol masin i wok long redio sevis i ken go het yet, Mista Waieng i tok.

Em i tokaut olsem ol menesmen bilong Nesenel Brodcasting Komisnin (NBC) i wok long raitim ol pepa na plen bilong traim painim helpim i kam long ovasis kantri long mekim kamap ol dispela bikpela senis long olgeta redio stesin insait long wanwan provins.

## Gavman i no peim K6 milien bilong ol viles kot yet

PLANTI viles kot mejistret i wok long wetim yet alawens pe bilong ol longpela taim i kam inap nau. Dispela em singaut bilong memba bilong Henganofi Viviso Seravo long haus palamen las wik.

Mista Seravo i tok planti viles kot mejistret i no bin kisim wanpela liklik pe o alawens bilong ol longpela taim i kam inap nau tasol ol i wok long mekim wok yet long harim ol hevi na stretim ol hevi bilong ples na komyuniti.

Mista Seravo i singaut long Gavman i mas lukluk long dispela hevi na stretim hariap bikos i no gutpela tru long ol lain ya i mekim bikpela wok tru bilong sevim kantri tasol Gavman i nogat luksave long ol.

Minista bilong Jastis Kilroy Genia i tokaut olsem Gavman i stretim pinis ol seksen bilong lo we i lukautim dispela eria bilong viles kot mejistret. Na nau dispela wok bilong baim ol i kam bek long han bilong Nesenel Gavman bikos aninit long rifom, dispela pawa bilong lukautim ol viles kot mejistret i go long han bilong Provinsal Gavman. Tasol mani i no go long baim ol olsem na Nesenel Gavman i senisim dispela sistem gen na kisim dispela pawa i go bek long lukaut bilong ol yet.

Mista Genia i tok nau ol i stretim olgeta wok ya pinis olsem na ol i lukluk long stat baim ol viles kot mejistret long stat bilong yia 2001.

Mista Genia tok i tru Gavman i gat K6 milien bilong baim ol viles kot mejistret tasol em ino bin baim yet. Olsem na dispela mani i stap yet long Gavman i mas stretim.

Dispela hevi bilong ol viles kot mejistret i stap long olgeta hap bilong Papua Niugini.

## Laimo askim husat i kisim ol Momons lotu i kam long PNG

Memba bilong Saut kantri.

Bogenvil Michael Laimo i askim Gavman long husat tru i givim tok orait na givim graun tu long ol nupela lotu we i no kristen lotu long kam insait long Papua Niugini.

Mista Laimo i askim long ol nupela lotu we i no kristen lotu em ol i kolim ol Momons na ol arapela moa we i kam long Midel Is na Afrika

Tasol i nogat Minista bilong Hom Afeas, Wimens na Yut i stap long bekim dispela askim bilong Mista Laimo.

Mista Laimo i mekim dispela toktok bihain long i gat wanpela bikpela haus lotu i wok long kamap long Mosbi we i bilong wanpela bilong ol dispela Momons lotu.

## Korea askim long pensen pepa

Memba bilong Kerema Open Sir Tom Koraea i askim long wanpela pepa em i bin sponsarim long kisim blesing palamen bai ol memba i ken gat pesen pe bilong ol bihain long taim ol i lus long ileksen na stap nating long ausait.

Dispela pepa ol i kolim pensen amenmen i stap yet na bai palamen i toktok long sampela taim bihain.

Sapos dispela pepa i kam aut na palamen i oraitim, bai i gat lo i kamap long en na olgeta memba bai putim hap mani bilong ol i go long en olgeta potnait inap taim ol i pinis olsem memba bilong palamen. Na ol i ken sindaun long ples na kisim dispela pensen pe bilong ol isi isi na stap.

Spika bilong palamen Bernard Narokobi i tok dispela amenmen bilong stretim pensen pepa i stap yet na inap kam aut long narapela sindaun bilong palamen kibung gen.

STAP NAU LONG ELA MOTORS



RENAULT TRUCKS

# Kerax

400HP HEVI DUTI  
**PRIME  
MOVER**

LONG KISIM MOA SAVE LONG DISPELA PLIS RINGIM ELA MOTORS KLOSTU LONG HAP BILONG YU:

PORT MORESBY: CHRIS BATTEN PH 3229467 FAX 3217268  
LAE: IVAN GAWI PH 4722173 FAX 4722463  
MT HAGEN: EDMUND TOPERCZER PH 5421888 FAX 5421937

**Ela Motors  
TRUCKS**

E-MAIL: elatrucks@elamotors.com.pg





# Gavman i pulap tru long giaman

BILONG wanem na Rimbink Pato i laik bekim klostu K1 milien i go bek long Pacific Finance kampani grup sapos olgeta samting em i mekim i stret bihainim ol wok, kontrak, alawens na pe bilong em?. Gavman i makim em long dispela wok na Gavman i save long wanem kain pe na alawens em i mas kisim long dispela bikpela wok.

Ating Gavman i save olsem ol i kalapim sampela rot bilong givim dispela kain pemon, K300,000 olgeta mun long Mista Pato. Tasol ol i ting nogat man bai toktok o komplon. Bikos olpela eksekutiv siaman Peter O'Niel i bin dispela kain pe tu tasol nogat man i bin komplon. Sapos Gavman i save olsem i gat asua istap tasol em i laik kalapim tasol na mekim wankain, dispela i soim wanem kain piksa long ol pipel bilong Papua Niugini? Wanpela piksa em olsem, long mekim Gavman i mas amamas taim em i askim long mani bilong PNGBC beng o ol kampani insait long Finance Pacific, mani i mas kam aut isi bikos rait man i bos long hap. O sapos wanwan Gavman memba i laik kisim dinau long PNGBC beng long bisnis bilong ol yet o wok bilong ol yet, ol i mas kisim isi. Na sapos ol i no bekim dinau hariap, PNGBC beng i ken rausim dispela dinau bilong ol. Narapela piksa em, Rimbink Pato em papa bilong Yunaited Pati olsem na PDM i mas strongim marit bilong em wantaim Yunaited Pati olgeta taim long stap yet long Gavman. Wanpela tu em ating ol i laik painim asua bilong olpela lida bipo na traim hangapim ol. Olsem na pe bilong dispela wok i mas bikpela tru na gutpela tru. Tasol man ya i mekim wok bilong kampani stret o nogat long kisim dispela kain bikpela pe?.

Gavman i tok long stretim gen level bilong pe ol bosman bilong Gavman dipatmen na ol Gavman bisnis i mas kisim mak olsem long K100,000 i go antap. Plis, mekim na mekim tru tru na bihainim stret.

# Sanap wantaim na yumi makim independens ...

• (Lephan)Bos bilong Papindo Tading Mista Tjandra i givim K20,000 i go long siaman bilong Nesenal Ivens Kaunsil (NEC) Peter Barter long helpim wok bilong Selebretim 25 ya idipendens bilong kantri long Septemba, 16 long dispela ya yet.  
Foto: IVAN BAYAGAU.



# Fri Tred Jon i op long ol arapela provins tu, Nali i tok

## WENCESLAUS MAGUN i raitim

FRI Tred Jon (Free Trade Zone) em i op long ol arapela provins i gat ol risoses tu, Minista bilong Trade na Industri, Michael Nali i tok.

Mista Nali i tok taim Palamen i pasim bilong Fri Tred Jon, em i no min olsem Sandaun, Westen, Galf, na Bogenvil tasol bai i gat Fri Tred Jon.

Moa yet, em i tok, lo bilong Fri Tred Jon em i no karamapim olgeta bisnis. Dispela lo i karamapim ol industri husat i kisim ol risoses bilong PNG na kamapim ol prodak na bihain salim i go long ol arapela kantri.

"Fri Tred Jon em i bilong ol menufeksering na daunstrim prososing tasol," Mista Nali i tok.

Mista Nali i tok husat ol investa i gat laik long kamapim industri bilong ol long PNG aninit long Fri Tred Jon lo i mas mekim wanpela sabmisen i go long em.

Mista Nali i tok em bai kisim dispela sabmisen i go long kabinet na sapos kabinet i givim tok orait long dispela industri, bihainim 'clause 3' bilong Fri Tred Jon lo, dispela industri i ken go het na kirapim industri bilong ol long wanem provins i gat ol risoses olsem timba, pis, wel, gol, kopa, nikel, kobalt, na moa yet.

Mista Nali i tok minista bilong Komes na Industri long 1994 i bin kamapim dispela bil na nau gavman bilong Sir Mekere na Zeming i givim tok orait long en bikos gavman i luksave olsem Fri Tred Jon bai bringim ol gutpela sevis long kamapim gutpela sindaun bilong ol pipel bilong PNG.

"Fri Tred Jon i givim tok orait long ol industri long wok insait long ol spesel industriel Jon gavman i gasetim long wokim ol samting na salim i go long ol ovasis maket. Ol samting ol i wokim insait long Fri Tred Jon, em ol i ken salim long lokol maket tasol ol i mas salim long ol ovasis maket. Tasol long sampela kes, sampela industri i ken salim ol samting bilong ol long lokol maket, sapos ol i kisim tok orait long Komisina Jenerel bilong Intenel Reveniu Komisen," Mista Nali i tok.

Em i tok wanpela gutpela samting insait long lo bilong Fri Tred Jon em i olsem ol papagraun bai kamap ol join menses insait long Fri Tred Jon long wanem aninit long lo, ol i mas gat sia i no moa long 10 pesen (%) insait long Fri Tred Jon Atoriti.

Mista Nali i tok sampela helpim ol pipel inap kisim insait

long Fri Tred Jon em:

- Kisim ol investa bilong arapela kantri na lainim teknikel save bilong ol;

- Strongim ol industri husat i tingting long wokim ol samting na salim ovasis;

- Bringim moa mani i kam insait long kantri long taim ol industri i salim ol samting i go ovasis na dispela bai bringim moa mani bilong ol arapela kantri i kam long PNG we gavman bai yusim long baim ol samting long ol arapela kantri;

- Kamapim wok; na
- Mekim isi long yusim ol lokol risos olsem pis, timba, na moa yet.

Long wankain taim, Sandaun provins i go het long bihainim Fri Ted Jon lo na kamapim wanpela bikpela intanesenel siti long kantri. Ol pren bilong Sandaun provinsel gavman i tok orait pinis long putim mani long kirapim dispela projek.

**STRONGPELA TRU**

# Colgate

**Toothpaste bilong PNG Stret!**

**Strongpela, waitpela helti tit na gutpela smel long liklik prais tasol - nau em bai givim yu Colgate Strongpela Tru Smael.**

HRD SAVI 3362



# Yangpela Antonia amamas long wok tisa long rurel Bogenvil skul

VERONICA HATUTASI | raftim

WANTAIM bikpela salens, wanpela yangpela meri hapkas Manus na Kavieng i bin go long bikailan Bogenvil long mekim wok tisa long wanpela rurel skul tasol nau em i amamas wok i stap long hap taim Wantok niuspepa i bungim em long tupela wik i go pinis.

Tisa Antonia Mavuk husat i gat 22 kris-mas i bin pinisim skul long Sen Benedict Tisas kolis long Kaindi, Wewak long Is Sepik provins long 1998. Dispela em bihain long em i skul long hap long tripela yia.

Taim em i pinisim skul tisa, em bin aplai long wok long Sorom komyuniti skul long Buka Ailan. Na long 1999 em bin wokim namba wan yia olsem tisa long hap.

Sindaun long Buka Ailan i orait, nogat pait na hevi i stap. Ol pipel i wok long kisim gut sevis.

Tasol long bikailan Bogenvil, sindaun i narakain bikos planti hap i no orait gut tumas yet.

Olsem na taim yangpela Antonia i kisim tok olsem long dispela yia em bai wok tisa long Monoitu Pramerit skul long Siwai, sautwes Bogenvil em bin wari liklik. Tasol em i wanpela strongpela meri na maski em i harim ol kain stori we ol inap pretim ol lain bilong ol arapela provins, moa yet ol yangpela meri long noken go long hap em no bin surik. Em bin laik go lukim em yet laip na sindaun long ples we ol bikpela hevi i kamap long en na hau ol pipel, ol meri na pikinini i stap long en.

Wantok ripota i bin bungim Antonia long Monoitu skul long wanpela moning na kirap nogut long dispela yangpela meri i stap na wok long hap long wanem sindaun i no kamap orait gut yet.

Antonia i bin groap long Rabaul we em bin wokim komyuniti na hai skul bilong em.

"Mi harim planti stori long ol samting i kamap long bikailan tasol taim mi kisim nius olsem bai mi wok tisa long Monoitu Pramerit skul mi no les. Mi laik kam na lukim long ai bilong mi yet kain sindaun na rot we ol pipel, ol mama na ol pikinini i

stap long en.

"Mi bin laik helpim tu ol skul pikinini we hevi i bagarapim skul bilong ol.

"Tru mi save olsem long sait bilong sefti, ol samting i no orait gut yet tasol mi bin kisim salens na mi kam.

"Nau mi stap long hia, mi painaut olsem planti samting we mi bin harim i no tru. Na sapos yu stap isi na mekim wok bilong yu gut, nogat man bai bagarapim yu. Tru ol liklik meknais i kamap long wan wan taim, tasol mi stap gut na mi laikim ples na wok long Monoitu," Antonia i bin tok.

Em i skulim ol Gret 5 sumatin long dispela skul we i gat klostu 500 sumatin long en.

Skul i gat ol klas we i stat long elementeri i go inap long Gret 8.

Antonia i tok pastaim em i kisim dispela klas, em bin painim hat liklik long wanem sampela sumatin i bin lusim skul long tu na tri yia samting na em bin hat long sait bilong disiplin o skulim ol samting i sut long gutpela pasin long ol.

Tupela long ol sumatin tu i bikpela long ol arapela na ol i gat wankain krismas olsem tisa ya.


"Pastaim em bin hat tasol nau mi inap long lukautim ol, maski wanpela o tupela i bikpela moa long ol narapela na long mi tu.

"Mi no bin ting olsem bai mi skulim ol bikpela sumatin tasol dispela i gutpela salens na mi lainim gutpela samting long en.

"Mi amamas long wok tisa long hia bikos i gat gutpela timwok namel long ol tisa na tu ol sumatin," Antonia i bin tok.

Em wan tasol bilong narapela provins i wok tisa long Monoitu Pramerit skul. Liklik brata bilong em i stap wantaim em na em i skul tu long hap.

Antonia i soim gutpela piksa



• Ol Sampelaskul pikinini long Bogenvil.

olsem em i gat bikpela tingting long helpim ol Bogenvil pikinini long kisim gutpela save na maski wanem hevi i stap, em i go het long mekim wok bilong em namel long ol Siwai pipel insait long ples we i stap long we long taun na ol sevis we ol taun pipel i save kisim.

Em i soim tu olsem sapos yu husat tisa, pablik sevan na praivet sekta manmeri i gat bikpela laik long helpim ol pipel long wanem wok yu gat, nogat samting bai stapim yu.

## PMG haus sik helpim ol Bogenvil pipel

KOMBAIN Helt Elemen em haus sik bilong ol Pis Monitering Grup (PMG) lain we i stap long hetkota bilong ol long Loloho, Sentrel Bogenvil.

PMG em dispela grup we i gat ol lain soldia na wokman bilong Australia, Nu Silan, Fiji na Vanuatu husat i wok long Bogenvil bilong helpim ol pipel bilong Bogenvil long skruim wok bilong kamapim gutpela sindaun. Samting olsem 300 PMG memba i stap long Bogenvil long ol ples olsem Buka, Arawa, Buin, Konga, Sovele na Wakunai. Bihainim singaut bilong ol Bogenvil pipel long wanpela niutrel grup long monitaim ol wok bilong painim gutpela sindaun na ol toktok i kam aninit long Lincoln Agrimen, PNG gavman i bin sainim wanpela agrimen wantaim foapela kantri ya long salim ol soldia bilong ol i go long Bogenvil.

Insait long wok bilong skruim gutpela sindaun, PMG i helpim ol Bogenvil pipel husat i bungim bikpela hevi long sait bilong helt sevis o ol lain husat i gat bikpela sik na ol i laikim imejensi tritmen, Meja Mark Koosache i bos bilong operesens long 10- pela PMG memba husat i beis long Tonu insait long Siwai distrik na tu sevenpela long Sirikatau long Bana eria.

Em i tok CHE haus sik bilong ol i gat X-Ray yunit, dentis, dokta bilong katim na somapim man. Na haus sik ya i sevim laip bilong planti Bogenvil manmeri na pikinini.

Long Fraide Julai 10 tripela wik i go pinis, ol bin helpim wanpela man Siwai long Mukakuru eria we diwai i pundaun antap long en na brukim bun bilong em.

"Medikol tim bilong ol i bin karimaut medivak long kisim sik man ya long helikopta i go long Loloho.

"Donna Edkins em Nu Silan medivac i bin mekim gutpela wok tru long somapim na helpim man ya na mipela i amamas tru long en.

"Mipela i save pilim gut long helpim ol pipel husat i stap long hevi", Meja Koosache i bin tok.

Ol Australia na Nu Silan PMG memba i save senis bihain long tripela mun taim ol Vanuatu na Fiji lain i senis bihain long siksipela mun.

Meja Koosache i tok em i amamas long liklik taim em i wok long Bogenvil bikos em i lainim planti nupela samting, ol pasin bilong ol narapela pipel na rot we ol i save stap na wokim ol samting.

## Karimaut hombru edukesen aweanes

HOMBRU em wanpela samting we bai stap nau long Bogenvil na gutpela samting em long karimaut aweanes na edukesen long skulim ol pipel long ol bagarap we em i save kamapim long en, Paul Mairaka wanpela Lokol Level Gavman opisa wantaim Pogo Kaunsil ov Siefs eria long Siwai sautwes Bogenvil i tok.

Planti hevi long sait bilong lo na oda na tu long sait bilong helt i wok long kamap insait long ol komyuniti long Bogenvil bihain long ol yangpela man i save dringim hombru.

Hombru em dispela strongpela dring we ol man i mekim yet long ples wantaim ol mau prut olsem banana, popo, painapel, kulau na ol arapela moa prut olsem.

Ol yangpela pipel long Bogenvil i bin lainim long wokim hombru long taim bilong hevi taim ol atoriti i putim tambu long ol strongpela dring we ol i wokim long fektri olsem bia na ol arapela spirit dring iem ol mas noken kisim i go long ailan.

Lo na oda na ol sosel hevi i kamap insait long ol famili, ples na komyuniti long Bogenvil taim ol yangpela i spak na kamapim ol trabel.

"Hombru bai i stap nau long Bogenvil. i moabeta long karimaut ol aweanes na edukesen long en na ol pipel i ken save gut long ol bagarap

we em i kamapim long bodi bilong man, long famili, komyuniti na sosaiti.

"I gutpela long ol helt woka i no haitim wanpela samting tasol i tokaut stret long hevi we hombru i kamapim long bodi bilong manmeri na rot bilong wokim pikinini.

"Hombru i save bagarapim rot bilong ol man long kamapim pikinini na dispela em bikpela hevi we mipela long Bogenvil i luksave long en. Dispela em antap long ol arapela bagarap we em i kamapim long bodi bilong man olsem bagarapim lang, kidni na rot bilong pekpek na pispis long en.

"I moabeta long ol helt eduketa long noken haitim samting tasol tokaut stret long ol man long dispela samting. Na i gutpela sapos ol aweanes long dispela i ken kamap long daunim hevi bipo em i go nogut olgeta.

Mista Mairaka i tok nau yet taim ol i rausim tambu long salim strongpela dring long Bogenvil, ailan bai bungim moa hevi bikos i nogat lika laisensing lo na ol stoa long provins i wok long salim nating ol strongpela dring wantaim ol arapela sof dring.

Em i tok Bogenvil i laikim ol plis long go insait long ol distrik na wok wantaim komyuniti long lukautim na daunim ol hevi bilong lo na oda.

## PAPUA NEW GUINEA'S SILVER JUBILEE

# School Essay Competition



## About the Competition

<b>Category 1:</b>	ALL STUDENTS IN GRADE 3 & 4.
<b>Essay Topic:</b>	"Who was the Prime Minister 25 years ago?" Tell us more about him.
<b>Essay Length:</b>	200 Words
<b>Prizes:</b>	1st prize: K300.00      2nd prize: K100.00      3rd prize: K50.00
<b>Category 2:</b>	Level 1 ALL STUDENTS IN GRADE 5 & 6 Level 2 ALL STUDENTS IN GRADE 7 & 8
<b>Essay Topic:</b>	"What is Independence and what it means to me?"
<b>Length of Essay:</b>	500 words minimum
<b>Prizes:</b>	1st prize: K500.00      2nd prize: K250.00      3rd prize: K125.00 awards to each level
<b>Category 3:</b>	Level 1 ALL STUDENTS IN GRADE 9 & 10 Level 2 ALL STUDENTS IN GRADE 11 & 12
<b>Essay Topic:</b>	"How would you see PNG's Growth in the next ten (10) years?"
<b>Essay Length:</b>	1000 words minimum
<b>Prizes:</b>	1st prize: K1000.00      2nd prize: K500.00      3rd prize: K250.00 awards to each level

Send entries with full contact details including the name of your school and current grade to:  
National Events Secretariat  
Morauta Haus, P.O. Box 639, WAIGANI, NCD.

Entry into the competition will be deemed as acceptance of the terms and conditions. The Judges' decision will be final.

All entries to be received by 25th August, 2000 no later than 4.00pm on the date.


Winners will be notified by the National Events Secretariat.





OFFICE OF RURAL DEVELOPMENT

# Yia 2000 districk divelopmen program grant



## Project olsem



Gavman bilong Papua Niugini i kirapim wok bilong kamapim rot bilong gutpela sindaun long wanwan distrik na divelopim na helpim long kirapim ol project inap long kamapim gutpela sindaun.

Opis bilong Rural Dvelopmen i singautim olgeta lida husat i laikim moni bilong kirapim rural project long salim aplikasin bilong ol ikam Joint Distrik Plenin na Budget Priority Committee.

Long yia 2000, olgeta project imas istap longpela taim na ol manmeri i kisim gutpela helpim.

Opis bilong Rural Dvelopmen bal lukautim ol projects Gavman i helpim long kirapim bilong helpim lokal komyuniti bilong yumi insait long olgeta wanwan Distrik bilong Papua Niugini.

Kampani o grup husat igat laik long aplai imas ringim lokal Distrik Administrata bilong ol o ringim Opis bilong Rural Dvelopmen.




- ✓ Wof
- ✓ Bris
- ✓ Han rot
- ✓ CIS building
- ✓ Polls building
- ✓ Liklik ples balus
- ✓ Haus bilong tisa
- ✓ Aid pos na Klinik
- ✓ Rural wara supply
- ✓ Rural pawa supply
- ✓ Administresin building
- ✓ Haus bilong Helt wok manmeri
- ✓ Elementary na Primary classrooms

Long moa toksave ringim:  
Office of Rural Development  
P. O. Box 1100  
WAIGANI N.C.D  
Telefon: 328 8380  
Fax: 328 8361



Nestlé  
**MILO**



**Buresong bai kamapim strongpela salens long Blu Kumuls**

**LFA RIPOT**

BLU Kumuls husat i go pas long Lae Futbol Asosiesen (LFA) bai kisim wanpela strongpela salens i kam long biknem tim bilong bipo, Tolec Buresong long primia kik resis bilong man long dispela wiken.

Tim bilong ol plisman i wok long winim gem na i wok long holim yet namba wan posisen i laik stap yet antap long poin lata. Dispela em i no namba wan taim tupela tim ya bai bung. Ol i bin bung planti taim pinis na tupela i save long kain stail bilong ol yet.

Olpela intanesenel straike Daino Sami i go pas long Buresong olsem kosa. Na arapela poro bilong em, Ludwick Peka, i bosin ol Blu Kumuls.

Blu Kumuls i gat ol pilaia olsem Gideon Mara, Mack Luther na Oscar Mawi long beklain. Na long midfil Ken Gule, Iso Mathew na Kori Titus bai lukautim.

Long franlain, Clancy John na Murry Wafi bai traim mekim nais long umben bilong Buresong wantaim strongpela straik bilong ol. Tasol ol plisman tu i noken tin ol kande kulung bai isi long ol wande wanem ol bai kam strong olsem wara

Buresong i save tati ya. Na sapos ol i no was gut, taim bai karim ol i go olgeta long solve.

Buresong i gat ol pilaia olsem Noriza Doa bai lukautim umben. Na long beklain em Chris Stanley, Robin Jojo, Julius Peka na Nabo Aneo. Peka em kandre bilong Ludwick husat i kosim Blu Kumuls. Long midfil, Buresong i gat ol pilaia olsem Paul Wenziong, Gabbie Hegufec na Dick Kevin. Long straike posisen Authur James na John Kambdring bai bekim ol sut bilong ol lain Blu Kumuls.

Insait long arapela gem, Tarangau bai wip wantaim HC Wests, Seminary wantaim Goro, Courts na Mitif. Ideal Jaura bai skelim strong wantaim Nadzab long Sarere. Long Sande, Poro bai traim strong bilong Bara na Mopi wip wantaim Untek.

Na long gem bilong ol meri long Sarere, Courts bai traim strong bilong Mopi, Poro na Blu Kumuls, Uni TFC na Tolec Buresong. Titipu bai wip wantaim Topick long Sande. HC Wests na Seminary bai skeling strong. Nadzab bai rausim DFX Tarangau, Ideal Jaura bai traim Mitif.

# PNGFA tingting long daunim afliesen fi

**HENRY MORABANG i raitim**

PAPUA Niugini Futbol Asosiesen nau i tingting long daunim afliesen fi long pulim moa ol liklik soka senta long joinim nesene bodi.

Dispela em wanpela ol toktok i bin kamap long wiken taim PNGFA i holim wanpela wanpeka ekstra ordinari miting.

PNGFA i holim miting wantaim sampela hetman bilong ol lokal soka asosiesen insait long kantri.

Sekretari bilong PNGFA Ivan Ngahan i tok dispela miting ya em long bungim ol

**PNGFA RIPOT**

opisel bilong wanwan asosiesen, na tu ol opisel i ken bungim ol eksekutiv memba bilong nesene soka bodi.

Ngahan i tok dispela miting i sapos long kamap long bigin bilong yia, tasol em i nogat taim long salim pas long ol presiden na opisel bilong wanwan asosiesen long kamap long dispela kain bung. Planti taim bilong Mista Ngahan em i wok long stretim opis long Lae.

Long dispela fi, PNGFA i laik daunim afliesen fi bilong wanwan asosiesen i kam bihain ol i painim olsem planti asosiesen i save hat

long baim K2,250 afliesen fi. Bipo dispela fi i stap antap moa long K3,500.

Ngahan i tok dispela toktok i bin kamapim sampela paia lait insait long miting. PNGFA i givim narapela tupela wik i go long lokal asosiesen long kambek wantaim bekim bilong ol long dispela afliesen fi.

Insait long dispela miting, 6-pela asosiesen husat i baim ful afliesen fi bilong ol i soim pes. Ol senta ya em Nu Briten Palm Oil, Higaturu (Popondetta), Kimbe, Pot Mosbi, Lahi na Kaiapit.

Ol biknem senta i no bai ful afliesen bilong ol em LFA, Wewak, Madang, Mt Hagen, Goroka na

Kundiawa. LFA husat i save mekim planti nois long niuspapa i no bai ful fi na ol i mas tingting gut.

Presiden i no inap kamap na em i salim sekretari bilong em long makim maus bilong em long miting.

Arapela samting tu i bin kamap long miting em, PNGFA i bin givim aut 5-yia developmen plen bilong em i go long memba asosiesen. Ol memba asosiesen i gat tupela wik long bekim long ol dispela developmen plen.

Mista Ngahan i tok bikpela miting tru bai kamap long Septemba bipo long presiden Madiu Andrew na em yet bai go sindaun long Osenia Kongress.

## Ren bagarapim ol spot

**FRANCO NEBAS i raitim**

PLANTI ol spot o gems i no bin kamap long Lae las wiken bihain long bikpela ren i pundaun na bagarapim ol nesene tonamen na tu long lokal kompitisen.

Em i tok mipela wari tasol sapos ren sisen bai pinis we mipela ken go het wantaim ol kompitisen bilong mipela.

Long wankain taim tu sampela pilaia na opisel bilong volibal na basketbal i singaut long Lae Siti Autoriti o (LCIA) long taim kamap gutpela plen bilong stadium we ol i ken holim ol gem insait.

Wanpela olpela basketbal pilaia husat i no laik givim nem i askim LCIA bilong wanem ol i no lusim ol spot olsem basketbal na volibal i kamap insait long stadium we ol samting bilong pilai i stap pinis.

Olsem wanem i gat basketbal na volibal ples bilong pilai i stap na siti kaunsil i no larim mipela long yusim na yet ol i lusim ol lain long lotu. Dispela i no haus lotu, em i spot ples we ol manmeri save go pilai na i no long lotu, em i tok.

Dispela hevi long ol spot i no na kamap sapos yupela ol bikman i yusim het bilong yupela long ronim kain ples bilong pilai we i wok long sindaun nating i stap.

Em i singaut long ol bosman Spot Komisin long traim na lukluk long dispela hevi bilong spot long Lae siti.

Em i singaut long ol bosman Spot Komisin long traim na lukluk long dispela hevi bilong spot long Lae siti.

**LAE SPOTS RIPOT**

opisel i tok, dispela yia em ren i no givim sans, long wanem tupela mun olgeta ren i pundaun na bagarapim ol nesene tonamen na tu long lokal kompitisen.

Em i tok mipela wari tasol sapos ren sisen bai pinis we mipela ken go het wantaim ol kompitisen bilong mipela.

Long wankain taim tu sampela pilaia na opisel bilong volibal na basketbal i singaut long Lae Siti Autoriti o (LCIA) long taim kamap gutpela plen bilong stadium we ol i ken holim ol gem insait.

Wanpela olpela basketbal pilaia husat i no laik givim nem i askim LCIA bilong wanem ol i no lusim ol spot olsem basketbal na volibal i kamap insait long stadium we ol samting bilong pilai i stap pinis.

Olsem wanem i gat basketbal na volibal ples bilong pilai i stap na siti kaunsil i no larim mipela long yusim na yet ol i lusim ol lain long lotu. Dispela i no haus lotu, em i spot ples we ol manmeri save go pilai na i no long lotu, em i tok.

Dispela hevi long ol spot i no na kamap sapos yupela ol bikman i yusim het bilong yupela long ronim kain ples bilong pilai we i wok long sindaun nating i stap.

Em i singaut long ol bosman Spot Komisin long traim na lukluk long dispela hevi bilong spot long Lae siti.

## LFA bai stapim namba tu raun

**LFA RIPOT**

LAE Futbol Asosiesen (LFA) bai i no inap go insait long namba tu raun long holim soka kompitisen bilong en long dispela sisen.

Siaman bilong Fainens Augustin Guarim i mekim dispela toktok bihain long samting olsem 7-pela gem bilong namba wan raun i stap yet na ol i no pilai bikos long bikpela ren i bagarapim ples pilai.

Guarim i tok i gat tripela gem i stap yet long pinisim namba wan raun. Na ol dispela 7-pela em ol was aut gem ya.

Ol eksekutiv bilong LFA bai holim wanpela miting wantaim olgeta klab opisel long stretim na pasim toktok long mekim wanem samting bai kamap long ol gem i stap long namba wan raun.

Em i tok sapos ol klab opisel i toktok strong long bihainim yet kalenda na pilaim namba tu raun, dispela kompitisen bilong LFA bai pinis long neks yia, 2001. Long dispela as tasol, Mista Guarim i singaut long olela opisel i mas kamap long dispela miting.

Long wankain taim, siaman bilong Fainens i mekim strongpela tok lukaut i go long ol klab husat i no bai rejistresen bilong ol pilaia long baim kwik long dispela wiken. Em i tok dispela wiken em i las wiken bilong bai dispela fi, na sapos nogat, ol klab ya bai i no inap kisim fil.

Ol klab olsem Uni TFC, Topick, Titipu na Seminary. Ol dispela klab i mas kamap long LFA na lukim em.

Semtaim tu, Guarim i askim olgeta soka sapota, pilaia na opisel long lukautim gut ol samting bilong LFA. Em i mekim dispela toktok bihain long sampela kapa we i save banisim soka graun i lus.

### STORI BILONG PILAIA

**Nem:** James Kops  
**Haitnem:** JK  
**Krismas:** 27  
**Aspies provins:** Enga  
**Lokal klab:** Avi South  
**Inta siti tim:** Hagen Eagles  
**Posisen:** Senta  
**Wanem em driman tingting bilong yu:** Laik kamap wanpela top basketbal pilaia.  
**Representativ Gem:** Inta siti 1995-200, Super Nines Fiji, Super Nines Aust, PNG Kumul 1995-2000, 1995 World Cup Tour (England).




**Namba wan kosa:** Simon Moi  
**Wanem ovasis ragbi lig klab em yu save sapatim:** Canberra Raiders  
**Wanem feveret pilala yu save sapatim:** Bradley Clyde  
**Spotyu save laikim taim yu no pilai ragbi li:** Basketbal  
**Kaikal yu laikim:** Rais i nogat abus  
**TV stesin yu laikim:** EMTV  
**Dring yu save laikim:** Coca Cola  
**Wanem ol gutpela toktok long givim long ol yangpela:** Ol yangpela bai i mas tingting long pilai ragbi lig bikos nau dispela gem planti mani i save lukim.  
**Sapos yu winim lotto bai yu mekim wanem:** Mi raun long Hawaii, USA,

TIMOTHY AIMS i raitim

Nestlé  
**MILO**

# IKEN WOKIM GUTPELA SAMTING LONG YU





• Riserv gret gem namel long Kone Tigers na Post Puma long Semi fainel long Pot Mosbi ragbi lig.

• Tupela pilaia i paul na kikim ol yet long Pot Mosbi soka resis.



• Liklik netbal tim bilong Kempa i redi tasol long bungim ol birua bilong ol dispela wiken.



• Antap raithan: Pilaia bilong Tulstars i pasim bal long poroman bilong em.

• Raithan: Tupela liklik susa long netbal ya i traim save bilong ol long netbal.

• Lephau: Yangpela susa ya i save kik tu ya. Kain stall i save kukim PMSA soka graun. Ol foto: ISSAC IKUAVI.



IKEN WOKIM GUTPELA SAMTING LONG YU



# Rabaul holim yet namba wan ples

## HENRY MORABANG I raitim

RABAUL Guria husat i lus long Pot Mosbi Vipers 18-8 i holim yet namba wan ples long poin lata bilong SP Kap Inta siti ragbi lig resis. Rabaul Guria i stap antap wantaim 12 poin.

Oi boi long Is Nu Briten i winim Vipers na ol snek nogut ya i pamim bikpela poisin na kikim ol wansait stret.

I gat tripela gem i stap yet, na resis bilong 4-pela spot bilong fainel faiv i op yet long ol tim long winim. Tasol i no olgeta tim i gat tripela gem long pilai. Sampela tim husat i kisim bai tupela taim pinis bai painim hat liklik long

## SP KAP RIPO

winim spot.

Kundiawa Warriors i pilai 9-pela gem pinis. Oi bai bai long dispela wik na ol i gat wanpela gem i stap yet. Na i luk olsem ol i nogat sans wantaim Waghi Tumble long pilai insait long SP Kap fainel.

Guria husat i pilai 8-pela gem pinis bai go long Wabag long bungim Enga Mioks. Dispela em strongpela salens long lukim husat tru bai winim main primiasip bilong dispela kompetisen.

Mendi Muruks i winim Lae Bombers 8-6 i surik i go long namba tri ples husat i autim Vipers na Warriors.

Kundiawa Warriors i winim

Waghi Tumber 28-22. Na Goroka Lahanis i winim Mt Hagen Eagles 16-4. Eagles husat i gat sans nau i mas pilai strong long winim ol las gem bilong em long stap long fainel.

Lahanis i mas winim ol tripela las gem long soim pes long fainel. Oi arapela tim husat i no abrusim 10 poin nau i mas tingting gut long win sapos nogat, ol i westim taim long go pilai long arapela senta.

Tumbe husat i stap long tu poin tasol i nogat sans long stap long fainel. Oi poin lata nau i sanap olsem Guria 12, Mioks 11, Muruks 9, Vipers 8, Warriors 8, Eagles 7, Bombers 6, Lahanis 5 and Tumble 2.

## Goroka winim namba tu prai

## WALLY AINUI I raitim

GOROKA Mountain Shooters dart tim bilong SP Brewery i kamap namba tu long dat sempionsip bilong ol SP Brewery Depot insait long kantri. Dispela sempionsip ya i bin kamap long Pot Mosbi.

Badili SP Depot i winim dispela sempionsip.

Kepten bilong Goroka Charles Daniel i

## SP DAT RIPO

tokim Wantok olsem em i no ting ol bai kamap namba tu long dispela sempionsip. Na em i guria stret taim ol i kolim nem bilong ol presentesen.

Dispela dat sempionsip bilong SP Brewery i pulim tim i kam long Lae, Goroka, Badili na Gordons.

Oi pilai husat i makim Goroka em Steven Tumai (kosa), Charles Daniel

(kepten), Johnny Vilau, Mark Gosepa, Khay Piam, Kenneth Tahila, Charles Kumb, Joseph Raim na Ori Hassar. Na Goroka i kisim tripela ges pilai em Giau Duruba, Augustine Minib na Berend Hut we i save wok long het opis bilong SP Brewery long Pot Mosbi.

Dispela em i namba tu yia SP Brewery long Goroka i soim pes long sempionsip ya. Tim tu i winim sampela awot tu olsem Highest Score

sheet, Tournament Rookie, Highest starter, highest check-out na Best participating teams.

Insait long wanpela pati long Goroka, kepten Daniel i mekim bikpela tok amamas i go long olgeta pilai husat i givim taim long win. Na tu em i amamas long gutpela sapot bilong ol pikinini na meri husat ol i lusim na go long Pot Mosbi long mekim dispela pilai.

# Oi Mekeo i kisim spot trening

## MOA long 150 spot lida insait long Mekeo i bin stap insait long wanpela spot woksap we PNG Spots Komisin i bin holim las wik.

Dispela woksap ya i bin kamap long Julai

24-27. Woksap ya i givim trening long spot edministresen, kosing, refering na amapa long netbal, soka na volibal.

Oi spots developmen opisa bilong PNG Spots Komisin olsem Scott Vavine (spot edministresen), Winnis Tua (netbal), Tim Gawot

(soka) na Kila Dick (volibal) i bin go pas long holim woksap.

Oi ples long Wes Mekeo olsem Amiaka, Piunga, Apanai, Engefa, Maipa, Inaukina, Ma'akunga, Akufa, Imounga, Papanonga na Aipeana i bin salim ol spot lida bilong ol long dispela kosa.

Rijonel Spots Developmen opisa bilong Sauten Rijen Tim Gawot i amamas tru long ol asples Mekeo long go pas long kamapim tingting long holim dispela kain spot woksap ya.

PNG Spots Komisin i gat tingting long strongim ol grassrut spot insait long kantri, na kain program i kamap long Apanai i gutpela stret.

"Oi pipel i soim bikpela laik long dispela woksap na ol i redi tasol," Mista Gawot i tok olsem.

Presiden bilong Not Mekeo Spots Asosiesen Aloysius Binigoba i tok dispela

spot woksap ya bai helpim tru ol spot lida insait long ol ples long Mekeo. Samting olsem 12-pela ples olgeta i salim ol lida long stap insait long dispela woksap.

"Mipela i bin pilai long ol dispela spot tasol mipela i no klia gut long ol rul bilong gem. Tasol dispela woksap nau i helpim tru ol pipel long save gut long dispela kain helpim i kamap," Binigoba i tok.

Mekeo Volibal Sempionsip bai kamap long Ogas 14-18, na ol spot lida bai yusim ol dispela kain save bilong ol long ranim na putim tim long dispela sempionsip. Bihain long dispela sempionsip, ol Mekeo bai makim wanpela tim long stap insait long nesanel volibal sempionsip long September.

Binigoba i tok em i save long PNG Spots Komisin taim em i stap long nesanel sempionsip we i kamap long Sir Ignatius Kilage stadium long 1993.

# Aitape i statim soka gen

## AITAPE SOKA RIPO

AITAPE Soka Asosiesen (ASA) i statim namba wan gen bilong sisen propa bilong en las wik long Aitape stesin.

Presiden bilong Aitape Soka Asosiesen Peter Texann i tokim Wantok olsem dispela soka gem i stat gut na planti ol opisel na pilai i kamapim gutpela gem long strongim gutpela sindaun pasin long komyniti.

Texann i tok ol i no statim gut kwik sisen bikos planti ol klab i no bai afiliesen na tu rejistresen bilong ol pilai. Oi i statim bihain long sampela tasol i

baim ol dispela tupela fi.

Nau yet tripela klab Raihu, Buddies na Maiyom United tasol i baim dispela fi. Ol arapela 11-pela klab i no bai yet fi bilong ol.

Presiden i mekim strongpela toktok olsem insait long namba tu raun, ol tim husat i bai fi tasol bai stap long kompetisen. Wanem ol tim o klab i no baim fi bai raus long ASA kompetisen.

Arapela samting tu, Mista Texann i tokaut olsem olgeta klab o tim i mas kamap wantaim ful yunifom. Dispela yunifom em bihainim gutpela pasin we PNGFA i laik olgeta asosiesen i mas bihainim.

Em i tok sampela klab i wok long putim hapkas yunifom bikos planti ol eksekutiv bilong ol i no save kamap long miting. Na em i askim olgeta klab long salim mausman bilong ol long miting ya.

Mista Texann i tok em i bain saspending miting bikos planti man i no bin kamap. Nau ol i laik holim wanpela miting neks wik, na em i mekim singaut i go long ol klab long salim ol wokman o mausman bilong ol.

Skoa bilong ol gem i kamap las wik i sanap olsem Wantoks winim Easyoaks 2-1, Rowell i dro wantaim Maiyom United 1-1 na Raihu tu i dro wantaim St Joseph 2-2.

# Rebiamul Oval bai paia long junia sempionsip

## ANDA 17 SEMPIONSIP RIPO

MT HAGEN bai holim Hailens Coca Cola rijonel Anda 17 ragbi lig sempionsip long Rebiamul oval long dispela wiken.

Oi senta husat bai stap insait long dispela junia sempionsip em Tari, Kagua, Pangai, Wabai Minj na Mt Hagen yet. Tupela arapela hailens senta, Kundiawa na Goroka i joinim Noten Rijen las wiken.

Oi tim bai yusim namba wan oval, na Mt Hagen Ragbi Lig bai yusim

namba tu oval long holim kompetisen bilong em.

Get fi bilong dispela sempionsip i sanap K2 bikman na meri, na K1 bilong ol studen na liklik mangi.

Presiden bilong Mt Hagen Junia Ragbi Futbol Lig Peter Kanam i tok em bai namba wan taim Mt Hagen i holim junia sempionsip. Mt Hagen Ragbi Lig tu i redi long dispela sempionsip na em i ting olsem moa pipel bai kamap long dispela sempionsip.

Lokel Mt Hagen kompetisen bai go insait long namba tu raun bilong em long dispela wiken.

# Bikpela plen bilong aussie ruls

## AUSSIE RULS RIPO

FINAL ripot bilong triyia developmen program bilong aussie ruls long kantri i redi na bai ol i givim i go long Australia Ruls Futbol (AFL) long mun Septemba.

Oi las toktok long dispela ripot em ol ruls edministreta i bin mekim taim ol i stap insait long Level 1 spot edministresen kos long Bankers Koles long Pot Mosbi.

Namba wan hap bilong dispela ripot i bin kamap long mun Epril we ol edministreta yet i putim wantaim. Na las ripot ya em planti ol lokel ruls edministreta i mekim husat i laik lukim olsem ruls i mas kamap olsem stail bilong PNG.

Dispela plen o ripot i karamapim ol eria olsem ples pilai, edministresen, maketing, fainens, na ol bal we ol i nidim tru long mekim

aussie ruls i kamap olsem wanpela bikpela spot.

Wanpela bikpela samting tru em Auskick program we ol liklik mangi i wok long lainim pilai aussie ruls. I gat plan olsem long neks yia na ol yia i kam, bai i g at kompetisen bilong anda 12, anda 14, anda 16, anda 17 na anda 18.

Oi Ruls futbol edministreta i laik dispela program i mas stat long neks yia.

Oi senta i givim tingting i go insait long plen na ripot em NCD, Lae, Goroka, Kove, Kimbe, Hoskins, Rabaul na Bougenvil.

AFL na PNG Ruls Futbol Kaunsil na lokel lig i mas wok bung wantaim sapos dispela program i laik karim kaikai.

AFL bai givim ol bal, wisel, video tep na ol arapela samting long strongim na statim wok bilong developim aussie ruls long kantri.

AFL save Andrew Cadzow na presiden bilong PNGRFC Thomas Gori i tok wanem ol lig i laik kisim helpim i mas afiliet i go long nesanel bodi. Sapos wanem asosiesen i laik kisim helpim orait ol i mas afiliet.

Las wiken, AFL i givim bal i go long olgeta lig husat i bai afiliesen bilong ol long yia 2000. Tupela nupela lig Kove na Bougenvil i kisim fri bikos ol i statim asosiesen bilong nau tasol.

Mista Gori i mekim bikpela tok amamas i go long AFL na Cadzow long kain gutpela pasin long sapatim na strongim wok bilong developim aussie ruls long Papua Niugini.

Samting olsem 32 futbol opisel i kamap long level wan kos we Cadzow na Rod Hughes bilong AFL i holim.



• Roy Amburi bilong Pot Mosbi Vipers i givim siketi wantaim bal egensim Enga Mioks. Tupela tim dro.

**MILO IKEN WOKIM GUTPELA SAMTING LONG YU**



## Ol asosiesen i mas kirapim junia sofbal

### PNG SOFBAL RIPOI

PAPUA Niugini Sofbal Federesen (PNGSF) i laik olgeta memba asosiesen i mas kirapim junia sofbal long strongim gem long bihain taim.

Nau wok bilong junia kompetisen em bai kamap olsem wanpela lo sapos wanem asosiesen i laik afiliet i go long nesenel sofbal bodi.

Presiden bilong PNGS Nelson Paulias i autim dispela toktok bihain long em i tokaut long de bilong nesenel klab sempionsip we bai kamap long Pot Mosbi. Sempionsip ya bai kamap stret long Independens wiken.


Paulias i tok olsem i gat nid long kamapim ol yangpela pilaia long bihain taim olsem na ol asosiesen i mas i gat junia kompetisen.

Arapela samting bai kamap long miting em kalenda na kamapim wankain kompetisen insait long kantri.

Wanwan asosiesen i mas baim K400 long kwalifai long stap insait long sempionsip. Ol i ken kisim nominesen fom long opis bilong presiden 982 8697 o sekretary Francis Rangattin 983 7496.

Paulias i tok 28 tim bilong man na meri i tokaut pinis long stap insait long dispela sempionsip. Na em i askim ol asosiesen long baim dispela fi K400 long soim olsem ol i laik stap long sempionsip.

Em i askim ol asosiesen husat i no afiliet long mas givim nem na memba.



• Manu Liosi bilong Tawala i traim long rausim bal long birua bilong em insait long Pot Mosbi primia kik resis las wiken.

## Maprik tonamen i kamap gutpela tru

### MAPRIK SPOTS RIPOI

#### EDWARD MEATA i raitim

SIR Pita Lus soka na sofbal tonamen we i kamap las wik i kamapim gut tru long ai bilong planti man na meri.

Olgeta gem i pinis long gutpela pasin na nogat wanpela pait o kros pasin i kamap olsem ol arapela tonamen long Is Sepik provins.

Patron bilong dispela tonamen, Sir Pita Lus yet, i bin opim dispela tonamen i tok olsem ol tim i mas pilai long gutpela pasin bilong pilai spot.

Taim em i opim tonamen bilong em, Sir Pita i tok

olsem spot em wanpela rot long bungim olgeta pipel long kainkain hap, na ples bilong i noken kamap olsem ples bilong kamapim traibel pait.

Em i tok olsem siaman bilong Nesenel Lo na Oda komiti, Sir Pita i laik ol pipel long Maprik i mas holim na strongim wok bilong lo na oda. Em i askim ol pipel long Maprik long wok wantaim plis, woda plis, difens na ol lo na oda grup long daunim lo na oda we i wok long bagarapim sosaiti.

Sir Pita i tok olsem em i pret long lukim na harim olsem ol pipel i wok long yusim gan long kilim arapela man. Dispela kain pasin i no gutpela na i no stret tru.

Memba bilong Maprik i askim ol pipel long noken

yusim ol samting bilong pait long stretim hevi bilong spot. Maprik em ol gutpela man insait long Sepik provins.

Sir Pita i tok em bai amamas yet long sapotim dispela tonamen i go inap long 2007. Bihain long dispela yia, 2007, Sir Pita i tingting long risain long wok politikis tasol em i laik tonamen-ya i mas go het.

Memba bilong Maprik i tokaut tu olsem neks yia, 2001, em bai putim arapela kap gen long ol tim i ken resis.

Sir Pita i tok em i laik lukim olsem ol lait i mas stap long ples pilai insait long Maprik taun. Dispela em i tingting tru long sapotim bipo long pinis bilong dispela yia 2000.

# Biknem soka tim helpim ol rurel tim

### MADANG SOKA RIPOI

#### KIWURAM KANAKO i raitim

OL pilaia bilong Mimlon na Kalibobo Blues soka klap long Madang taun kompetisen i tok olsem ol pilai resis bilong Madang Distrik Soka tonamen bikos ol i laik givim save bilong pilai i go long ol arapela husat i save pilai soka long arapela asosiesen.

"Ol soka kikman long ol asosiesen olsem Transgogol, Saut na Not Ambenob i mas pilai soka wantaim ol soka pilai man long taun we ol bai lainim planti samting olsem ol kainkain kala na stail na tu ol lo we i was na banisim ol kikman," Mista Andren Frank, mausman bilong Kalibobo Blues i tok.

Mista Frank i tok tu olsem taim ol kikman bilong ol klab olsem Bel loari i pilai wantaim ol pilai man olsem ol Romo bilong Mimlon o John Panu bilong Mamose, ol bai lainim, planti samting. Taim ol i go bek long wanwan klab bilong ol, ol tu bai skulim, ol wanlain bilong ol long wanem samting ol i lainim. Dispela bai apim, mak bilong soka long provins i go antap.

Long wankain taim tu Mista Alfons Fruit husat i stap olsem wanpela memba bilong Madang District Soka Asosiesen i tok em i amamas long lukim ol pilaia bilong Mimlon, Kalibobo Blues, Newtown na arapela long pilai wantaim ol arapela soka klab long taun i stap ausait long lukaut bilong Madang Soka Asosiesen.

"Mipela bilip long apim mak o level bilong soka i go antap. Na dispela em samting we olgeta bikmanmeri bilong soka i gat laik na tingting long mekim. Taim wanpela kikman bilong wanpela soka klab long taun i stap pilai wantaim ol brata long ausait, ol bai strongim ol dispela brata long kamap gutpela soka kikman.

Dispela em gutpela i no bilong soka tasol. Nogat. Ol arapela pilai olsem basketbal, volibal, ragbi na kriket i mas mekim wankain tu," Mista Fruit i strongim tok.

Tasol long dispela toktok yet, Mista Peter Augasa, presiden bilong Madang Soka Asosiesen (MSA) i tok olsem dispela Madang District Soka pilai resis em bilong ol soka pilaia insait long ol tripela LLG eria tasol. Ol dispela LLG eria em long Transgogol, Saut na Not Ambenob. Ol klab long taun tu i stap long dispela pilai

resis tasol ol i tambu long larim ol pilaia bilong ol long pilai wantaim ol tim i kam long ol tripela LLG eria.

"Mipela laikim olsem larim ol soka pilaia bilong arapela LLG long pilai namel long ol yet na traim ol lain bilong MSA. Sapos ol soka kikman bilong ol klab long taun i stap insait long tim bilong ausait, dispela em pasin ples bilong wanpela gutpela soka kikman long ol LLG eria long kamapim na soim ala bilong em. Mi les long daunim ol soka pilaia bilong yumi long dispela kain pasin," Mista Angasa i tok.

Mista Angasa i tok tu olsem astingting bilong dispela Madang Distrik Soka Tonamen em bilong makim ol tim husat bai i stap resis long Madang Provins soka tonamen we bai kamap long pinis bilong Ogus long dispela yia yet. Long 1999 Coca Cola i bin stap bikipela spona bilong dispela Madang Provinsal Soka Tonamen.

Long wankain taim tu opis bilong Sotel Sevis wantaim ol Distrik Progrem Menesa i tok olsem ol bai amamas tasol na redi long stap sambai long helpim Madang Provinsal Spots Kaunsil sapos em i tingting long holim wanpela Provinsal Mini Tonamen long 2001.

## Tim i bung long Hailens rijonel soka

### HAILENS SOKA RIPOI

SAMTING olsem 24 tim bilong man na meri bai resis long winim David Chung Kap taim ol i brukim bun long Hailens Rijonel Soka sempionsip long dispela wiken. Sempionsip ya bai kamap long Nesenel Spot Institut long Goroka, Isten Hailens provins.

Gavana bilong Isten Hailens, Peti Lafanama bai opim dispela soka resis long Fraide na gren.ainel bai kamap long Sande.

Ol tim kamap long dispela tonamen em Kainantu, Kutubu, Mendi, Mt Hagen, Wabag, Simbu, Porgera, North Goroka, Unggai na Hekari.

Vais presiden bilong Hailens Rijonel Soka Ananias Popo i tok em i gat sampela hevi liklik long Wabag i no salim tim.

Siaman bilong Ogenaising komiti Advent Melkisede i putim bikipela hatwok tru long traim holim dispela Hailens soka sempionsip.

Sempion tim Mt hagen bai go pas olsem feveret long winim dispela gem. Sempion tim bilong ol meri, Mendi bai painim hat liklik bikos Goroka meri i redi tasol long

rausim sket bilong husat birua tim.

Popo i tok North Goroka em wanpela nupela tim we i ting bai putim kamap gutpela soka salens i-go long Mt Hagen. Ol boi North Goroka em tim bilong ol sumatin insait long Isten Hailens i kam long wansolo wara kantri olsem Solomon Ailan, Vanuatu na Fiji.

North Goroka bai opim namba wan gem bilong ol wantaim Mt Hagen na dispela bai skelim husat tru bai winim dispela Hailens soka taitel.

Ol tim i stap bruk nau long tupela pul bilong man na meri.

Popo i tok ol 4-pela top tim long bai pilai insait long fainel. Pul A Mt Hagen, Mendi, Unggai, Wapenamanda, North Goroka na Hekari.

Pul B: Goroka, Porgera, Simbu, Kutubu, Wabag na Kainantu. Gem bilong ol wimen i sanapa olsem Mendi, Mt Hagen, North Goroka, Unggai na Wapenamanda.

Presiden bilong Hailens Soka Rijonel Asosiesen David Chung i tok olsem gem ya bai stat long Fraide na pinis wantaim fainel long Sande. Olgeta gem bai kamap long NSI we ol tu bai holim namba 14 disebel spot.



# IKEN WOKIM GUTPELA SAMTING LONG YU



## K3.2 bilien kompensesen long ol manmeri kisim taim long Wol Woa 2

**Amerika:**

Wanpela kot jas bilong US i givim K3.2 milien olsem kompensesen pe i go long ol manmeri husat i bin kisim bagarap logn han bilong ol Jemen long taim bilong namba tu Wol Woa.


Ol lain husat i kisim bagarap long han bilong ol Jemen bai kisim dispela mani ol Gemen i bin putim long ol Swiss benk akaun long taim bilong woa.

I gat moa long 500,000 manmeri i stap long skelim dispela mani namel long ol yet. Dispela ol manmeri husat bai kisim dispela mani em ol lain Jews (Israel), ol Gypsie (manmeri bilong slip na muv long olgeta hap kantri), Jehova Witness na longlong manmeri husat i bin kisim taim long han bilong ol ami bilong Jemeni.

Ol manmeri husat i bin lusim ol samting olsem benk mani, haus, ka, graun na naraspela samting ol i gat long dispela taim bai ol i kisim dispela mani. Jus Edward Korman i tok aut olsem dispela em i las tok tok olsem dispela ol lain bai kisim dispela pei mani long samting bilong ol i lus.

Ol Swiss benk we i bin op long dispela taim bilong pait na husat benk i kisim mani bilong ol Gemen na putim i go insait long benk bilong ol bai givim aut dispela mani

long manmeri ol Gemen i bin bagarapim.



• Pile opisa bilong Indonesia i lukluk long Ambon we hevi i stap long en. Piksa i kam long Weekend Australian niuspepa.

## Bel kol insait long Solomon alians no kamap

**Solomon Allan:**

PASIM tok bilong stapim bikipela pait insait long Solomons Ailan i no kamap. Ol i surikim de i go bihain long tripela komanda bilong ol rebel grup insait long kantri i no kamap long dispela bung.

Deputi Praim Minista Allan Kemakeza i tok em laik i go bungim ol dispela rebel lida na toksave long ol olsem laip bilong ol bai i no stap long birua na dispela wanbel toktok bai kamap antap long wanpela sip bilong Autralia arere long biktan Honiara.

Ol i makim yet

wanem nupela det ol bai holim dispela wanbel toktok namel long ol dispela grup.

Ol 3-pela komanda i bilong Isatabus, asples bilong bikipela ailan bilong Solomons Ailan, Guadalcanal. Ol lain Isatabus i bin kamapim bikipela pait wantaim ol rebel bilong wanpela ailan bilong Solomons, Malaita inap long 19-pela mun olgeta.

Dispela pait namel long dispela tupela grup i bin stat taim ol Isatabus i tokim ol Malaita ailan long noken kam insait long Honiara na kisim olgeta graun na wok mani na i

rausim ol malaita manmeri long Honiara.

Pastaim long dispela bek kol toktok, 3-pela man Malaita wantaim gan i bin holim pasim wanpela sip bilong kisim pis na dispela ol amn i bin askim sip long go long Guadalcanal tasol plis i holim pasim dispela ol man na putim ol long rumgad.

Ekting Pliis Komisina John Homelo i tok dispela ol man bai i kamap long sas bilong subim man wantaim gan long kisim dispela bot.

Moa nius long Fiji hevi



**Fiji:**

Fiji ku lida George Speight na ol lain bilong em i stap nau long rumgad bilong ami hetkota long Kwin Elizabeth Bareks long Suva.

Ami long las Trinde nait Julai 26 i bin holim pasim Mista Speight na ol bai sasim em long pasin we em i wokim long laik bagarapim Presiden Josefa Iloilo.

Ami i bin wokim wanpela spesel operesen we i bin holim pasim Mista Speight na sampela top sapota bilong em klostu long wanpela skul we ol bin kem long en. Wanpela man husat i gat 50 krismas i bin dai long hevi em i bungim taim ol ami i pairim tiages na em no inap long kisim gut win long wanem bikipela win nogut i pasim em. Samting olsem 40 pipel i bin kisim bagarap na ami i bin holim pasim 360 sapota bilong Speight.

Ami i bin holim pasim tu rait han man bilong Speight husat i masta mainim ku. Em long Ilisoni Ligari husat i foma memba bilong Spesel Air Sevis bilong Briten na long 12-pela mun, em bin wok olsem memba long spesel trups. Dispela man tasol i bin go pas long Me long hansapim ol memba long

palamen bilong Fiji.

Wanpela mausman bilong ami i tok Mista Speight na ol wanwok bilong em bai inap long stap long kalabus sampela taim pastaim long ami hetkweta.

Mista Speight inap sanap long bikipela kot bihain long em i toktok long kilim Presiden Josepa Iloilo long las wik Tride na long Fiji dispela kain samting inap long kot i givim orait long bai dai.

"Dispela hevi long nem bilong asples Fiji manmeri i stap longpela taim tru na kainkain risen i wok long kamap olgeta taim na i bagarapim nem bilong Fiji stret," Ami opisa Tarakinikini i tok.

"Mipela no inap larim ol self-is man i yusim nem bilong asples Fiji manmeri na tingting long kisim samting long dispela kainkain pasin opl i mekim.

Mipela laik lukim olsem wanem kain hevi i kamap i mas pinis nau na mipela laik lukim olgeta manmeri i stap orasit," em i tok.

Fiji i bin stap long wanpela taim nogut taim Mista Speight na Ligari i hansapim palamen long Me 19 na kisim praim minista Mahendhra Chandhry

Musik sta o pait lida

• Ku lida George Speight i stallim na malolo gut ausait long pulsait bilong Sentrel Hotel long Suva bipo ol ami i holim pasim na kalabusim em long las Trinde nait. Piksa i kam long WEEKEND AUSTRALIAN niuspepa.

wantaim gavman bilong em olsem kalabus long nem bilong olgeta asples Fiji manmeri. Praim minista i bin wanpela tumbuna plikinini bilong ol India i stap long Fiji nau husat i kamap long Fiji olsem ol wok manmeri long suga plentesen bipo tru.

Mista Speight i bin lusim ol palamen memba i go fri long Fonde Julai 13, bihain long 56 de olgeta.


Presiden Iloilo husat ol i makim long las wik i putim liklik sapota bilong Speight i stap long gavman na planti manmeri i no amamas long wanem ples i bin bagarap tru.

Ol sampela lain i kisim jet balus bilong Fiji Air long Vanua Levu ailan na holim tupela pailot bilong Niu Silan kalabus.

Foren Minista bilong Niu Silan Phil Goff i askim ol ami bilong Fiji long stretim dispela hevi hariap bipo long bikipela pait i bruk aut wantaim ol kainkain grup insait long kantri.

Australia i bin askim pinis olgeta manmeri Australia husat i stap long Fiji long lusim dispela kantri na go bek long Australia.

## Amamas long stap fri gen



• Maurice Parsons bilong Nu Silan i sindaun isi bihain long ol rebel paitman bilong ku lida George Speight i lusim em. Piksa i kam long WEEKEND AUSTRALIAN niuspepa.

**Fiji:**

Maurice Parsons bilong Nu Silan i sindaun isi bihain long ol rebel paitman bilong ku lida George Speight i lusim em na narapela wantok bilong em. Mista Parsons na James Henry em tupela Nu Silan pailot tasol ol i wok long Fiji olsem pailot bilong Air Fiji balus. Las wik ol sapota paitman bilong Mista Speight i bin

holim ol kalabus bihain long Nu Silan i putim tambu long ol sampela samting long Fiji.

Mista Parsons i tok ol paitman i bin lukautim gut ol na ol no bin wokim nabaut long ol taim ol i holim ol kalabus long ples Nabalebale, ples bilong man husat i bin spiahetim ku na rait han man bilong Mista Speight long dispela hevi, Ilisoni Ligari.



# Saina marit painim ol pikinini long pipia ples na lukautim

### Saina:

Bebi Guoqing na Guomiao, Enhui, Sien na Simen em foapela pikinini meri husat tupela marit Lao ya na Chen Rong i bin painim long pipa dam long Beijing long las yia. Tupela marit i nogat gutpela wok. Cheng Rong i save sekim pipia ples olgeta de long painim wanem samting i gutpela na em i kisim long yusim na mekim gutpela samting long en. Em bin painim faivpela pikinini ya taim em i go long wanpela raun bilong em long sekim pipia ples long las yia Oktoba. Em bin painim faivpela ya namel long ol rabis pipia i sik na i wok long singaut i stap long pipia dam long is Beijing eria na karim ol i go long haus we em i na man bilong em i lukautim ol wantaim narapela tupela pikinini bilong ol.

Bebi Guoqing wantai wanpela krismas em i gat sik long wanem lips bilong em i hruk. Guomiao wantaim tupela krismas na Enhui wantaim tripela krismas i gat sik tu na Silen wantaim foaspela krismas i gat sik long lewa. Simeng wantaim sikspela krismas i orait tasol taim ol i painim em long taim bilong ais na kol, em bin sik nogut tru.

Tupela marti i no laik lukim ol pikinini we ol mama i tromoim ol na ol i amamas long kisim na lukautim dispela faivpela ol i painim long rabis dam. Ripot i tok wanpela long ol hevi we i wokim na sampela papamama i wok long tromoim pikinini bilong long Saina em long bilong gavman bilong Saina em i putim long 1980s na dispela em long ol famili i mas gat wanpela pikinini tasol. Na tu pasin long Saina we ol i laikim ol pikinini man moa long ol meri.



• Faivpela pikinini meri Saina ya em ol bin painim namel long ol pipialong bikpela siti Beijing, bihain long papamama bilong ol i tromoim ol. Nau nupela papamama i lukautim ol. Em long Lao Ye na Chen Rong. Tupela marit i bin painim ol pikinini meri krismas bilong ol i stap long 1 inap long 6 long pipia hap las yia Oktoba 1. Piksa i kam long Weekend Australian niuspepa.



• Faivpela pikinini ya i stap nau long gutpela lukaut long is Beijing na ol i kaikai gut i stap.

## Freeman i toktok long politiks

### Australia:

Ol ripot i kamap olsem wol sempion meri Aborijini asples meri bilong Australia Cathy Freeman i tingting long sanap olsem wanpela politisen. Bihain long em i winim 400 mita pilai resis ron long Oslo bikpela siti bilong Norway long Yurop, ol ripot i tok Freeman i autim laik bilong em olsem em i laik kamap wanpela politisen na sapotim laik bilong ol asples

### pipel.

Freeman husat i gat 27 krismas em ol i ripotim olsem i tok em i wok long gat bikpela laik long ol samting i sut long sait bilong politiks na sapos em inap long pilai spots, em bai yusim strong na save bilong em long wok politiks long ples.

Em i tok em i stap long gutpela posisen we ol pipel i luksave long en na ol i ken harim em.

## Yunaitet Nesens wari long sekyuriti bilong ol pis kipa

### Indonesia:

Yunaitet Nesen i askim Indonesia long seperetim ol tru tru refuji long ol foma paitman, ol soldia, plisman na ol wokman bilong gavman long ol man nating insait long ol refuji kem long Wes Timor.

UN i mekim dispela

singaut bikos ol foma paitman i wok long miks nabaut wantaim ol man-meri nating long ol kem we UN i lukautim long isten hap bilong ailan.

UN i wok long wari na i laikim ejen eksen long ol refuji kem long wes Timor bikos ol i pret long sefti bilong ol wan-

wok bilong ol.

Samting olsem 167,000 refuji bilong Is Timor husat i stap long Wes Timor i go bek pinis tasol 120,000 i stap yet.

Long las wik, wanpela Nu Silan pis kipa em ol bin sutim em i dai long Wes Timor.

**RAMU SUGAR**



*The Sweetest Thing*





OFFICE OF RURAL DEVELOPMENT

Lagani 2000  
district hatubua

gaukara heduru moni grant

Gaukara abia ura hahedinararaia



Hatubua gaukara  
badadia be  
hegeregere


Papua New Guinea gavamani ena laloa badana gunika kahadial noho taudia edia mauri hanamoa totona, hatubua gaukaradia Grant moni dekenai durua do idia henia diba.

Rural Developmen Ofis be hadibala hereva ia henia, dalka ura kwalimu orea, emul gunika gabu hatubua gaukaradia totona, grant moni applikesen pepa siaidia Joint District Planning bona Budget Komiti dekenai.

Lagani 2000 ena grant moni, be gunika gabu hanamoa gaukara badadia kahanal totona.

Rural Developmen Ofis ese Inal gavamani ena hatubua gaukara heduru monidia do ia naria bona ia gaukaralala Papua New Guinea ena District lalonal taunimanima Ibounal Gavamani ena heduru do idia davarua, noho mauri hanamoa totona.

Ura kwalimu oreadia, emul ura umul hahedinararaia local District Administrator dekenai, eiava umul lao Rural Developmen Ofis dekenai.



- ✓ Sisima kamokau wafo
- ✓ Sinaival amo hanal nese
- ✓ CIS edia ruma hanamodia
- ✓ Polisi edia ruma hanamodia
- ✓ Motuka heau dala maragidia
- ✓ Aid post bona Kiliniki maragidia
- ✓ Peleini maragidia edia diho gabudia
- ✓ Health gaukara taudia edia noho rumadia
- ✓ Ranu abia vareai gunika gabu dekenai
- ✓ Paua abla vareal gunika gabu ta ta lalodial
- ✓ Gavamani ena administration ruma haginidia
- ✓ Education gaukara taudia edia noho rumadia
- ✓ Natudia edia Elementary bona Primary sikull rumadia

Oi ura diba oi abia neganai be inai taudia oi itala :

Office of Rural Development  
P. O. Box 1100  
WAIGANI N.C.D

Telefon : 328 8380  
Fax : 328 8361




# LAIPTSTAIL



• Yangpela Vagi Awa bilong Goroka i wok long lainim long wei bilong pasim gras na stretim long stail na laikim bilong ol meri long Le Charm Hair and Beauty Salon long Gateway Hotel. *Poto: ISSAC IKUAVI.*



• (Lephan) Dem Josephine Abaljah na (raithan) meri bilong Praim Minista Roslyn Morauta i joinim ol mama na liklik pikinini bilong Ketarobo singsing grup na mekimsave long mekim pala danis wantaim ol long wiewns so long Goroka las mun. *Poto: FRANCIS BENNY PM's Media.*




• Antap raithan: Husait i tok das o maunten i pala i karamapim Rabaul taun. Kalkai i pulap yet ya. Dispela em piksa bilong ol mama i kam lainim kalkai long Rabaul maket. *Poto: FRANCO NEBAS.*

• Antap lephan: Ol skul pikinini long Maun Sion senta long Goroka i bilas stail tru na redi long mekim welkam long Deputi Hai Komisina bilong Austalia Stephen Henningham na Fes Seketeri bilong Nu Silan Tessa Te Mata long taim bilong opim nupela wara saplai na nupela klasrum long Fraide Julai 28 las wik.

• Raithan: Liklik mangi Hailens, Laki Tiptip i amamas tru long tupela bikpela pis em i pulim bikos em bai mekimsave long kaikaim ol long apinun. *Poto: TIMOTHY AIMS.*

• Lephan: Ol skul sumatin long Mosbi i bin karim kruse raun long Sir John Guise Stadium long sanapim long bikpela selebresen de bilong Yut Jubili long las mun. *Poto: IVAN BAYAGAU.*







**B**IPO tru long taim bilong tumbuna yet, ol Tolai i save kolim olsem "Taim bilong tudak". Dispela stori i bin kamap. I bin i gat wanpela snek na kapul i kamap gutpela pren tru.

Tupela i save pilai na go kam long bus, nambis na long ples na gaden bilong olgeta man bilong ples. Tupela i save tok pilai long ol narapela kain pisin, enimol na pis bilong sotwara.

Long wanpela taim, em taim bilong strongpela san. Ol gras i dai, na tu ol diwai i no moa karim plaua na frut. Na tu olgeta liklik raun i drai olgeta long dispela strongpela san. Olsem na olgeta pisin na enimol i hangre long kaikai raunwara.

Long wanpela de, tupela i go long nambis, na tupela i wok long pilai long wesani stap. Tupela i tuhat nogut tu long dispela san tasol. Olsem na tupela i go sindaun aninit long wanpela talis diwai.

Nau snek i kirap na tok, hei brata na tambu pren bilong mi, Tokapul. Yumi gat gras, olsem na yumi tuhat nogut tru. Yu lukim ol Tolai, ol i nogat gras olsem na ol i no save tuhat. Win i save winim ol, olsem na skin bilong ol i save kol gut tru.

Lukim, sapos yumi stap skin nating na i nogat gras, bai skin bilong yumi ken kot na tuhat na bihain kamap ol gen. Tokapul i kirap na na tok, em i tru tambu na pren pikinini, Tokaliku (snek).

Kapul ye, Tokapul i tok, tok bilong yu i no giaman tok. Na snek ya, Tokaliku i kirap na tok, brata na pren tambu Tokapul, mi gat wanpela rot o tingting pinis. Na Tokapul i kirap

## Snek lukim gras bilong em



askim, wanem kain rot? Na Tokaliku i bekim na tok, yumi tupela bai i mas rausim gras long bodi bilong mi tupela.

Nau Tokapul i bekim na tok, em i stret tru, mi tupela bai i bihainim dispela rot. Goan, yumi tupela i mekim nau. Na Tokapul i tok, bai mipela i rausim gras bilong yu pastaim. Na Tokaliku i bekim na tok, em i orait yumi rausim gras bilong mi pastaim.

Nau Tokapul i tokim snek ya Tokaliku, tambu pren, yu gona pasim nek bilong yu na raunim diwai long en. Na tel bilong yu i mas raunim narapela diwai long hapsait. Na bihain Tokapul i tok, sapos mi kaunim, yu mas taitim diwai na slip stret.

Nau Tokapul i stat long kaunim "Tikal, Aurua, Autul" (1, 2, 3) taitim strong, na taim Tokapul i kaunim, em i wokabaut i go yet long bus long painim mambu bilong rausim o katim gras bilong snek ya, Takaliku. Tasol Tokapul i no kam bek hariap, olsem na Tokaliku i les na em i pundaun i go long graun.

Tokapul i kam kamap na tokim Tokaliku, hei brata, tambu pren, watpo yu les? Mi bin tokim yu long stap tait tasol namel long tupela diwai.

Tokaliku i bekim na tok, mi lukim sampela Tolai i kam, olsem na mi hait. Na bihain em i tok em i orait bai mi taitim mi yet gen namel long dispela tupela diwai.

Nau Tokaliku i taitim em yet inap long het bilong tupela diwai i kam pas wantaim antap. Orait bihain, em i tokim Tokapul, goan yu statim wok bilong yu. Na Tokapul i tokim Tokaliku, tambu yu pasim ai bilong yu. Orait nau, Tokapul i stat stret long het na rausim gras bilong Tokaliku wantaim hap mambu i go inap long bai tel bilong em.

Long taim Tokapul i rausim gras bilong Tokaliku, skin bilong em i luk olsem wanpela diwai ol i kolim "Golom" em ol i save yusim long wokim haus. Long taim Tokapul i pinis rausim gras, em i tokim Tokaliku long opim ai bilong em isi isi na lukim em yet. Olsem na Tokaliku i opim ai bilong em isi isi na lukim na tok, olaboi, em mi tasol. Na Tokapul i tok, tambu em yu tasol, kas

bilong yu.

Tokaliku i bekim tok olsem, bai mi no inap long bihainim rot gen. Nogat. Bai mi hait tasol long gras, bikos bikpela sem i kamap pinis long mi. Mi luk olsem wanpela diwai ol i kolim Mangas, na ol i rausim skin pinis.

Olsem nau Tokapul i tok, em i save bilong yu yet, tasol mi no laik. Tokaliku i kros na i laik kaikaim brata, tambu pren bilong em Tokaliku i holim pas tel bilong Tokapul. Tasol Tokapul i lusim gras bilong em tasol long maus bilong Tokaliku. Na Tokapul i ronawe i go antap long diwai.

Tokapul i save stap oltaim antap long diwai, bikos em i pret long Tokaliku i kaikaim em. Olsem na nau, ol kapul i save stap tasol long het bilong ol bikpela diwai. Na tu tel bilong ol i nogat gras. Na snek ya, ol i kolim Tokaliku i save hait oltaim long ol bikpela gras, em long wanem, em i sem. Tupela i no moa pren inap nau.

Michael Tobung  
Tamanairik, ENBP.



Nem: Paul Gayamu T.  
Krismas: 20 man  
Adres: Buluma SBIC Sawmle Department, P.O. Box 162, Kimbe, WNB, PNG.  
Save laikim: I go lotu, pilai spot olsem soka, ragbi tas, volibal. Stori wantaim ol pen prens, i go waswas long ol wara nabaut na solwara.

Nem: Foen Akubis  
Krismas: 14 man  
Adres: Keregia Community School, P.O. Box 171, Finschafen, Morobe Province.  
Save laikim: Pilai soka, ragbi tas, harim musik na vis-iting ol pren.

Nem: Thomas Mek  
Krismas: 17 man  
Adres: C/- Dona Community School, P.O. Box 46, Minj, Western Highlands Province.  
Save laikim: Mi laik pren wantaim narapela provins na ples tu na i go kam long narapela hap na mi save pilai volibal, senisim presens na potu.

Nem: Soharto Manave  
Krismas: 23 man  
Adres: Kautu Div. 2, Kapiura, P.O. Box 451, Kimbe, WNB, PNG.  
Save laikim: Pop musik, pilai ragbi, raitim pas wantaim ol pren na serim samting wantaim ol.

Nem: Elaiza Noah  
Krismas: 31 man  
Adres: Kapiura Plantation, Bilomi Division One, P.O. Box 451, Kimbe, WNB, PNG.  
Save laikim: Tok pilai wantaim ol manki na ol mama tu. Benkim mani long benk, raitim pas long pren na i go kam.

Nem: Januprius Kontera  
Krismas: 25 man  
Adres: Iowara Refugee Kungim Camp, P.O. Box 151, Kiunga, Western Province.  
Save laikim: Pilai soka bal na volibal, harim musik tok pilai wantaim ol gutpela poroman, painim wanpela pren manmeri long narapela provins na mi promis long bekim olgeta pas mi kisim.

Nem: Melkor Naa  
Krismas: 25 man  
Adres: MDC, P.O. Box 667.  
Save laikim: Pilai gita, pilai soka, wokim kanu, wok mani.

Nem: Paul Wogi  
Krismas: 34 man  
Adres: P.O. Box 378, Kimbe, WNB Province.  
Save laikim: Mi laik pren wantaim ol manmeri ausait long Papua Niugini olsem ovasis Australia.

Nem: Moks Wakore  
Krismas: 25 man  
Adres: Yun Jung Do International Post Office Box 84, Kimbe, WNB, PNG.  
Save laikim: Go lotu, harim gospel musik, pilai soka, basketbal, volibal, pren wantaim arapela provins na bai amamas long bekim olgeta pas mi kisim.

Nem: Ben Wanix  
Krismas: 24 man  
Adres: C/- P.O. Box 101, Kimbe, WNB, PNG.  
Save laikim: Pilai soka, volibal, raitim pas long ol pren, go lotu senisim presens na painim gutpela poro bilong bihain taim.

Nem: Martin W. Thomas  
Krismas: 23 man  
Adres: Advertiser, P.O. Box 125, Wau, Morobe Province.  
Save laikim: Go lotu, gospel musik, Pathfinders Youth Kem. Wokim gaden, kukim kaikai, stori wantaim ol brata na susa long Jisas, raitim pas wantaim ol pren.

Nem: Josephine Oguglo  
Krismas: 19 meri  
Adres: Bialla High School, P.O. Box 62, Bialla, West New Britain Province, (PNG).  
Save laikim: Go long skul, pilai kankain pilai, tok pilai na serim sekret.

Nem: Brigit Tei  
Krismas: 19 meri  
Adres: Bialla High School, P.O. Box 62, Bialla, West New Britain Province, (PNG).  
Save laikim: Go long skul, pilai kankain pilai, tok pilai na serim sekret.

Nem: Dalsie Mangisaun  
Krismas: 18 meri  
Adres: Bialla High School, P.O. Box 62, Bialla, West New Britain Province, (PNG).  
Save laikim: Go long skul, pilai kankain pilai, tok pilai na serim sekret.



**Dia LAIPLAIN,**  
Mi bai pinisim hasi skul bilong mi klostu tasol mi no save wanem hap mi ken painim wok o aplai gen long kisim moa trening long koles.

Mi gat bikpela belhevi olsem sapos mi no kisim wanpela wok, i luk olsem basi mi stap bek long ples bihain long bikpela hatwok mi mekim long go long skul na kisim save.

### SCHOOL LEAVER

**Dia PREN,**  
Mipela save olsem Edukesen Dipatmen i save askim olgeta gret 10 sumatin long pulimapim wanpela skul liva fom. Long dispela fom ol i save askim sumatin wanem samting em bai mekim bihgain long em i lusim skul. Ol bai askim yu wanem kain moa skul yu bai go na yu laik lainim wanem samting o skul long wanem samting yu save gat laik long mekim. Ol bai askim yu tu lohng wanem kain wok yu laik mekim na planti ol narapela samting long bihain bilong yu.

Dispela ol fom yu pulimapim pinis bai ol i salim i go long edukesen dipatmen opis long wanwan provins na tu long nesenal opis tu. Dispela bilong ol ken lukim na makim yu bai yu ken go long ol nesenal hai skul, yunivesiti, tisa koles o narapela ol planmti

## Mi bai painim wok we

kainkain trening koles long bai yu ken skul moa na kisim save long wanpela samting yu inap mekim long laip. Sapos yu tingting long save moa long dispela ol samting, yu ken toktok long wanpela tisa o hetmasta bilong skul yu stap nau long en.

Tasol mi save olsem yu wari nogut tru olsem yu bai go bek long ples sapos yu i no kisim wanpela wok. Mipela sori tru long save olsem yu tingting long dispela kain wei.

Tasol tude edukesen sistem i mekim ol sumatin na papamama long tingting olsem taim yu pinisim skul na go bek long ples i wanpela nogut samting. Ol i save tingting olsem wanem sumatin i no kisim wok i wanpela lus man stret. Dispela bikos planti manmeri i save tingting olsem ol lain i go skul i mas painim wanpela wok na i go stap long taun tasol.

Dispela kainkain tingting i no gutpela tingting stret. I rogat inap wok bilong givim long olgeta sumatin husat i bin i go long skul. Narapela samting, sapos olgeta manmeri husat i bin go long skul i laik i go painim wok na stap long siti na taun tasol, bai husat i stap bek long viles na developim o kamapim sampela senis long dispela ples.

Mipela laik tokim yu sampela samting we inap kamap sapos yu go long taun na sapos yu stap long ples. Long tasun, sapos yu gat gret 10 setifiket tasol, yu bai laki tru sapos yu painim wanpela wok. Yu bai resi wantaim planti arapela gret 10 na gret 12 sumatin husat bai resi wantaim yu long kisim ol hap liklik wok i stap long dispela taun.

Sapos yu kisim wanpela bilong

ol dispela wok tu, pe yu kisim bai inap long helpim na givim kaikai, long yu. I bai nogat inap mani long salim i go long papamama bilong yu husat i bin hatwok tru long peim skul fi na lukautim yu long palnti krismas.

Sapos yu ino painim wanpela wok, we i save kamap long planti manmeri long tude. Yu bai stap na silip kaikai wantaim husat? Sapos yu painim wanpela bikpela sik, husat bai lukautim yu. Yu bai kamap wanpela bilong planti tausen yangpela husat i nogat wok long siti na taun bilong yumi na ol i save painim hat tsaim stret long stap tude.

Tasol sapos yu i stap long ples, ol manmeri i ken tok baksait pas-taim olsem yu no skul gut bikos ol i no bin go long taun na ol i no save long planti kainkain heri bilong g taun laip. Tasol stap i go na bihain liklik bai yu ken soim ol olsem yu bin smat tru long kam long ples. Long ples ating yu tasol bai ol manmeri lukluk long en bikos yu bin go long skul. Ol bai rispek yu sapos sapos yu helpim ol lain bilong ples wantaim save yu kisim long skul. Na tu long ples yu gat papamama na narapela wanblut i stap husat inap helpim yu sapos yu gat sampela hevi.

Long ples tu, yu gat graun bilong yu. Graun em i bikpela samting long mekim mani na kamapim ol narapela samting. Em bai gutpela tru sapos yu yusim save yu kisim long skul long helpim ol wantaok na papamama bilong yu long developim dispela graun na viles bilong yu.

Yu ni inap save ut long bisnis, mekim gaden, helt, wara saplai, sanapim haus toilet na narapela

samting long senisim ples bilong yu. Tasol yu save long rit na rait na save long kaunim ol namba. Ol dispela samting i bikpela samting yu bin kisim taim yu go long skul.

Wantaim ol dispela save, yu inap helpim ol pipel bilong yu na rait i go long ol kainkain dipatmen na askim ol long wanem kain helpim ol inap long givim yu.

LAIPLAIN bai amamas long helpim yu na traime painim na givim yu nem na adres na narapela samting yu nidim. rait tasol i kam long mipela wantaim hevi bilong yu na mipela bai traime helpim yu na putim yu i go long wanem dipatmen o ol lain manmeri husat inap helpim yu.

Laip long taun bai luk gutpela tru long nambawan taim tasol planti yangpela manmeri husat inap mekim sampela samting i kamap raskol nabaut bikos ol i painim wok i go na nogat. Mipela i ting yu no inap bagarapim nating dispela save yu kisim long skul na laik kamap raskol.

Em i tru olsem laip long viles i no gutpela olgeta taim tasol sapos ol yangpela husat i bin go long skul inap putim dispela save i go insait long ples, ol viles inap kamap gutpela stret na planti narapela yangpela bai bihainim yu na yu inap amamas olsem yu bin kamapim palnti senis long laip bilong ol manmeri. Yu no bin go long siti o taun na kamap wanpela raskol olsem planti yangpela bilong tude i save mekim na ol save silip long ol o pipia na painim pipia nabaut.

LAIPLAIN





**Morobe Provinsal Gavman**

Morobe Provinsal Gavman em i was papa bilong Morobe Sevings na Lons Soaiti;

• Em i givim mani long Sosaiti long karimaut wok olsem:

(a) Peim ol wokmanmeri long lukautim wok bilong sosaiti.

(b) Peim Opis Rent bilong Sosaiti.

(c) Peim ol arapela ekspens bilong Sosaiti olsem ol pepa bilong opis, opis masin na ol tebol na sia.

(d) Peim wok long bringim wok bilong Sosaiti we bai i ken kamap klia long ol manmeri long asples.

(e) Gavman bai peim wok long bringim na kamap benk klostu long ol asples.

**Wok kamap long Sosaiti Stat long mun Mas 99 inap Mas 2000**

Namba bilong ol memba long Ssoaiti 2,526. Sea mani ol memba bungim K802,000.00

Namba long ol dinau Sosaiti givim K1,671

Hap dinau mani stap long han bilong ol memba K 457,652.00

Strong bilong mani ol memba bungim K1,013,109.00

Sosaiti tokaut long wok bilong givim dinau:

Brukim ol dinau stat long man Jan 99 i go Mas 2000

(a) Ekonomik Developmen - 1020 lons K 371,365.00

(b) Sosel Developmen 425 lons

K154,735.00. (c) Ol arapela wok- 226 lons K2,841.00

Bungim olgeta dinau Sosaiti givim long Mas 99 inap Mas 2000 K 618,941.00

Rausim bekim dinau long mun Julai 99 i go Disemba 99 (K 44,713.00)

Rausim bekim dinau long mun Januari i go Mas 2000

(K 116,576.00) Hap dinau mani stap long han bilong ol memba 457,652.00.

# Morobe Sevings na Lon Sosaiti

## Stia tok "A2000" na kaikai bilong tingting

Mipela ol Bod ov Dairekta bilong Morobe Sevings na Lons Sosaiti i makim pinis Edukesen Komiti. Tripela dairekta na Pablik Rilesen Opisa bilong Sosaiti i kamapim ol memba bilong dispela komiti. Dispela komiti bai mekim na karim aut wok long tok save na givim stia long ol memba. Bai o i mekim dispela wok na yusim redio, niuspepa na TV na tu ol bai yusim stia tok "2000" niuspepa bilong sosaiti long toksave na tu skulim olgeta memba na ripot long Morobe

provins.

Edukesen komiti bilong sosaiti i laik ol memba i mas kisim stretpela na gutpela tok klia long wok sosaiti i wok long mekim long dispela taim stat long Mas 1999 i kam inap long Disemba 1999. Toktok bilong stretim tu bel o tupela tingting bilong sampela manmeri i stap tu long Stia Tok pepa wantaim tingting o plen bilong ol wok bai Sosaiti laik wokim long yia 2000 na ol yia i kam bihain.

## Projek na wok plen bilong yia 2000 na ol yia i kam bihain em long:

- Lukluk na bringim benk i go klostu long ol sosaiti memba isnait long ol wanwan distrik;
- Lukluk long helpim ol memba long helpim ol yet long kamapim na strongim wok long Sosel na Ekonomik Developmen long ol asples;
- Lukluk long skulim ol memba long stretpela pasin long ronim bisnis, bihainim pasin na astingting bilong God hsuat i papa long olgeta hap graun na ol manmeri;
- Mekim moa wok long skulim ol memba long gutpela rot na stretpela pasin long kisim na bekim dinau;
- Lukluk long helpim ol Sosaiti memba long kamap gut ol Ikonmik projek bilong ol long Agrikalsa Komes na Bisnis Developmen.

## Toksave long wok bilong mani long mun Januari i go Mas 2000

**Mani i kam insait**

Memba putim sia mani  
Memba bekim dinau  
Olgeta mani kam hait  
K384,540.00  
K116,576.00  
K501,116.00

**Mani i go ausait**

Memba kisim sia mani  
Memba kisim dinau  
Olgeta mani go ausait  
K 79,572.00  
K349,238.00  
K428,810.00

## Benk bilong Papua Niugini

Benk bilong gavman bilong Papua Niugini (Benk of PNG) em i olsem glasman bilong olgeta benk na haus mani bilong kantri. Em i bin tok orait long Morobe Sevings na Lons Ssoaiti long kamap olsem benk na haus mani bilong ol manmeri bilong Morobe provins na Lae siti benk ov PNG tu i wok long glasim (audit) ol buk na wok bilong Morobe Sevings na Lons Sosaiti na em bin helpim Sosaiti tu long taim wanpela ka bilong ol wokman long yusim na mekim wok bilong sosaiti.

## Toktok bilong stretim man i gat tupela tingting

Menesmen bilong Morobe Sevings na Lons Sosaiti i stap nau long han bilong tupela ekspirens opisa husat i bin wok wantaim Benk ov PNG na tu Federesen ov Sevings na Lons Sosaiti.

Mista Basanu em i Intarim Menesa na Mista Passangan em i Maketing na Pablik Rilesen Opisa Gavman i bin luksave long tupela na makim ol long lukautim wok bilong Sosaiti, em tupela projek aninit long Komes Divisen long gavman bilong Morobe provins.

Tupela opisa i no bin menesa long ol olpela sosaiti long Morobe husat nau i slip i dai pinis. Mista Basanu i bin traim long helpim Lae Industri Sevings na Lons Sosaiti long kamap gut gen, tasol sik bilong dinau nogut i bin kilim idai olgeta wok.

Wok bilong Basanu na Pasingan long Federesen ov Sevings na Lons Sosaiti i kam inap long 1984 na 1985. Long dispela taim tupela i save glasim wok bilong ol sosaiti insait long Papua Niugini. Wok bilong wanwan Sosaiti long PNG i bin i stap long menesmen bilong

wanwan sosaiti yet na bod ov dairektas bilong ol

Pundaun bilong ol olpela sosaiti long Morobe provins na PNG i bin i stap long han bilong menesmen bilong ol yet. Mista Basanu i bin askim Benk ov PNG long pasim olgeta sosaiti long Morobe provins long 1986, ol olpela Sevings na Lons Sosaiti long Morobe provins bai stat long yia 2001.

Dispela em bai namba tu hap bilong kirapim nupela sosaiti na stretim ol olpela sosaiti long provins. Namba wan hap bilong dispela projek em nau Morobe Sevings na Lons Sosaiti i sanap pinis na mekim wok. Olsem na ol memba bilong ol olpela sosaiti na husat i wok long i gat tu bel long kamap memba bilong Morobe Sevings na Lons Sosaiti i noken sutim nating tok long Mista Basanu na Mista Passangan long bagarapim wok long ol olpela sosaiti.

Ol dairekta yet na ol memba husat i no bin bekim dinau bagarapim wok bilong ol olpela Sevings na Lons Sosaiti.

## Ol polisi bilong sevings na lons Sosaiti

Hia em haphap polisi bilong Sosaiti long helpim ol manmeri husat i laik kamap memba.

**Membasip**

Membasip em i op long ol manmeri i stap long Morobe na ol manmeri bilong Morobe husat i stap long ol arapela provins.

- Fi bilong kamap memba

K 2.00

- Mak bilong mani long opim nupela akaun K20.00

**Toksave long Sevings**

- Memba bai kisim pasbuk.
- Pe didaksen long ol wokmanmeri.

Kisim dinau long wanem as?

- Baim skul fi.
- Kago bilong tred stua.
- Baim kopra, kakao na kopi.
- Kisim pis.
- Ol samting bilong wokim haus slip.
- Ol kos bilong planim ol daiman.

- Ol kos bilong baim ol ka na trak.

- Wokim kakaruk banis.
- Ol kain samting bilong wok didiman.
- Bekim ol dinau.
- Baim meri na kos bilong marit.
- Dokta na marasin samting.

## Toktok bilong dinau

PLANTI askim na toktok i wok long kamap long pasin na we nupela Sevings na Lon Sosaiti long Morobe provins i wok long mekim. Planti i wok long amamas olsem ol i wok long pulmapim aplikesen pepa bilong kisim dinau na wan tu tasol ol i kisim mani na wokabaut i go long mekim wok bilong ol.

Ol i no save wet planti wik na mun na kisim dinau olsem ol i save mekim long ol bikpela benk. Tu ol bikpela benk i no save givim dinau long ol kastoma bilong ol sapos dinau mani ol i askim long en i wankain olsem mani ol i gat long benk.

Sampela i wok long askim long wanem taim bai Morobe Sevings na Lon Sosaiti bai apim mak bilong kisim dinau.

Ansa bai mipela givim long dispela tok piksa: I olsem: nau yet sapos memba i putim K300.00; em i ken kisim dinau long K600.00; na wanem taim bai sosaiti bai litimapim mak bilong kisim dinau; olsem Sevings i sanap long K600.00 na dinau bai sanap olsem K1,200.00 na antap moa long dispela mak long wan (1) tu wan (1).

Sosaiti i laik tok klia long ol memba na ol man na meri husat i laik kamap memba long Morobe Sevings na Lon Sosaiti, olsem:

(1) Sosaiti i wok long wokabaut yet long wok developmen o mekim ol wok long mekim na kamapim Sosaiti bai

kamap bikpela. Laip bilong dispela wok boi faivpela yia, stat long dispela yia 2000 na bai i go pinis long yia 2005.

Long dispela taim Sosaiti bai lukluk na wok long lainim ol memba bilong em long luksave long gutpela pasin long kisim dinau bai famili "o" mama papa na ol pikinini bai ken kisim gutpela skul long dispela dinau mani papa "o" mama i bin kisim long sosaiti.

Sosaiti i mekim dispela tok long wanem lukluk long piksa bilong ol. Olpela sosaiti i no bin kamapim gutpela kaikai. Olgeta olpela sosaiti i bin dai pinis long wanem papa i bin save kisim dinau long laik bilong em yet na famili i no bin kisim kaikai long dispela dinau mani. Pasi: nogut 'u bilong dispela graun i bin pulap insait long ol dispela dinau ol memba i bin save kisim.

Long ol dispela pasin nogut bilong bipo; dispela nupela sosaiti bai glasim gut ol kain dinau ol memba i wok long kisim; insait long dispela taim bilong wok developmen.

(2) Sosaiti tu i bin lukluk long hevi bilong mani; kantri bilong yumi i wok long bungim long dispela taim.

Olsem na menesmen bilong sosaiti i no bin laik long hariap long putim mak bilong dinau i go abrusim mak bilong mani memba i putim long sevings akaun bilong em.

(3) Sosaiti menesmen i bin luksave tu; long hevi bilong ol olpela sosaiti long pasin bilong givim dinau we mak bilong dinau i bin abrusim mak bilong sevings long ol bikpela namba. Dispela pasin tasol long givim bikpela dinau long memba we sevings bilong em i no bin givim em gutpela as bilong strongim dispela dinau; i bin mekim na olgeta olpela sosaiti i bin pundaun na dai pinis.

(4) Planti memba long ol olpela sosaiti na planti moa memba long sampela bikpela sosaiti long dispela taim i wok long mekim pasin sin long ai bilong God; long kisim dinau long wokim samting olsem peim Skul Fi bilong pikinini; na ol go lusim mani long mekim narapela wok olsem "Hos Reis na pilai long Beting Shop."

Sapos sampela memba long dispela nupela sosaiti i wok long mekim dispela pasin; menesmen bilong sosaiti i mas givim yupela strongpela tok lukaut olsem God papa i wok long lukluk long pasin sin ol dispela kain memba i wok long mekim.

Dispela kain pasin sin bai brukim poket bilong ol na bai i nogat mani long bekim dinau bilong ol.

Blesing bilong God bai lusim man na meri husat i wok long giamanim wok mani bilong em yet.

**Pasin bilong sevings**

As wok bilong Morobe Sevings na Lons Sosaiti em long kirapim tingting na helpim yu long savim mani. Na sapos yu wantaim temil bilong yu i bungim o painim sampela hevi, dispela mani yu savim i ken helpim yu taim hevi i kamap. Ol kain samting olsem skul fi bilong pikinini na haus sik na ol marasin na wok bisnis o haus slip em yu laik stretim na kamapim gut.

Dispela kampani yu wok long en inap helpim yu long katim pe long olgeta insait na sailim stret long sosaiti.

Ol wokmanmeri bilong sosaiti bai i ken givim yu stia na gutpela tingting long sevim gut mani bilong yu. Wanem mani yu laik putim long sosaiti em stap long laik na tingting bilong yu yet. Gutpela pasin na tingting em long redim yu yet long kainkain hevi we bai i ken kamap long yu long bihain taim.

Morobe Sevings na Lons Sosaiti em i no bank. Em i wok bung tasol bilong ol manmeri husat i memba.

**Dinau**

Ol memba husat i soim gutpela pasin long redim em yet, em tasol inap long kisim dinau mani long sosaiti. Hamas dinau memba i laik kisim em i wankain tasol long sevings memba yet i bungim pinis long sosaiti. Yu noken tekewe sea na sevings bilong yu. Kisim tasol dinau na bekim long mak yu ting yu inap. Larim sevings bilong yu i wok long sosaiti na yu i ken kisim dividen o win (interes) mani.

Interes o liklik pe bilong bekim dinau em wan pesen long wanwan mun. Bilong wanwan yia em i 12 pesen (12 pesen).

Nau yet Memba Sevings na Lons Sosaiti i wok long givim planti helpim i go aut long ol pipel husat i wok long kamapim ol gutpela projek long ol komyniti insait ong Morobe provins. Ol helpim olsem lukautim na kamapim ol laipetok samting olsem kakaruk na pik, helpim i go long liklik tred stua na tu saposim long kamapim wanpela skul projek.



# KANAGE



**K**anage em bilong Kerema na em wanpela wokman bilong D.A.S.F wanpela taim nau em i go spin long taun i stap, na em i bungim wanpela gutpela poroman bilong em bilong Sepik. Nau tupela i go spak long Islander Hotel i stap na yu save Kanage em i wokman olsem na em i baim bia i no isi. Tasol poro bilong em tu i gat mani olsem na taim Kanage baim bia poro bilong em tu bekim na baim bia tu. Olsem i go nau na Kanage i kirap na askim poro bilong em eh!! Saki yu save wok long wanem kampani? Poro bilong em i kirap na tok oh. Saki mi no save wok mani mi save salim ol kaving bilong mi long maket na long ol turis na tu long waitman. Nau Kanage i tok, man olsem na yu gat planti mani stret hia. Nau poro bilong em i kirap na askim em, na saki yu save wok long wanem kampani? Kanage i kirap na i tok ah. Saki mi save wok long D.A.S.F. bihain nau em i laik eksplen long mining bilong D.A.S.F. Em i kirap na em i tok "D" yu save pinis em Department "A" em i Australia na "S" em i wanpela liklik taun long Australia ol i kolim Sydney na "F" trangu bagaman hia painim taim stret long painim mining bilong "F" em i painim i go long taim tru nau na bihain em i kirap nogut na paitim het bilong em yet na em i tok ah. Saki, mi tingting nau "F" em i fektek bilong as bilong yu. Taim poro bilong em i harim dispela, em i kros nogut tru. Klostu tru bai tupela poro hia bai sensim han. Tasol Kanage hariap tru kirap na tok oh. Sori saki mi painim mining bilong "F" i go nogat olsem na mi tok pilai long yu. Olsem na lusim tingting long dispela stori na bai yumi tupela dring bia nau tupela i go spak gen.

**Paul Kangi  
Lae**

Kanage stilim refrens bilong tambu man bilong em tru long Wewak na ronawe go long Madang na painim wok mani. Em i no save gut long tok pisiri na Inglis tu. Em soim refrens long ol wantok na ol i tokim em long go sekim bos bilong Awin trepspot na kisim posisen olsem dosa opereta. Taim бага i go insait long opis em tromoi refrens long pes bilong bos na sanap. Taim bos i lukim refrens pinis em tokim em olsem Helo Tau,

what can I do for you? Kanage harim na bekim olsem, son bos mi no bilong Alotau, mi bilong Sepik ya. Bos harim na paul na askim em, Are you mad? Kanage bekim ken olsem, son bos mi no bilong Madang. Mi Kanage bilong Sepik ya, Astei tasol mi kisim Sepik long Madang na painim wokman. Bos askim em ken. Are you stupid? Kanage harim na tok, yes bos mi bilong Sepik ya deti wara. Bos belhat tromoi refrens na tokim em, get it to your home!

Tasol taim Kanage harim get, to na home, em ting bos i toktok long susa ya. Getrud na omo sop na em tokim bos, yes bos mi tupela susa Getrud i kam na em i go long stoa baim omo sop. Sapos yu laik mi tupela ken i go na yu sekim susa Gethrud, ating em kisim omo sop pinis ya.

**Nagsibam Jooi  
Madang**

Kanage i stap long haus na Kanage safa stret long dring kokonas. Kanage kirap wokabaut i go tokim poroman bilong em long arapela haus long tupela bai i go na kisim kokonas. Kanage wantaim poroman bilong em i wokabaut na Kanage lukim wanpela sotpela kokonas i sanap i stap na Kanage tanim na tokim poroman bilong em na soim han long kokonas. Tasol kokonas ya i no bilong Kanage stret ya, nogat tru, kokonas ya em i bilong arapela man long ples Makam stret. Taim tupela wokabaut i go klostu long kokonas na poroman bilong Kanage pasim rop pinis na бага mekim save long i go antap long kokonas na papa bilong dispela kokonas yet i kam na i lukim Kanage i sindaun i stap klostu long kokonas. Papa tru, tru bilong dispela kokonas i kam askim Kanage, hey kela bombom, husat man tokim yupela long kisim dispela kokonas ya. Kanage painim hat stret long hait na nogat na Kanage kirap sigirapim het na бага tokim dispela man ya olsem hey mi tokim yu tru, tru antap man long lep ya. Na bihain man i stap antap long kokonas ya i lukluk i kam daun na singaut i kam daun na tok olsem hei tru tru tambilo long graun mi tokim yu man tambilo man aninit long graun ya. Na trangu man ya nogat toktok na бага man ya tanim na tekov i go pinis long ples long givim tupela long mejistret long ples Gabensis.

**Wayau J. Ngrocks  
Lae**

Kanage bilong karim strit long is kos bilong Angoram Is Sepik provins. Wanpela taim em i wokabaut i go long rot na em i lukim wanpela poro meri bilong em bilong bipo i go long gaden na karim bilum kaikai long het na wokabaut i kam, taim Kanage i lukim poro meri bilong em olsem, yupela Kanage i no man em i stap long hai pilings, em ting olsem poro

meri bilong em i no marit, em i go bek olgeta long olpela tingting bilong tupela long bipo, taim Kanage i lukim poro meri bilong em i kam abrusim em nau. Na Kanage tromoi tok pisin bilong em long poro meri ya na i tok yu karim dispela bilum kaikai i go na kuk na bringim dispela kaikai i kam long haus boi. Na poro meri bilong em bekim na tok mi bai bringim kam dauir kaikai long wanem? Na kwik taim Kanage tokim meri na nait bai tokim em man bilong mi bai i go long painim abus long nait so yu ken kam, tasol taim poro meri bilong em i lusim em na wokabaut i go long haus bilong em na em kaunsil bilong ples na tokim em wantaim komiti bilong em taim kaunsil wantaim komiti bilong em i skellim toktok bilong Kanage em i tru na kaunsil wantaim komiti tokim poro meri bilong Kanage ya, yu go yu noken tokim man bilong yu, em liklik samting tasol bilong yu wantaim Kanage. Kanage em amamas nogut tru na tekov!

**Paaz Guar  
Wewak**

Papa Kanage em bilong Tari na em i save i stap long Kimbe Oil Pam provins. Na em i save karim o pulumapim wanpela kondom bilong em long basket bilong em. Na tru em i no save laikim bai wanpela pikinini bilong em bai sekim basket bilong em long kisim buai o daka. Na wanpela Sande moning olgeta manmeri bung tru long pilai kas i stap. Na papa Kanage em putim basket bilong em long sait bilong em. Na em bisi tru long pilai kas i stap. Na em i no save long junia bilong em i kam. Na sekim basket na em lukim kondom na em i ting olsem Kanage em baim balun bilong em olsem. Na em kisim pinis. Na em sanap namel long ol manmeri. Na em winim kondom long wanem em ting olsem balun tru. Tasol samting tru em kondom olsem na papa Kanage em kirap bikmaus long junia long wanem junia kamautim kondom long ai bilong olgeta manmeri ol i sindaun na pilai kas. Na Kanage em tromoi kas. Na tu em kisim sem tru long junia em bagarapim em long ai bilong ol manmeri long ples bilong pilai kas em tekov lusim kas na i go.

**Jacob Joe  
Kimbe**

Kanage em bilong Ambunti bilong liklik ples Geks long Is Sepik. Wanpela taim long potnait bilong Kanage em i kisim mani na kam baim kaikai long stoa na kam long haus. Na Kanage givim olgeta mani i go long meri bilong em. Long neks de meri bilong Kanage kisim olgeta mani na i go pilai kas. Kanage i stap na em i go sekim bilum na i kisim walet na lukim i nogat wanpela mani stap. Kanage isi tasol pulim sipa bilong walet na kabubuk i go insait long walet na pulim jipa i go bek. Na putim i go insait long bilum na walet i tait nogut tru i stap. Meri bilong

Kanage ting olsem Kanage putim sampela mani i stap long walet. Meri bilong Kanage pulim jipa bilong walet na smel bilong kabubuk bambim em na pundaun slip 10 minit.

**Ruben Terry G.  
Lae**

Kanage em bilong Atitau viles long Madang provins. Em man bilong ples em i no save lukim solwara. Ol wan ples bilong em kirap na tokim Kanage na ol i tok. Nau bai yumi go long nambis. Na bai yu lukim solwara, orait ol kirap long moning taim na ol i wokabaut i go na tudak long ol long rot na ol i slip. Tulait long moning ol i stat gen long wokabaut i go. Na ol i kamap klostu long nambis na Kanage harim si bruk antap long rif. Na em askim ol wanem samting ya pairap. Na ol i tokim em solwara ya. Ol i go klostu nau na ol tokim Kanage yu noken lukluk antap. Yu lukluk i go daun long graun na yumi go. Orait ol i wokabaut yet long rot na ol kisim wanpela lip bilong diwai na ol i makim ai na mekim tupela hol. Kanage bai lukluk long dispela hol i go long solwara. Ol kamap pinis long wesana nau na tokim em yu lukluk long dispela hol. Orait em i apim het bilong en na em lukluk i go long solwara na em i tok selo. Bihain ol i rausim lip long ai bilong en. Kanage em i lukim si bruk i kam antap long wesana na bihain muv i go bek orait em tu bihainim si taim si i kam i kam antap long wesana em bai surik long beksait bilong em i go antap si muv i go bek em tu bai bihainim i go. Kanage mekim olsem i go na em i pundaun nogut tru long bek sait bilong em. Ol wantok bilong em ol lukim olsem na ol kilim skin tru long lap long бага ya Kanage kirap na tok pes bilong yupela olsem muv i go muv i kam yupela lap long wanem.

**Peter Yauk  
Bialla**

Kanage i bin kalap long bas wantaim ol skul meri bilong Yarapos hai skul. Taim ol i ron i go long haiwe ol raskol i hol ap long ol long rot. Taim bas i stap ol raskol i rausim ol meri i go ausait. Ol raskol i brukim gan, lodim katres na givim waning sot na sem taim. Kanage i pairapim traipela kabubuk em nau ol raskol i askim wanem samting i pairap na Kanage i tok em namba tu waning bilong sot gan.

**John Waylum  
Bialla**

Kanage em i bilong Sepik na i stap wantaim wanpela masta long Lae. Wanpela gutpela apinun masta ya i kisim gan bilong em na tupela i go arere long solwara long kilim ol pukpuk. Masta ya wokabaut arere long solwara i go na Kanage i sindaun na i lukim olsem pukpuk i kam tasol nogat. Em diwai tasol wara i karim i kam. Tasol Kanage i givim siksti i go

long masta na i tok masta. Masta i saw a shark. Masta i ron i kam na i lukim em i diwai tasol. Masta i kirap na tok, You are a great lier. Tasol Kanage i kirap na tok, I have already told you that I am not from Lae I am from Sepik didn't you forget? Masta ya i pilim paul na em i lap i dai. Kanage i belhat na i tok. You laughing to me I am your gel pren. Masta ya i kilim em yet long lap. Tasol Kanage i belhat moa yet na i tokim Masta olsem. Yu lap plenti and I am very happy so I am staying. Em i tok olsem na em i tekov.

**Robert Nants Kambang  
Banz**

Kanage bilong Sepik na em i go stap wantaim tambu bilong em long Madang. Wanpela nait tambu bilong Kanage i go long haus bilong wanpela wantok na i larim pikinini man bilong em wantaim Kanage na i go. Taim papa i go pikinini i slip na i no save olsem papa i go. Pikinini i slip wantaim Kanage. Long nait pikinini i laik pispis na i krai. Tasol taim pikinini i laik pispis em i save tokim papa olsem em i laik singsing. Papa tru bilong pikinini i save olsem taim pikinini i tok long singsing bai papa i larim em i pispis. Tasol бага Kanage i no save long dispela. Taim pikinini i krai long pispis na Kanage i kirap na tok yu bai singsing tasol ol man i slip na em i biknait tu. Tasol pikinini i kisim bagarap long pispis na em i krai strong tru. Papa Kanage i kirap na tok. Kam na singsing isi tasol long yau bilong mi bikos ol man i laik slip. Kanage i putim yau i go na pikinini i kam isi tasol na putim hot pispis long yau bilong Kanage stret. Tasol Kanage i kirap na tok ya. Husat i kapsaitim hot wara long mi? Tasol bihain em i smelim olsem em i hot pispis bilong manki ya na Kanage i kisim taim stret.

**Robert Nants Kambang  
Banz**

Kanage em i bilong Sepik na i go wok wantaim wanpela Saina man long Lae siti. Taim Kanage i wok long Lae em i maritim wanpela meri Morobe. Kanage i kisim tambu tu i go wok wantaim dispela man Saina. Tasol Kanage wantaim tambu bilong em tupela i save resis long traime lak long meri bilong man Saina ya. Wanpela de man Saina ya i go wok pinis na Kanage i go insait long haus bilong man Saina ya na wok long tok gris wantaim meri bilong em. Tambu tu i belhat na i go insait tu. Man tupela tambu i no tingting long wok. Ol i mekim save long tok pilai i go i kam inap long belo na man Saina ya i kam lans. Taim man ya i stopim ka ausait na i kam antap long leta nau. Man tupela tambu ya i painim hat long ronawe nau. Tambu bilong Kanage i go hait antap long kapa na Kanage i go hait aninit long bet bilong tupela marit ya. Man i kam na askim meri long husat em i toktok wantaim em

i go moa long pes 26

CATCH THE ACTION!

SP CUP

OUR GAME

P.N.G.F.L.



# KANAGE



## i kam long pes 25

i stap. Tasol meri i tok nogat mi yet i stap. Man, tupela i wok long resis i go tasol meri i strong tru. Nau man Saina ya i kirap na tok olsem. Yu tok nogat tasol man antap em i save. Tasol tambu bilong Kanage i ting em i tok long em na man ya i kirap na tok. Masta i no mi man i slip aninit long bet i kam pas na mi kam bihain. Baga Kanage i taitim bun stret wantaim olgeta masol bilong em na kam antap wantaim bet. Em nau bet i kam antapim tupela Saina manmeri na Kanage i givim stret i go aut. Taim Kanage i krungtim gras tambilo em i tok olsem. Em nau mi tupela tambu i bin go long ples matmat tasol mi stap laip nau. So I have to run for good for rest of my life. Em i dastim em yet na tambu i kisim taim stret.

**Robert Nants Kambang Banz**

Kanage em wanpela spakman. Wanpela fotnait em kisim poroman bilong em Nagi na tupela go dring long wanpela blak maket. Tupela dring i go na spak nogut tru. Kanage kirap tokim poro bilong em

Nagi long go bek long haus. Taim tupela wokabaut i go Kanage dropim opena bilong opim bia. Kanage kirap na tokim poro bilong em Nagi olsem em dropim opena pinis so tupela sanap na wok long painim. Tudak tu na tupela nogat tos tu na tupela wok long pilim long han tasol long graun. Sem taim Kanage holim wanpela hot pekpek bilong man stret. Kanage kirap nogut na tok poro em ya poro bilong em Nagi tanim stret Kanage holim hotpela pekpek stret long pes bilong em. Man poro bilong em Nagi kirap nogut na ting Masalai pekpekim pes bilong em. Poro Nagi lus tingting long Kanage na tekov.

**Faggz Bailey Blalla**

Kanage em i wanpela manki Arowe. Em boskru long wanpela sip bilong gavman. Taim ol i ron long namel long Kilenge na Gloseceter em sanap long pran bilong sip. Taim ol i ron i go em i lukim rif na i singaut akapten - akapten - ariprip - ariprip. Tromoi enjin stopim anka tromoi enjin stopim anka. Taim ol pasindia i harim ol i kilim skin long lap tasol Kanage i no wari.

**Robert Kave Kimbe**

Junia Kanage em bilong Arowe. Em kirap tokim paps bilong em. Em i laik lukim piksa. Em i laik lukim piksa taim ol lukim piksa em i save wokim eksen tu. Oraik piksa i pinis na ol i kam bek na kamap long laip ben i pilai. Junia Kanage em nupela manki. Em i no save laip stail bilong tude. Taim ol i go bek long ples em stori long Paps bilong em na amamas bilong em

olsem mipela lukim abrula man i save pait alekan, alekan, na em tokim paps. Olsem mi lukim wanpela man i stat paitim long sospen wiwilim i go i go pinisim long prapan taim mama na paps i harim tupela i dai stret long lap.

**Robert Kave Kimbe**

Kanage bilong Okapa insait long Isten Hailens provins. Wanpela taim em go long danis na ol raskol kam brukim haus bilong em na kisim ol samting. Long moning taim em kam lukim na i no wanbel. Em go long plis stesin na putim ripot. Em kirap na tok "hey foris foris, long nait ol raskol brukim pens bilong mi, kamautim olgeta gras long haus bilong mi, go insait long haus bilong mi na kisim olgeta samting. Nau sapos yupela kam insait long haus bilong mi. Em emti". Taim ol plis harim olsem ol lus wanwan. Ol save olsem tok pisin bilong Kanage em paul pinis.

**Espinol Paul Madang**

Kanage em wanpela kain stail man stret ya. Ol Wantok niuspepa i save kolim Mista Mutrus stori man. Wanpela taim em raun i kam long bituful Madang. Olgeta hap kona bilong taun pinis na i go malolo sindaun long taun maket. We ol meri Sepik i save salim ol basket bilong ol long en. Em sindaun i stap na opim ai stret long lukim ol meri Madang i wokabaut i kam na isi tasol em askim laik long ol, tasol ol tanim na tokim em, we'll make you wonder and wonder and if you want to say goodbye, you may say so. Tasol padal man yu noken lus tingting long Madang em man always dream about sweet girls, ol kain man olsem yu na ol wokabaut wan ausait na go. Em behat tasol strongim skin na tokim wanpela

meri Sepik salim basket i stap olsem, yu Sepik bilong Wewak na mi Sepik bilong Madang na tanim pes na spet i go daun long graun. Kanage behat na tokim em, tasol tingim taim ol asples Madang i rausim yu long hia, mi bai wetim yu long bris bilong Wewak na skelim tingting bilong Sepik bilong Madang wantaim Sepik bilong Wewak.

**Solox Enways Madang**

Kanage kalap long Boro PMV bas long Madang taun na i go ong RD Tuna Keneri long Siar. Bas i go stop tromoi 50t long boskru na wokabaut i go insait na raun long arere long haus tinpis i go pinis na malolo sindaun long hapsait bilong haus tinpis, kaikai buai smuk Mutrus na skelim tingting i stap. Boi stat long wokabaut na ai bilong em i go long ol meri na wok long skelim tingting na stadim pes, dres, skin, wokabaut na we bilong ol wokmeri i go na kam stopim wokabaut bilong ai bilong em long pes bilong wanpela yangpela meri asples Siar na aijekim em long rait sait bilong em.

I no long taim ol meri bung kros na ronim em i kam ausait na ol sekyuriti holim na paitim em, tasol boi tanim na tokim ol sekyuriti olsem em i no pikinini meri bilong yupela, em bilong narapela man na tu mi aijekim em tasol i no olgeta meri na yupela kros. Ating yupela jeles oh?

Em pikinini bilong man em i gat tingting, em pilim long sigim ya. Tasol em i orait kampani bilong yupela RD tuna ya em kampani bilong tinpis tasol tingim RD tuna keneri em faktori bilong tinpis na meri wantaim.

**Nogsibam Igot Madang**

Kanage em boskru bilong Namakam PMV bas bilong Sagarau. Wanpela Sarere bas i go stap-long Sagarau bas stop long taun na em singaut Sagarau, sagarau na ol pasindia i kam antap long bas na sindaun. Sem taim boi i lukim wanpela sumatin meri bilong Madang tisa kolis i kam na laik i go insait long bas na em huks long em.

Meri ya lukim Kanage narakain stret olsem sta bilong tulait stret em i bin hait long haus bas bilong ol Wall na kam ausait na em pes wik tasol bihain long em i kamaut long haus bas. Susa ya i go long Kanage na tok yu bilong mi stret. Boi tingting long sotkat tasol em tingim ken na tokim em, meet on next bas spin to Sagarau.

**Basl Nono Madang**

Kanage wantaim Misis i kalap long bas a i go long Dagua maket long Wewak. Taim bas i tekov i go liklik na draiva i sensim gia. Misis Kanage i lukim na i tokim draiva olsem, tupela! "Lapun na slek pinis," tasol strong yet long paitim gia i go i kam. Kanage i harim na bel bilong em paia i kirap. Em i gat saspek tingting long Misis bilong em wantaim draiva. Kanage kirap na bikmaus insait long bas. "What?" "Ating bipo yu mas pilim pinis spit bilong dispela draiva, ya?" Kanage i go het na i tok. "You always man to man and when you look, your food never like me. Taim Kanage i toktok olsem, em i go wail olgeta insait long bas. Em kirap i go na holim nek bilong draiva. Long dispela taim bas i stop. Olgeta pasindia lap wantaim na kalap i go ausait na sut wan wan.

**Na Honna Wewak**





### Save gut long graun na pait

**Dia Edita,**  
Mi wanpela manki long ples Ramo insait long Aitape distrik, Sandaun provins i laik bringim sampela bel wari bilong mi i go long Wantok niuspepa nau. Yes, nau long dispela taim mi bin lukim long Aitape distrik nau ol i wok long kros pait long graun na mi lukim na mi no amamas.

Long dispela pasin ol i bin mekim. Plis sapos yu save olsem tumbuna o papa i tokim yu olsem graun bilong yu, orait yu ken kros na pait long em.

Olsem ol pipel bilong Ramo i save wokim. Bikos, ol i save olsem em graun bilong ol, olsem na ol i kros pait long em.

Yupela i mas save olsem graun em bikpela samting na yu papa o mama brata na susa i mas kros pait long graun bilong yu em i bikpela samting tru. So, graun i stap na yu stap, sapos nogat graun bai yu stap o nogat.

Yu save graun em i olsem mamapapa bilong yu i save lukautim yu gut na yu amamas na stap gut. Olsem graun tu em i wankain olsem papamama bilong yu.

Em tasol yu husat brata o susa i laik sapatim o egensim mi amamas tasol long lukim.

**John Kruwl**  
Sandaun provins

## Politikel pait i no politikel ansa bilong developmen

**Dia Edita,**  
KANTRI tude i wok long ron long pasin bilong politikel pait bihainim pati sistem tasol.

Dispela i soimaut ples klia olsem pati sistem politik i ronim kantri na i no gavman we i gat dispela pawa bilong pipel olsem demokratik pasin.

Sapos i olsem orait em pati sistem politik tasol i bin kism ol sevises we i bilong ol pipel bilong dispela kantri PNG. Na dispela inap kosim hevi bilong wok bilong politik insait long kantri. Wariem politikel pait winim na kamapim gavman bilong stet o kantri i mas i gat jenerel politik tingting long sevim kantri olgeta.

Long Sandaun provins em ol nesanel palamen lida na ol LLG memba i mas wok bung wantaim long senisim tude bilong Sandaun i go i no olsem nau lukluk bilong en nau. Lusim pasin bilong politikel salens na i gat wanpela politik tingting we i sut long helpim gutpela laip bilong ol pipel tru long ol wok developmen.

Politikel pati bilong yu i ken i stap olsem kain lain bilong helpim yu long bringim stret dispela politikel tingting bilong wok kamap long ol pipel.

I gutpela long i gat politikel sistem we em i mas i gat ol plen na tingting bilong

developim provins na gutpela kainlain long ronim em gut.

Sapos yu i givim laip long wanpela man na yet em i nogat save na strong bilong mekim dispela wok, orait dispela man i makim laip bilong yu yet, o yu i putimaut dispela laip bilong yu i kamap ples klia long dispela pasin bai wol i save gut stret long yu.

Politik sistem i mas i gat save na strong bilong wokim developmen i kamap.

**Philip Pais**  
Vanimo

Toksave i go long ol manmeri husat i save salim pas ikam long Wantok Niuspepa. Sapos yu no putim nem tru bilong yu long pas bai mipela i no inap prinim pas bilong yu.

## Pita Lus i mas risain long yia 2002

**Dia Edita,**  
Mi wanpela manki Maprik, Is Sepik provins na mi i stap long Kimbe. Mi i gat nau 16-pela krismas olgeta long i stap long Kimbe na wok long oil pam plente-sen.

Mi save harim na kism sem stret long memba bilong mipela Pita Lus. Planti manmeri i save tok olsem, man Pita Lus em wanpela long taim palamenterien na papa bilong kantri na palamen. (Kain tok olsem ol i save tok long em.)

Pita Lus i bin i stap long palamen haus long 1960s inap nau 2000. Wanem kain developmen tru Pita Lus i bin wokim long ilektoret bilong em long 1960s i kam inap 2000 na ol pipel bilong em i holim em yet i stap long palamen?

Mi harim dispela kain tok

bipo i kam inap nau na mi rait long Wantok na bai yumi ol pipel bilong Maprik i mas skelim. Dispela kain tok em tru na yumi ol pipel bilong Maprik i mas traime na makim nupela man. Yumi i mas sem stret long nogat developmen na sem man i stap yet. Nogat sem bilong yumi ol pipel bilong Maprik.

Em i tru olsem, sapos em i man bilong developim provins em yumi i ken holim em i stap. Tasol nogat developmen na bilong wanem bai yumi holim em i stap long palamen.

Nau dispela ileksen 2002 bai yumi mas senisim em na nupela blut i mas kism ples bilong olpela 1960s blut. Plis dispela pas mi raitim em i impoten tru na yumi mas traime senis iliklik.

Pita Lus em i save kism vot long Muhian Bubuta na Albiges. Yupela dispela 3-

pela wod plis traime lukluk long kain man olsem Jerry Kapris, Herrison, Jimmy Gola na Raymond Kamanibi, ol dispela kain man yumi traime makim wanpela bilong ol long dispela ileksen i kam 2002.

Em nau bai yumi lukim sampela senis. Na tu mi askim long yupela dispela 4-pela kendidets. Inap yupela salensim strong bilong Pita Lus.

Mi save olsem Pita Lus i kism planti mani pinis bipo long taim bilong 1980s na 90s. Na em i pulap pinis.

Em tasol wari bilong mi na mi askim yupela ol pipel bilong Maprik ilektoret sapos yu laik sapatim mi o yu i no wanbel long mi. Yu rait tasol long Wantok na bai mi lukim.

**Vincent Akwaekol**  
Kimbe

## Mi no lukim strit preachers

**Dia Edita,**  
Mi wanpela manki Sepik nau mi stap long Lae. Komplen bilong mi em olsem. Long dispela taim nogat ol strit preacher long 90s na kam olgeta na toktok long 2000 yia bai pinis na planti ol narapela ol toktok ol save mekim long nau. Luk olsem ol toktok bilong ol i no karim laikai.

Em soim olsem em ol giaman profet wanem lotu ol kam aut na preach long em i luk olsem em i no trupela lotu. Ol preacher maski westim taim bilong yupela.

Yupela i no save autim stretpela tok i stap long baibel. Yupela save kism sampela long ausait tu na toktok. Nau yet yupela ol preach stap we nau noken hait nambaut long baksait bilong ol arapela. Ol giaman profet em ol strit preachers olsem nau yu husat gen laik stap long rot na preach, noken westim taim bilong yu. Ol brata na susa mi amamas sapos yu laik egensim mi. Tenkyu.

**Vitz Jaillbet**  
Lae

## Puli Katolik misin nem nating

**Dia Edita,**  
Mi wanpela yut edvasa bilong Puli 1, Puli 2 na Puli 3 sios tasol nau mi i stap long Lae. Mi laik autim wari bilong mi long Wantok niuspepa ol pipel long Sugu Paris katolik misin ol i ken lukim na harim.

Katolik misin Sugu Paris mekim sampela pasin long ol lotu lida em i no gutpela. Ol lotu lida save slip long haus slipsip i nogat gutpela haus ol save slip olsem slipsip. Mi i no save wanbel tru long husat sios lida long Karia Kagua yet ol save lukautim Sugu Paris i nogat gutpela tingting bikos ol lotu lida ol makim wok bilong papa God.

Ol narapela misin ol save tok pastor

tasol ol katolik tok lotu lida ol save makim bikpela wok tru olsem na blesing bilong bikpela ol lotu lida mas yusim tu ol i stap wantaim famili.

Olsem kios, laikai, haus ol mas slip long gutpela haus. Mi lukim ol lotu lida slip long en i no gutpela.

Haus long Puli na Alepea. Het Opis bilong Katolik misin long Karia Kagua yet i nogat pasin bilong bung na toktok long ol hevi i stap long lotu.

Em tasol na yu husat brata o susa yu laik sapatim yu i kam tasol long Wantok niuspepa bai mi lukim.

**Nathan Wama**  
Lae

## I noken bringim politiks i go insait long skul

**Dia Edita,**  
PLIS givim mi spes long Wantok niuspepa. Olsem mi laik kamapim bel hevi bilong mi long olgeta papamama na bod ov menesmen bilong Wandot komyuniti skul i ken lukim. Mi wanpela mangi bilong Wantoat mi stap long Bulolo na mi harim olsem hetmasta bilong Wandot komyuniti skul bai traime open sit, na mi no amamas long dispela. Larim olsem hetmasta bilong skul i ken i stap long wok bilong em na senisim Wandot komyuniti skul. Mi bin lukim gutpela nius bilong dispela skul long Wantok niuspepa long Me 28, 2000.

Dispela em histri bilong skul na yu ausait man i noken bringim politiks na bagarapim skul na gutpela wok bilong hetmasta. Yu ausait man i noken grisim hetmasta long 5 yia tasol na bagarapim wok bilong em long politiks, larim em i stap na bihainim plen bilong em long kirapim skul bilong yumi.

Mi laik tok klia olsem yupela ausait man tasol plaim politiks na i save bagarapim Leron Wandot. Olsem na nau noken bringim politiks na bagarapim hetmasta yu husat man i redi long egensim em long 2002 yu wokim bisnis long ples bilong yu na larim hetmasta i stap stretim skul.

Yu husat laik sapatim o egensim mi, yu welkam rait i kam long Wantok niuspepa na mi lukim.

**Yotamin Aindupi**  
Bulolo, Lae MP

## Nesanel Federesen Faundesen tru o giamen

**Dia Edita,**  
Mi wanpela mangi mi laik toktok long dispela Faundesen. Dispela Faundesen em ol wok long giaman ol membass bilong ol na ol i no baim ol na ol i wok long konim ol, na tok ol long las yia i kam inap long dispela yia.

Nau em 6-pela mun. Ol i no baim ol yet na ol i wok long wetim ol i stap. Na taim ol membass i go kamap long ol, ol tokim ol olsem,

yupela i mas i kam long dispela de o mun. Ol konim ol ken. Na tok ol sem kain toktok.

Olsem na plis yupela husat membass bilong dispela Faundesen, yupela i mas toktok na kotim ol lain ya. Bikos ol i wok long konim yupela long las yia i kam inap long dispela yia. Bipo ol kolim olsem:

- Momase Faundesen;
- Hailans Faundesen;

- Papua Faundesen; na
- Niugini Ailan Faundesen.

Tasol nau ol kolim olsem, Nesanel Federesen Faundesen. Em tasol, yu husat memba yu lukim dispela, yu i mas raitim long edita na mi mas lukim o yu husat manmeri yu laik egensim mi o sapatim mi em laik bilong yu tasol.

**John Wariaong Kitks**  
Boroko

## Givim paspot long olgeta provins

**Dia Edita,**  
Mi wanpela manki Boana tasol mi stap long Wawin Erap Morobe provins na mi laik toktok long paspot. Nesanel gavman bilong yumi mas wokim paspot long olgeta provins em bai gutpela long stopim ol hevi o raskol pasin long kantri bilong yumi Papua Niugini. Lukim yupela nogat paspot olsem na ol man raun fri na wokim raskol pasin bikpela long kantri olsem na gavman bilong yumi mas lukluk na stretim kain hevi hariap tasol. Wanpela we em gavman mas wokim paspot na stopim kain hevi long kantri bilong yumi Papua Niugini.

Em tasol na yu husat laik sapatim o egensim em rait tasol long Wantok niuspepa na mi ken lukim.

**Jeffery S Kambagit**  
Wawin, Boana

## Saonu em lida tru bilong Kabwum

**Dia Edita,**  
Mi laik bekim pas bilong dispela jelesman husat i bin rait egensim memba bilong Kabwum Ginson Saonu. Mi ken skelim olgeta toktok bilong bikman ya i olsem nogat as tru tasol bikpela jeles tasol bikos ating em lus long ileksen o i laik traime ileksen long 2002 egensim Mista Saonu.

Memba Saonu em wanpela top lida tru ol pipel bilong Kabwum i gat nau bihain long ol olpela memba bilong Kabwum we i no kamapim wanpela samting bipo long Kabwum. Nau yu ken lukim olsem ol pipel i stat long kism ol sevis tru we ol ples manmeri i laikim stret long en. Ol kain sevis olsem wara saplai, skul, gutpela haus lotu, baim ambulens na helpim Kabwum haus

sik na planti arapela projek em memba i kamapim pinis na i wok long mekim yet. Na bikpela tru em long mekim ol pipel i wanbel long narapela narapela na sindaun gut laikai wantaim gen. Pasin bilong bungim pipel i no isi wok. Tasol ol lida tru i gat save na tingting tasol i save mekim dispela kain bikpela wok bikos taim pipel i bung na sindaun gut wantaim, ol i save kamapim planti gutpela wok na gutpela samting long stretim gut sindaun na laipstail bilong ol long ples. Dispela em gutpela kristen pasin tru bikos Jisas i kam daun bilong bungim yumi wantaim na kamapim bel isi na gutpela pasin i ken stap namel long yumi olgeta.

Yu tok long memba i save senisim pati na kalap kalap. I luk

olsem Saonu i wanpela sore lida we em i save kism stret mani bilong pipel bilong Kabwum we gavman i save givim. Na em i karim i go skelim long ol wok na sevis bilong ples. Sapos pati i no stap long gavman, gavman i save panisim ol na i no save givim ol EDF o distrik fan bilong ol hariap. Sapos yu stap long gavman, yu laki bikos bai yu ken kism dispela EDF o distrik gren bilong yu hariap. Sapos pati i no stap long Oposisen, gavman i save laik panisim ol na sevim ol lain bilong ol yet pastaim bikos ol i mas gat sapat na strong pastaim. Olsem na dispela em wanpela sistem nogat we gavman i bin mekim planti yia i kam na olgeta pipel bilong Papua Niugini i save long dispela pasin. Yu mas senisim pati na stap

long gavman long bringim sevis long pipel bilong yu. Sapos pati i no strongim polisi bilong em, yu mas lusim bikos yu bai pundaun wantaim polisi nogat bilong pati na pipel bilong yu bai kism taim. Yu skelim amas memba bilong pati i bin senisim pati pinis?. Askim ol wanem as na ol i senisim pati. Mi tokim yu stret sapos yu go long palamen, yu bai senisim pati long stap wantaim gavman sait long kism samting hariap long sevim pipel bilong yu. Sapos nogat bai pipel bilong yu bai safa stret. Mipela ol pipel bilong Kabwum i laikim Ginson Saonu. Olsem na yu jeles lain i noken westim taim long raitim ol giaman toktok nabaut egensim memba bikos komplem bilong yu i no makim ol pipel. Em tasol na husat i laik bekim o sapatim em welkam tasol.

**Yangpela Kabwum**  
Mosbi



### Developmen i no kamap yet long Simbai

**Dia Edita,**  
Mi wanpela manki bilong Simbai insait long Madang provins.

Tasol mi kam i stap long Wes Niu Briten provins. Mi laik autim bel hevi bilong mi olsem memba bilong mipela long Midel Ramu Tommy Tomscoll i no bringim sevis liklik long mipela ol bus pipel.

Tasol wanem yia tru bai em i kamapim developmen long Simbai. Planti manmeri long mipela ol i laikim olsem memba Tommy Tomscoll mas wok hat na kamapim developmen long Simbai eria na i go daun olsem long Hagai.

Bel hevi bilong mipela i olsem mipela i save givim vot nating nating long ol memba. Na ol i no save lukluk o tingim mipela long wokim rot i kam insait long ples bilong mipela ol bus pipel. Olsem na strongpela tok lukaut i go long husat man i laik sanap long ileksen long bihain yia 2002.

Ating em tasol long wari bilong mi i pinis olsem.

**Tommy Yangend  
Madang**

# Mendi taun na Not Lai nogat helpim

**Dia Edita,**  
Mi wanpela grasrut manki stret long las ples bilong Not Lai Seket laik autim wari bilong mi long memba bilong mipela long Mendi open ilektoret Mista Michael Nali nau.

Taim yu laik kisim vot long yia 1992 ileksen long kamap olsem hetman tru nau, yu stap long haus palamen, yu bin kapsatim pipia maus wari bilong yu long ol manmeri na tok. Yu bai karim wari bilong ol ya, yu giaman stret. Harim a yu nogat wanpela gutpela tingting long het bilong yu. Brata, het bilong yu pulap long pasin bilong giaman ol manmeri.

Mi askim yu, yu noken kam ran long haus dua bilong mipela ol manmeri long Not Lai Sekets. Em i tambu tru long yu o wanpela sapota bilong yu kam ran long hap bilong mipela insait long Not Lai. Yu bin stap 8-pela krismas pinis long haus palamen na nogat wanpela senis i kamap

insait long Mendi open ilektoret. Wanem taim bai yu wokim ol dispela maus wari toktok yu save givim long ol manmeri long ples?

Yu stap mangi yet na taim yu kamap man taim yu bai wokim o wanem taim?

Bilong wanem na yu go haitim pes bilong yu long Mosbi tasol? Yu lukim ol wankain man olsem yu ol developim wan wan ilektoret bilong ol ya yu save lukim tu a?

Stat long taim bilong Michael Somare i kam inap nau, mipela Not Lai pipel i no bin kisim wanpela sans long sevis olsem, rot, skul, haus sik na ol narapela samting tu. Bekim bilong dispela longpela taim hangre long han bilong memba, mi tambuim yu long kam insait long yia 2002 long Not Lai.

Not Lai manmeri mas putim dispela long het na sapos yupela lukim Michael Nali karim mani i kam plis kisim na noken

givim vot. Mipela i gat planti risoses long Sauten Hailans tasol taun bilong yumi i luk olsem nogat lida.

Taim ol narapela provins lukim taun bilong yumi, ol i tok bilas i stap. Mi sem nogut tru long dispela na ating yutupela Michael Nali na Anderson Agiru yutupela sem long dispela samting tu o nogat?

I no luk olsem ol manmeri makim yutupela long haus palamen, sapos ol manmeri makim yutupela em yutupela inap long sori liklik long ol Sauten Hailans pipel.

Mi wanpela grasrut mangi stret long las ples bilong Not Lai raitem dispela. Sapos sampela bilong yupela laik sapotim o egensim plis rait i kam long Wantok niuspepa na bai mi lukim.

**Tumulma Wak  
Mendi**

## Liklik bisnis laikim join vensa

**Dia Edita,**  
PLis inap yu putim dispela toksave bilong mi long Wantok niuspepa. Mi wanpela liklik bisnis man nau mi wok long ronim bisnis long Kimbe, Wes Niu Briten provins.

Dispela liklik bisnis i save mekim ol wok olsem:

- 1. Plumbing
- 2. Construction
- 3. Joinery

Dispela em ol wok olsem wokim nupela haus, putim wari saplai wokim toilet wokim kabod, bed na moa yet.

Sapos husat manmeri interest long wok bisnis wantaim, olsem patna (partnership) plis rait i kam long dispela adres.

Ten Plumbing/Construction & Joinery, P O Box 474, Kimbe, West New Britain province. Attention Mr John Bare.

## Ol Sepik nogut ya

**Dia Edita,**  
Mi wanpela meri Sepik i stap nau long Wewak. Mi laik bekim pas bilong Misuhung o brata i bin kamap long Me 25, 2000 long Wantok niuspepa.

Brata ya i tok olsem mipela ol Sepik na Hailans i hangamap olsem ol bilak bokis long Lae na Madang. Brata ol stap na givim namba long provins bilong yu ya. Bipo yu stap long we na nau yu toktok. Tok pisin bilong yu i nogat kik bilong en ya.

Harim ol Sepik save kisim bun bilong tumbuna bilong ol na ol gat

setelmen long olgeta hap bilong provins ya. Brata, em ya wanpela askim bilong yu long bekim.

Yu Morobe bin planim wanpela pos long Sepik tu o nogat?

Yupela save kam long Sepik, yupela save raun olsem ol kol pis stret o nogat yupela save siruk siruk olsem ol kindam na go bek ya. Mi tokim yu stret, Sepik save karim na stap ya. Em tasol.

**Tillie Tiloy  
Wewak**

## Memba bilong Telefomin hait olgeta

**Dia Edita,**  
Mi harim maus na wari bilong Telefomin pipel na mi tu mi bilong Telefomin distrik long Sandaun provins. Mi laik toktok olsem memba Robert Sakias i wanpela man bilong Lamana Hotel. Em i no bilong Telefomin Open, pipel i votim em long go slip na spak na raun tasol.

Mi wanpela man bilong konsen long developmen na mi lukluk olsem Telefomin Open ilektoret memba i go daun, daun long ruts bilong wari na diwal bilong Telefomin. Nogat na nogat moa nem i stap long Nenesel Palamen Telefomin distrik developmen.

Harip na plis mekim sampela han mak mas kamap nau na mipela ken save olsem yu dispela lida man. Nogat bai yu lus long 2002 ileksen. Mi laik tok moa tasol nogat spes long raitem moa toktok. Husat brata o susa yu i stap long wanem hap long dispela kantri, yu husat bilong Telefomin orait mi putim long pepa na sapotim, ol welkam tasol na toktok.

**Tata Bus  
Tabubil**

## Stretim gut moa lo bilong kantri PNG


**Dia Edita,**  
GAVMAN i mas stretim gut ol lo bilong en long lukim olsem em i bihainim stret lo o kantri i ron stret i go long solwara na pipel i stap gut long dispela sip na i no pundaun.

Tu stretim gut lo bilong kanti PNG ol pipel na ol risoses bilong ol bai PNG bilong tomoro i lukim bihain taim bilong ol i orait tasol.

Tu bai ol i gat bel tras long yumi olsem samting God i givim yumi, yumi i bin yusim wantaim stretpela lo, olsem ol lain bilong bipo tumbuna i bin holim gut ol samting nau yumi i gat long en tude.

Stretim gut ol lo bilong PNG ami, ol plis dipatmen, CIS na ol haus kot.

So wanem kain lo gavman i



ka'mapim na nau i stap bai lo yet i ken sindaun na klasim gen olsem em i bin. Stretim ol hevi o nogat, o em i sevim sampela pasin nogut na pinisim risoses bilong kantri nating tru.

Lo i bikpela samting tru long wanem em i toktok long stretim gut, tilim samting stret, Jastis na gutpela sindaun na banisim yumi long ol trabel na birua.

Lo em God i givim long yumi long lukautim gut laip, propeti na

risos bilong yumi.

Lo i mas i stap namba wan long dispela kantri olsem stretpela pasin i stap long soim yumi olgeta olsem stretpela pasin i dispela na asua i dispela.

So dispela asua tasol nau i bringim dispela hevi, pen na bagarap nau yumi i wok long bungim.

Husat i save i go egensim lo em raskol pasin na trabel.

So dispela i mas namba wan birua yumi i mas pinisim i no laip bilong man tasol pasin nogut.

Husat inap long tokim mi wanem lo i tok yu i ken larim pasin nogut i go fri?

Plis prea na God i ken soim yumi rot.

**Phillip Pals  
Vanimo**

## Midel Ramu memba i stap we

**Dia Edita,**  
Mi wanpela boi Madang tasol nau mi i stap long Kimbe na mi laik autim bel hevi bilong mi olsem.

Memba bilong Midel Ramu Tommy Tomscoll i stap we nau. Long 1997 ileksen yu promis na yu tok olsem mi bai bringim Midel Ramu haiwe rot.

Tok bilong yu wari Aujag i karim i go pinis na tok i no karim kaikai olsem na long yia 2002 yu noken sanap long ileksen.

Mipela pipel i holim pawa i stap dispela nem memba o nem lida em nem bilong mipela grasrut manmeri na i no bilong yu. Yu stil tasol na yu no tingim mipela o yu no givim sevis long mipela pipel olsem na yu noken kamap lida gen.

**Simon Ess  
Kimbe**

## Bikpela graun stap nating

**Dia Edita,**  
Mi laik mekim gen wanpela toktok long pepa bilong yu, toktok mi laik mekim, em i sait stret long toktok long graun raits. Yumi long PNG yumi laki olsem yumi gat graun i no olsem ol narapela kantri (nesen) ol i nogat graun long wanem ol i salim graun, na i no skelim gut ol mak bilong graun, we bai gat wari bihain. Olsem Fiji na Solomon Ailan.

Yumi mas glasim na tilim gut graun namel long ol klen, traib na famili, na wok long en. Graun yumi givim long State olsem i mekim i kamap taun na siti em inap long mak, noken go moa o noken go daun.

Mi sindaun na mi wok long lukim olsem planti manmeri, pikinini na ol pipel long narapela hap olsem Hailans, Momase, Allan rijen i wok long wokabout

nating nating long olgeta hap bilong taun na siti long kantri, na mi pilim sore. I no long taim bai yumi pait long graun bikos, narapela man i baim na mekim wok bisnis yumi bilas na yumi raun raun i stap, kirap nogut, yumi tok nogat wok, nogat graun, no mani, nogat bisnis.

Oh mi kamap rabis na yumi pait long kisim bek graun, krai long wok, singaut long mani, nogat yumi stil.

Yumi kamapim trabel, na ol kainkain samting olsem. Yumi mas helpim yumi yet na ol pikinini long bihain taim.

Yumi mas stat nau, nogut bai yumi pait long graun. Em tasol yu husat laik sapotim em rait nogat em tu em orait. Tenkyu.

**Andrew John Singer  
Wewak**

## Planti tumas speling mistek

**Dia Edita,**  
Mi wanpela yangpela meri mi rait i kam long Mt Hagen. Mi save amamas tru long redim Wantok niuspepa, na mi save amamas tru long ridim stori bilong Kanage na Toro na Biabia na ol narapela stori.

Tasol i gat wanpela samting we mi no amamas tumas long en, em olsem. Taim mi redim Wantok mi save lukim olsem i gat planti tumas mistek long ol speling na tu long sain mak.

Olsem wanem yupela i gat ol draft kopi samting we yupela i save wokim ol senis samting long en?

Plis yupela mas save olsem planti ol manmeri pikinini i save laikim tru long rid na ol bai i no inap amamas long lukim planti ol mistek olsem.

Na tu ol man husat i save rait i kam long yupela ol i raitem stret ol tok tasol yupela i save mekim o raitem krangi na mekim semim ol tu ya.

Em tasol liklik wari bilong mi na mi save bai yupela i traime senisim na stretim dispela hevi. Tenkyu.

**Konsen rida  
Mt Hagen**

## Husat tok Saweni i gat 5 yia plen long Lumi?

**Dia Edita,**  
Mi laik bekim pas bilong brata ya Mel Kavel i bin kamap long mun Me 11, 2000.

Brata Mel long pas bilong yu, yu bin tok olsem Saweni i gat 5 yia plen long Lumi. Brata dispela toktok yu harim o kisim we tru na yu raitem kamap long niuspepa. Ating yu mas kamap long hol bilong ston na diwai olsem na yu mekim dispela tok. Luk olsem sapos yu manki bilong ples stret, bai yu save long stail na pasin

bilong ol kain bikman olsem Saweni.

Mel Kavel ating yu i mas harim dispela tok Saweni i mekim long Madang Resort na Madang Lodge olsem na yu bilipim em stret na yu mekim. Mel Kavel luk olsem ating hap ples bilong yu wantaim ol pipel bilong yu em Saweni i mas bringim sevis i go pinis olsem na yu mekim dispela tok.

Mel Kavel kain tok yu mekim long sapotim Saweni tasol long winim narapela manmeri na yu ting olsem

em man tru bilong bringim developmen i go long ples o ilektoret bilong em.

Brata luk olsem nau em las pas bilong yu, na yu noken rait ken na sapotim kain man olsem. Sapos yu rait na sapotim kain man olsem bai em ting olsem olgeta manmeri ol wanbel wantaim em. Bai hat long em. Tokim em redi long 2002 na kam.

**Shucks ov Sandaun  
Lae, MP**



# PNG Business August Isiu i kamaut NAU!!



Noken lus  
ting long  
kisim pepa  
bilong yu  
klostu long  
nius -stoa  
bilong yu!

**K1.00  
tasol.**

**Bisnis bilong  
yu em Bisnis  
pepa bilong  
mipela!**






• Toyota Brothers i soim tumas pawa long autim Kone Tigers long primia lig resis long Pot Mosbi.




• Dispela em B gret salens namel long Defence na Post Puma long Pot Mosbi ragbi lig resis.



• Difenda bilong Luvonia i traim long stapim suta bilong Telstra long Anda 21 division netbal resis.




• Golkipa bilong Tawala i kikim bal long lek bilong straika bilong ol Babaroko.



• Lephon: Yangpela Kieron Chan hatim tren-ing long Taurama Gymnasium long Pot Mosbi. Chan bai makim PNG long Olimpik Gems long Sydney, Australia.

• Raithan: Golkipa bilong Yuni Willie Bera i holim pinis bal bipo long birua bilong em i kamap long Pot Mosbi soka resis.





**CAMBRIDGE PORT MORESBY RUGBY LEAGUE**

**Junior**

Lloyd Robson  
Saturday August 5th, 2000

09:30	U17	Dobo Warriors vs Waliya
10:30	U17	Defence vs Paga
11:30	U17	Magani vs West-
12:30	U17	Tarangau vs Royals
13:30	U19	Dobo Warriors vs Wests
14:30	U19	Royals vs Post Puma
15:30	U19	Tarangau vs Waliya

**PRL Ground 2**

09:30	U17	Post Puma vs Souths
10:30	U17	Hawks vs Kone Tigers
11:30	U17	Kila Storms vs Waga Rats
12:30	U17	Brothers vs Ragibust
13:30	U19	Hawks vs Magani
14:30	U19	Pom Bus College vs Cardinals
15:30	U19	Paga vs Waga Rats

Lloyd Robson  
Sunday August 6th, 2000

**Minor Semi Final/Preliminary finals**

Lloyd Robson

09:00	C grade	Dobo Warriors vs Paga Pathers
10:30	B grade	IBS Magani vs Post Puma
12:00	B grade	Dobo Warriors vs Kone Tigers
13:30	A grade	IBS Magani vs Kiuford Royals
15:00	SP Cup	Cambridge Vipers vs Lae Bombers

Lloyd Robson

Tuesday August 8th, 2000

16:00	U19	Souths vs Kone Tigers
-------	-----	-----------------------

Wednesday August 9th, 2000

16:00	U19	Brothers vs Kila Storms
-------	-----	-------------------------

Thursday August 10th, 2000

16:00	U19	Ragibust vs PIMS
-------	-----	------------------

**LAHI SOCCER ASSOCIATION**

**WEEK 9 DRAW - ROUND 2**

Venue: Silks

Saturday August 5, 2000

0800	U19-1	Asiawe v Guria
0915	W2	Asiawe v Demdem
1030	PD	Gee Otton v Bugandi
1145	W1	Defence v Malabu
1300	W1	Sobou v Morobe Utd
1415	P1	Unitech v Malabu
1600	P1	Bugandi v Lae Biscuit

Sunday August 6, 2000

0800	PD	Rapatona v Bugandi
0915	W1	Eagle Sisters v Unitech
1030	PD	Gee Otton v Malabu
1145	W1	Elcom v Murat
1300	P1	Sobou v Murat
1445	P1	Rapatona v Unitech
1630	P1	Telikom v Defence

Telikom College

Saturday August 5, 2000

0900	W1	Unitech v Bullets
1015	PD	Unitech v Sobou
1130	PD	Demdem v Amotts
1245	PD	Muya v Gaziga
1400	D1	Maienduo v Poasum
1515	D1	Bullets v Milne Bay Utd

Sunday August 6, 2000

0900	W2	Busu v Midnorth
1015	W2	Bumayong v Poasum
1130	W2	SP Brewery v Asiawe
1245	W2	Demdem v Lae Biscuit
1300	U19-2	Gaziga v Gee Otton
1415	U19-1	Elcom v Gugandi
1530	U19-2	Bumayong v Midnorth
1645	U19-1	Bumayong v Busu

Igam Field

Sundau August 6, 2000

0830	U19-2	Asiawe v Muya
0945	D1	Elcom v Demdem
1015	D1	SP Brewery v Milne Bay Utd
1145	D1	Midnorth v Amotts
1315	D1	Mungkas v Asiawe
1445	PD	Defence v Lae Biscuit

**COCA COLA SHIELD**

**Round 11 Matches**

Tuesday August 1, 2000

5.45pm	F1	Amotts Biscuit v Lae City Council
	F2	Coca Cola Amatil v Gamoga

6.35pm	F1	Goodman Fielders v PNG Motors
	F2	Supa Value Stores v Ela Motors

Bye: Ela BP (PNG) Ltd

Wednesday August 2, 2000

5.45pm	F1	Bellek Chemicals v Niugini Tablebirds
	F2	Herbalife v Toba Motors

6.35pm	F1	Boroko Motors v Niugini Electrical
	F2	Boroko Motors v Truckits

**Points Table**

Team	W	D	L	F/P	P/A	Total
Bellek Chemicals	9	1	1	-	70	37 30
PNG Motors	7	2	2	-	54	30 27

Boroko Motors	7	2	2	-	60	41 27
Goodman Fielders	7	1	3	-	66	55 26
Toba Motors	6	3	2	-	69	40 25
Niugini Tablebirds	2	-	9	-	39	71 15
Herbalife	2	-	9	-	32	65 15
Truckits	-	-	10	1	30	81 10

**Results**

Boroko Motors defeated Herbalife 5-2  
Goodman Fielders defeated Truckits 8-7  
PNG Motors defeated Niugini Tablebirds 5-2  
Toba Motors defeated Bellek Chemicals 6-5

**Wednesday**

Boroko Motors	10	1	1	-	87	49 33
Niugini Electrical	8	2	1	-	68	40 29
Supa Value Stores	6	3	2	-	51	48 27
Amotts Biscuit	6	2	3	-	71	45 25
Gamoga	4	3	5	-	65	62 23
Ela Motors	3	3	5	-	62	56 20
BP (PNG) Ltd	4	-	7	1	56	77 19
Coca Cola Amatil	3	-	7	1	37	69 16
Lae City Council	1	-	5	6	22	73 8

**Results**

Niugini Electrical defeated Supa Value Stores 8-3  
Boroko Motors defeated Lae City Council 5-0  
BP (PNG) Ltd defeated Coca Cola Amatil 6-4  
Amotts Biscuit defeated Gamoga 10-5  
Ela Motors - bye

**CAMBRIDGE PORT MORESBY RUGBY LEAGUE COMPETITION**

Match Results for weekending July 29-30, 2000.

**Major Semi Final**

**C Grade**

Warriors 24 defeated Tarangau 20

**Reserve Grade**

Magani 16 defeated Waliya 14

**A Grade**

Downer Construction

Souths 15 defeated Brothers 8

Waliya 42 defeated Post Puma 12

**PORT MORESBY SOCCER ASSOCIATION**

Saturday August 5, 2000

**Bisini One**

0800	D2	Wanzesi v WMI
0920	W2	Adau v Madgauns
1030	D2	Bavaroko v Naniu
1145	W2	Pom Utd v W/Height
1255	W1	Cosmos v Guria
1400	D1	Cyclone v B/Mocks
1500	Youth	Guria v SP Brewery
1600	Premier	Defence v Tawala

**Bisini Two**

0800	D2	Eda Ranu v M/Kayaks
0920	D3	Bipi (JAJA) v Aigob
1030	W2	Orogen U18 v Falcon
1145	D1	Nomads v Sobou
1255	W1	WMI v ANZ University
1400	D1	Kula v Adau
1500	Youth	Babaka v Rapatona
1600	Premier	Guria v SP Brewery

**University**

0800	Youth	Defence v Tawala
1020	D4	Defence v Tawala
1145	Youth	Cosmos v Tarangau
1300	D4	Cosmos v Tarangau
1420	D4	Blue Kumuls v PS United
1530	D3	Pom Utd v Kurtu-Andra

Sunday August 6, 2000

**Bisini One**

0800	D3	Kurti-Andra v Pom Utd
0920	W2	Tawala v Murat
1030	W1	Defence v Tarangau
1145	D1	Pom Utd v Bao Mitas
1255	W1	Cyclone v Kula
1400	Premier	Kurti-Andra v ANZ University
1600	Premier	PS Utd v Blue Kumuls

**Bisini Two**

0800	D2	Murat v Mungkas
0920	W2	Rapatona v Bavaroko
1030	M2	Murat v Mungkas
1145	D1	Verave v YM2
1255	W1	Telikom v Sobou
1400	Premier	Cosmos v Tarangau
1600	Premier	Rapatona v Babaka

**University**

0800	D4	Rapatona v Babaka
0920	D4	Guria v SP Brewery
1030	Youth	ANZ Uni v Kurti-Andra
1145	D4	ANZ Uni v Kurti-Andra
1255	D2	Nisco v Dolos
1400	D3	Asum v Sunset

Games between Muma and Buresong has been suspended.

Bye: D1	Dobo Futz
W1	IBS PS United
W2	SP Brewery
D2	Duau
D3	Rainbow West

**SP CUP 2000**

**Round Nine Results**

Vipers 18 defeated Gurias 8  
Warriors 28 defeated Tumba 22  
Muruks 8 defeated Bombers 6  
Laharis 16 defeated Eagles 4  
Bye Micks

**Points Table**

Team	P	W	L	D	F - A	Pts
Gurias	8	6	2	-	140 - 111	12
Micks	7	5	1	1	113 - 90	11
Muruks	7	4	2	1	97 - 82	9
Vipers	7	3	2	2	122 - 106	8
Warriors	9	4	5	-	182 - 194	8
Eagles	8	3	4	1	139 - 100	7
Bombers	8	3	5	-	85 - 103	6
Laharis	7	2	4	1	98 - 115	5
Tumba	7	1	6	-	87 - 168	2

**Round Ten Draw (Sunday August 6, 2000)**

Micks v Gurias (WBG)  
Eagles v Muruks (WBG)  
Laharis v Tumba (GKA)  
Vipers v Bombers (POM)  
Bye: Warriors

**COCA COLA PORT MORESBY NETBALL ASSOCIATION**

Saturday August 5, 2000

**Juniors**

U10 A - 0800am

C1	Mermaids v Rebels
C2	Telstars v Holy Rosary
C3	BB Kings v TST Kempa
C4	Ted Diro v Chevron P.

U10 B

C5	Mase v Rakaone
C6	Holy Rosary v Telstar
C7	Boreboa v Bavaroko

U13 A - 0830am

C1	Chevron P. v BB Kings
C2	June Valley v Mermaids
C3	St. Theresa v Telstars
C4	Rebels v TST Kempa

U13 B

C5	Hagara v Mermaids
C6	St. Theresa v Rebels
C7	TST Kempa v St. Pauls
C8	St. Peters v Rebels

U13 C

C9	St. Michaels v Boreboa
C10	Holy Rosary v Sparrows
C11	Pari v Bavaroko
C12	Wardstrip v Kila Kila Pri

U13 D - 0900am

C5	Rakaone v Mase
C6	Philip Aravure v Bavaroko
C7	Tatana Pri v Boreboa

U13 E

C11	Sparrows v St Pauls
C12	Philip Aravure v Hagara
C13	Butuka v Kaugere
C14	Holy Rosary v Pari

U15 A

C1	June Valley v TST Kempa
C2	Telstars v Rebels
C3	Mase v Chevron P.
C4	Kila Kila Pri v Mermaids

U15 B

C13	June Valley v St. Theresa
C14	Ted Diro v St. Peters
C15	Wardstrip v Hagara
C16	Rebels v St Pauls

U15 C - 1000am

C1	Philip Aravure v Butuka
C2	St. Theresa v Badihagwa
C3	Bavaroko v Boreboa
C4	Tatana Pri v Tokarara Pri

U15 D

C5	Bavaroko v Boreboa
C6	Kaugere v St Peters
C7	Mermaids v Sparrows
C8	Tokarara Pri v Pari

U15 E

C11	BB Kings v Pari
C12	Hagara v Philip Aravure
C13	St Michaels v Hohola Youth
C14	Holy Rosary v Sparrows

U17 A - 1100am

C1	Rebels v Mermaids
C3	Hagara v Telstars
C4	Badihagwa v Tokarara Pri
C5	Kila Kila Sec v Chevron P.

U17 B

C6	Tokarara Pri v Philip Aravure
C7	Ted Diro v Mermaids
C8	Hohola Youth v Luvoni
C9	Badihagwa v Kila Kila Pri

U17 C

C12	Gavuone v Boreboa
C13	Mase v Bavaroko

Bye: Holy Rosary

U21 Pool A - 1200pm

C1	Sogerri v Kila Kila Sec
----	-------------------------

C3 Telstars v Mermaids

C4 Chevron P. v Luvoni

**U21 Pool B**

C5 Mermaids v TST Kempa

C6 Mase v Sogerri

C7 Hohola Youth v Chevron P.

Bye: BB Kings

**Seniors Week 13 - Golden Oldies**

1.00pm TST Kempa v Chevron P.





# WANTOK SPOT



## Kempen bilong OFC presiden i strong

**HENRY MORABANG** i raitim

PAPUA Niugini Futbal Asosiesen (PNGFA) bai makim presiden bilong Vanuatu Johnny Tinsley-Lulu olsem kendidet long resis long sia bilong presiden bilong Osenia Futbal Konfederesen (OFC).

I tru olsem PNGFA eksekutiv i no pasim tok tasol Kisakiu Posman husat i save go pas long planti tok tok bilong PNGFA i ting, ol arapela eksekutiv bai sapatim dispela tingting.

Posman i tok Mista Tinsley-Lulu i holim wok vais presiden bilong OFC longpela taim tru. Na i gutpela em i ken go antap olsem presiden. Em i tok sapos nupela man i kamap olsem presiden, em bai mekim wok i go hat.

Resis long sia bilong OFC presiden i kamap bihain long presiden tru, Charles Dempsey i tokaut olsem em bai risain. Lapun bilong Nu Silan ya i risain bikos em i no bihainim tingting bilong OFC Kongress long tromoi vot. Long taim bilong makim kantri long holim 2006 Wol Kap, Mista Dempsey i no vot na Jemani i win 12-11. Sapos em i vot, tupela bai dro na presiden bilong FIFA Sepp Blatter husat wanpela strongpela sapota bilong Saut Afrika bai givim vot long Afrika yet ya.


Dispela vot bilong makim nupela presiden i sapos long kamap long Oktoba 1 tasol nau ol i surikim i kam long Septemba 28.

Posman i tok arapela samting long Mista Tinsley-Lulu, em i gat gutpela save long tok tok long Frans na Inglis. Na long Saut Pasifik, mipela i gat kantri i save tok tok long Frans na Inglen.

Posman i tok presiden bilong Vanuatu i gat gutpela sans bikos PNG i kisim pinis sapat i kam long Tahiti. Nau Tahiti na PNG bai kempen long askim Solomon Ailans long sapatim em.

Fiji i no save sapatim tumas Vanuatu long tok tok long helpim na strongim soka, olsem na ol bai putim kendidet bilong ol yet, Dr Mohammed Sahu Kahn.

Insait long arapela nius, insait long wanpela OFC eksekutiv miting long Sarere long Nu Silan, ol i makim Dr Kahn olsem mausman bilong OFC long FIFA miting.



**Netbal palai** • Susa ya bilong TST Kempa netbal tim i mas kamautim olgeta kain stail bilong em taim ol i bungim Rakaone las wiken long Pot Mosbi netbal resis. Pilai i kamap klostu long gren fainal na ol tim i traim hat tru long kamapim gutpela pilai long win na stap insait long dispela resis. *Poto: ISSAC IKUAVI.*

## Paul Joseph helpim tim long win

**WANPELA** pilaja bilong PNG Pukpuks Paul Joseph i kamapim nem bilong kantri taim em i helpim tim bilong em, Kahukura long winim gren fainal namba tu taim las wiken.

Kahukura i autim namba wan birua tim, Te Puna long gren fainal.

Dispela win bilong Kahukura nau bai promotim tim i go long Baywide Primia Divisen long neks ya.

Paul Joseph yet i skorim namba wan poin long penalti. Orait bihain long dispela ol bikpela fowat bilong

Te Puna i kambek na winim bikpela gran na Kahukura i mekim planti asua na ol i kisim penalti.

Long namba wan hap, skoa bilong tupela tim i sanap olsem Te Puna i go pas wantaim 9-pela poin na Kahukura i gat tripela poin tasol.

Insait long namba tu hap, ol i kamapim gutpela pilai long bringim skoa i go daun long 9-6. Tasol ol i moa sans na kikim arapela tripela penalti na skoa i sanap 12-6.

"Mipela i gat sans long skoa tasol mipela i no tingting gut olsem na ol bol Te Puna i putim rivers gia

long mipela," Paul Joseph i tok olsem.

Samting olsem 10 minit i stap, Paul Joseph husat i stap fulbek long namba tu hap i kamap gutpela pilai.

Joseph i kisim bal long fulbek posisen na em i ran i go na setim bikpela fowat bilong em, Marcus Verooe long putim trai. Verooe em bikpela namba 8 bilong tim na las wik em i skorim trai long semi fainals na tim i go long gren fainal las wiken.

Te Puna i nap long winim gem tasol ol yet i no kikim gut penalti

long las minit.

Joseph yet i no amamas wantaim tim bilong em bikos em i kisim balus na joinim arapela skwat memba bilong em long Bay of Plen Steams Nesenel Provinse Sempionsip.

Boi PNG ya i winim spes long fainal skwat na ol bai go resis long sempionsip long dispela wiken.

Arapela tupela PNG pilaja long Nu Silan James Pomat na Paul Pomoso i kambek pinis na pilai long klab bilong ol. Pomat i pilai wantaim Difens klab na Pomoso i go bek gen long joinim Wanderers.

# Em i Gutpela Em i Tuna Em i bilong PNG stret...

PROUDLY  
**PNG  
MADE**



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.